

EXERCITATIO ACADEMICA
DE
SVBLIMI
PRINCIPVM AC STATVVM
EVANGELICORVM
DISPENSANDI IVRE
IN CAVSIS ET NEGOTIIS
TAM SACRIS QVAM PROFANIS.

QVAM
IN REGIA FRIDERICIANA
CONSENSV ILLVSTRIS FACVLTATIS IVRIDICAE
SUB PRAESIDIO
MAGNIFICI ACADEMIAE PRO-RECTORIS
DOMINI



IVSTI HENNING. BOEHMERI ICTI
S. REGIAE MAIESTATI BORVSSICAE A CONSILIIS
INTIMIS PROFESSORIS IVRIS ORDINARIJ.

RESPONDENS
IOANNES CHRISTIANVS von Hauner

AVGVSTANVS
PRO SVMMIS IN VTROQVE IVRE HONORIBVS CONSEQVENDIS
PVBLICO ET SOLEMNI ERVDITORVM EXAMINI SVMMITTET.

IN AVDITORIO MAIORI,
AD DIEM XIX. MENSIS OCTOBRIIS, ANNI CIO MDCC XXII.

HALAE MAGDEBVRGICAE, LITTERIS HENDELIANIS. 1725.



SECTIO I.
DE
IVRE DISPENSANDI
IN GENERE.

CAP. I.
DE
CONCEPTV DISPENSATIONVM
GENVINO, TVMET DE FATIS
EARVNDEM IN IVRE CIVILI.

CONSPECTVS.

*AVctores praecipui, qui de dispensationibus scripsere. §. 1.
Vox dispensationis originem debet iuri ecclesiastico antiquo: Res ipsa tamen in iure civili non incognita fuit. §. 2.
Diversa dispensationum fata pro diverso statu legum; Et primo quidem fata dispensationum in statu reipublicae rom. democratico. §. 3. 4.*

*Item in statu aristocratico, sub finem. §. 4.
Tandemque in statu monarchico. §. 5.
Iura a principibus constituta olim specialiter audiebant constitutiones. Harum divisio Et diversitas. Quidius singulare Et speciale? §. 6.
Ius speciale quot modis constituitur? Tribuitur autem illud 1.
A
Can-*

<i>Causis & rebus.</i> 2. Certo personarum ordini. 3. Denique certae personae. §. 7.	<i>Genuina dispensationum a privilegiis differentia.</i> §. 12. 13.
<i>Certae personae tributum in sensu strillo vocatur privilegium, cuius varia acceptio.</i> §. 8.	<i>Haecenus dicta rediguntur in summam.</i> §. 14.
<i>Definitio dispensationum.</i> §. 9.	<i>Differt dispensatio a mutatione legis.</i> §. 15.
<i>Quomodo differat dispensatio a privilegio? recensentur differentiae a Lynckero propositae.</i> §. 10.	<i>Item ab interpretatione restrictiva.</i> §. 16.
<i>Quae examinantur.</i> §. 11.	<i>Denique a restitutione in integrum, cuius vera notio evoluitur.</i> §. 17. 18. 19.

§. I.

*Auctores
praecipui qui
de dispensa-
tionibus scri-
psere.*

VSu frequentissima est doctrina de dispensationibus, variisque scriptis explicata atque illustrata; sed quod negari nequit, tam amplum diffusumque ambitum habet, ut alienae industriae adhuc plura relicta esse videantur, qua vel confuse & obscure posita, in debitum reducantur ordinem, vel peruerse tradita emendentur. De dispensationibus ecclesiasticis egit succincte, sed elegantissime, FRANCISCUS FLORENS, Ictus Parisiensis in operibus suis iuridicis P. I. p. 317. qui prae multis aliis conceptum dispensationum satis accurate tradidit. Diffusior est PYRRHVS CORRADVS in praxi dispensat. Apostol. sed etiam confusior, nec ubique sobria tradit, pro more scriptorum eius generis. Dissertationibus academicis quoque quidam in hoc themate enucleando aliquid studii posuere, ut SCHROETERVS Ictus Ienensis, VNGEPAVER, ZIEGLERVS, BECHMANNVS, HOFFMEISTERVS, STRVIVS, aliique; (a) Sed in conceptu eius evoluendo

- (a) Ita complures alii recensentur a LIPENTIO in bibliotheca iuris, quos inter praecipuum quendam tenere videtur locum IOH. BANDAEVS, Gallus, de dispensationibus & Formulis dispensationum.

do non vbique *angustis* egerunt. Incidenter plures hanc attigerunt materiam, vt ZIEGLER *de iurib. maiestat. lib. I. cap. 7.* MYLER AB EHRENBACH *de principibus & statibus imperii cap. 50.* RHETIVS *instit. iur. publici lib. II. tit. 7.* L. B. de LYNCKER *in commentario ad ius ciuile, tit. de constitutionibus principum §. 16.* aliique, qui de *legibus & privilegiis* egerunt.

§. II. Dispensationis, eo sensu, quem hic tueri instituo, appellatio *in iure ciuili* non occurrit, sed magis ex *iure antiquo ecclesiastico* ad fora & subsellia principum est tracta, vt infra, vbi fata eius enarrauero, tradendum erit. Res ipsa tamen, quae hac sub denominatione latitat, *iuri ciuili* haud incognita est, prout conceptus eius, ante omnia euoluendus, demonstrabit. Videlicet noto notius est, leges scribi subditis, vt actiones suas secundum eas instituant, & quidem praecise & sub *obligatione perfecta, seu coactiva.* Aut enim leges poenam in contradicentes constituunt, aut actum contra eas gestum irritant, aut denique ad satisfactionem priuatam (b) eos cogunt, qui contra leges in praeciudicium alterius egerunt. Cum itaque norma esse debeant actionum eorum, qui in societatem ciuilem abierunt, consequens est, vt *ius commune* omnibus constituere debeant, & quoscumque ligare, nisi quos legislator speciatim ab earum vinculo exemit. Id ipsum innuere videtur VLPIANVS in l. 8. D. de LL. aiens: *iura non in singulas personas, sed generaliter constituuntur.* Legis enim, auctore CICERONE lib. III. inf. haec vis est, scitum esse vel iussu in omnes. Inde in l. I. D. de LL. lex dicitur *commune praeceptum.*

Vox dispensationis originem debes iuri ecclesiastico antiquo; Res ipsa tamen in iure ciuili non incognita fuit.

A 2

§. III.

num. Tr. XIV. E recentioribus autem omnibus reliquis anteponi merentur PETRVS DE MARCA & LVD. THOMASSINVS ille in *concordia sacerdotii & imperii*, hic in vasto opere *de vetere & noua ecclesiae disciplina.*

(b) Vide, quae latius huc disserit MAGNIF. DN. PRAESES in *introductione in ius publicum vniuersale p. spec. L. II. C. III. §. 48. sqq.*

*Diuerſa diſpenſatio-
num ſata
pro diuerſo
ſtatu legum.*

§. III. In republica Romana pro ſtatu diuerſo legum non minima fuit diuerſitas. In *republica democratica* lex dicebatur *generale iuſſum populi aut plebis*, rogante magiſtratu in comitiis. Vnde colligit GELLIVS lib. X. noſt. attic. c. 20. neque de imperio C. Pompeii neque de reditu M. Ciceronis, neque de caede P. Clodii quaefſiones, neque alia id genus populi plebiſue iuſſa, *leges* vocari poſſe. *Non ſunt enim*, pergit, *generalia iuſſa; neque de vniuerſis ciuibus, ſed de ſingulis concepta.* *Rogationes huiusmodi ſcita populi* κατ' ἑξοχὴν dicta fuiſſe innuit FESTVS, voce *rogatio*, aiens: *Rogatio eſt, cum populus conſulitur, de vno pluribuſue hominibus, quod non ad omnes pertineat, & de vna pluribuſue rebus, de quibus non omnibus ſanciatur.* Nam quod in omnes homines reſque populus ſciuit, *lex* appellatur. Ita vero ſtriſte differebant *lex* & *rogatio*. Nam conſuſo & indiſtinſto vocabulo *leges* quaecunque etiam *rogationes* dictae fuere, vt innuit GELLIVS cit. loc. a ritu *leges* rogandi. Plura autem praeter *leges* ſtriſte dictas per *rogationes* populo propoſita in comitiis fuiſſe, nemo in dubium vocabit, adeo vt etiam cauſae priuatae ſingulorum, vt teſtamenta, adoptiones &c. *per rogationes* fierent, vt auctoritate publica firmarentur, quae tamen *leges* proprie non erant.

*Et primo
quidem in
ſtatu rei-
publicae rom.
democratico.*

§. IV. Magnopere vero in ſtatu democratico ſolliciti erant, ne *leges* in ſingulas perſonas conſtituerentur, *ad aequalitatem* inter omnes ſubditos eo ſanctius conſeruandam, quae admodum huic ſtatui amica eſt atque conueniens. (c) Inde in

- (c) Poſtulat id *ſtatus democratici* natura, vt aequalitas inter ciues conſeruetur. Itaque etiam vt aequali iure ciues fruantur, neceſſe eſt. Cum autem per priuilegia ab illa aequalitate recedatur, paucorum libertas laxetur, coeterorum reſtringatur, & omnes tamen aequali ſemper libertatis deſiderio teneantur, non poſſunt non inde odia, inuidiae, diſſenſiones, & aemulationes, vitia vnioni ciuitatis e diametro aduerſantia, oriri. Pertinet omni-
no

in LL. XII. Tabul. & quidem Tab. IX. cautum fuit: *priuilegia ne irrogantur!* In caussa sua ad eam legem provocat CICERO pro domo sua ad pontif. vetant leges sacratae, vetant. XII. tabulae leges priuis hominibus irrogari: *id est enim priuilegium, quod nemo unquam tulit. Nihil est crudelius, nihil est perniciosius, nihil quod minus haec ciuitas ferre possit.* Vnde cum plebiscitum nominatim in se latum recitasset, haec subiungit; *hoc plebiscitum est? haec lex? haec rogatio est? hoc vos pati potestis? hoc ferre cunctos, ut singuli ciues singulis versculis de ciuitate tollantur? Priuorum hominum in adductis verbis fit mentio, quod notante FESTO, voce priuus, priuos priuasque antiqui dicerent pro singulis, ob quam causam & priuata dicuntur, quae vnius cuiusque sunt, hinc & priuilegium & priuatus, id quod etiam testimonio GELLII cit. l. confirmatur.* Rursus CICERO LL. lib. III. explicans legem decemuiralem latam haec addit: *in priuatos homines leges ferri noluerunt: id est enim priuilegium, quo quid est incertius? cum legis haec vis sit, scitum esse & iussum in omnes.* Scilicet iudicio agendum erat de singulis; legibus de omnibus & vniuersis. Ast postquam quorundam ciuium seditiosus ambitus corrupit rempublicam, bellaque concitavit ciuilia, de singulis quandoque scita populi lata fuisse, (d) antiquitates memorant,

Item in statu
aristocratico.

A 3

id

no huc, quod SENECA ait epist. 30. *Prima pars aequitatis est aequalitas.*

- (d) REINH. BACHOVIUS comment. ad institut. L. 1. tit. II. p. 27. Hoc, inquit, erat iuris ordinarii, ut ne priuilegia irrogarentur. Potuit tamen populus ex causa speciali, supremas potestatis iure, priuilegium ferre. Quomodo non raro id accidit contra leges generales, quae v. c. Magistratus ante certum tempus capere, aut intra certum tempus iterare vetant. Id sub libera republ. rogationibus ad populum latis fiebat: post sub principibus simplicis concessione, quoniam principis sanctiones leges erant. Et hoc non raro factum & iure quoque fieri potuisse, discimus ex CICERONE 3. de leg. in extremo.

id quod etiam CICERONI proscripto contigerat, ut verba adducta ex oratione pro domo sua indicant.

*Tandemque
in statu mo-
narchico.*

§. V. Hic quorundam in republica libera dominatus ansam dedit, ut ea destructa, sub vnus imperio populus postea contineretur. Sic, statu mutato, magna quoque in legibus inutatio contigit. Scita praeuia oratione principum in senatu condebantur, quae vim *legis comitalis* habebant. Sed etiam principes ius constituebant, & quidem maiori cum libertate, ac quidem olim in libera republica ipse populus. Neque enim tantum *ius generale*, quod omnes ligaret, sed etiam *speciale* in singulos constituerunt. Cautè tamen abstinuisse videntur appellatione *privilegiorum* imperatores, romanis magnopere odiosa, & eadem *constitutiones speciales* appellasse, quamuis, more hoc semel introducto, *ICti privilegiorum* appellationem reduxisse videantur, ut constat ex *l. 196. de R. I. ut tamen magis beneficii nomine vterentur l. 3. de consit. princip. l. 43. pr. de vulg. & pupill. substit. l. 68. l. 191. de R. I. &c.*

*Iura a prin-
cipibus con-
stituta, olim
specialiter
constitutio-
nes audie-
bant; harum
diuisio & di-
uersitas.*

§. VI. Videlicet iura a principibus constituta, *CONSTITUTIONES* specialiter dicebantur, quae erant vel *generales* vel *speciales*. Illae omnes tenebant & ligabant, sed non aequè hae, ut docet *l. 1. de consit. princ. §. 6. insit. de iure nat gent & civ.* Speciales scilicet constitutiones a iure communi seu *generali* recedebant, *l. 14. de LL.* & ideo ad consequentias non erant producendae, quod reuera exceptionem a regula constituerent. Ita ergo illae explicandae erant, ut *ius singulare*, hoc est, a iure communi recedens, illis indulgerent, quibus speciatim datae erant, ut innuit *ICtus in l. 1. inf. ad municip.* quia alioquin *ius speciale* non erant. Varia autem ratione contingit, ut *ius speciale* constituatur, quod praemittendum, ut natura *privilegii* eo rectius cognoscatur.

*Ius speciale
quod modis*

§. VII. Videlicet I.) *ius speciale* quandoque tribuitur *causis & rebus* ex singulari ratione, quae eas concomitatur.

Talia

Talia iura singularia a iure communi deviantia data sunt dotius, piis causis, rebus nauticis, mercaturae, libertati, alimentis, nominibus publicis &c. quae proprie *privilegium* dici nequeunt, quod non in singulas personas iura constituuntur, id quod ratio eorum exposcit, ut ut abusiue etiam hoc nomen accipere solcant. II.) Certo personarum ordini in genere plura iura singularia passim sunt tributa, citra respectum ad certum subiectum, & ita rursus in singulas personas ius non fertur; sed potius *ius perpetuum*, quam *ius singulare*, huic ordini personarum conceditur. Sic in re singulari fruuntur in genere milites, minores, ministri ecclesiae, miserabiles personae, mulieres, professores, studiosi, alique plures. III.) Denique *certae personae* quandoque ius singulare datur, & ita lex in *certam personam* fertur, quam *constitutionem personalem* vocant Icti. Ex his constitutionibus enim, ait Ictus in l. 1. §. 2. *de consit. princip. quaedam sunt personales, nec ad exemplum trahuntur.* Nam quae Princeps alicui ob merita indulget, vel si quam poenam irrogavit, vel si cui sine exemplo subvenit, personam non egreditur. Tria harum personalium constitutionum suppeditat exempla. Primum est, si quid Princeps alicui ob meritum indulget, concedendo forsitan Titio immunitatem a tributis, vel aliud ius speciale. Tale exemplum occurrit in l. 43. *pr. de vulg. & pupill. substit.* ubi, qui filium habebat mutum puberem impetravit a Principe, ut mutum substituere liceret. Non permissum erat patri, puberi substituere, vel eidem testamentum condere. Ergo speciatim hoc impetrandum erat, quod erat ius huic, non alii tributum, nec personam eius transgrediebatur. Alterum est, si quam poenam irrogavit, maiorem scilicet & graviolem, quam iure ordinario sancitum erat, ut concurrentibus singularibus circumstantiis, publicum aliis exemplum statueretur, quod tamen rursus non erat in consequentias trahendum. Ultimum est, si cui sine exemplo subvenit, quorum pertinet D. HADRIANI exemplum, qui maiori 20. annis hereditatem obacratam adepti,

constituatur?

Tribuitur

autem illud

1. Causis &

rebus.

2. Certo per-

sonarum

ordini.

3. Certae per-

sonae.

Exempla

constitutio-

num perso-

nalium.

unti, veniam dedit, cum post aditam hereditatem grave aes alienum, quod aditae hereditatis tempore latebat, emerisset. Addit vero imperator in §. 5. l. de hered. qual. & different: sed hoc quidem diuus Adrianus cuidam speciali beneficio praestitit, adeoque regulam non constituebat generalem, sed tantum ius certae personae datum. Ita varia ratione ius in certas constituerunt personas, prout ratio aequitatis & iustitiae id postulabat.

Ius spec. certae personae tributum, in sensu stricto vocatur privilegium. Huius varia acceptio,

§. VIII. Quamvis vero in sensu stricto ius, certo individuo contra tenorem iuris communis datum, *privilegium* dicatur, quasi ius in *privium*, seu in certam & singularem personam constitutum, inualuit tamen usu forensi, ius quodcumque singulare, quo a iure communi receditur, *privilegium* dici, siue certis causis & rebus, (e) siue certo personarum ordini, siue certo individuo fuerit attributum. Sic I.) intuitu rerum & causarum in l. 196. de R. l. privilegia diuiduntur. quod quaedam causae sint, quaedam personae. Privilegium doti tribuitur in l. 74. de iur. dot. l. 22. in f. filut. matrim. l. 52. pr. & §. 1. de pecul. item debitis pupillaribus in tutelae iudicium deductis in l. 9. §. 1. in f. de admin. & peric. tut. pecuniae in refectionem aedium creditae, in l. 25. de reb. cred. &c. II.) Similiter ius singulare, quod certo personarum ordini datum est, passim dicitur privilegium, (f) ut in l. 36. §. f. de fideicom.

(e) Certes si vulgarem loquendi usum spectes, *privilegium* vocabulum sequioribus hisce temporibus illi praecipue iuri, quod certo personarum ordini, conditioni & qualitati, certisque causis conceditur, adhaesit. Ita enim iura pupillorum, militum, studioforum, clericorum, piaecausae, dotis, creditorum quorundam, privilegia communiter dicuntur.

(f) Equidem ZIEGLERVS de iur. Maiest. L. I. C. XII. §. 4. eiusmodi privilegium, certo personarum ordini tributum, a iure singulari, proprie sic dicto, in eo differre asserit, quod tale privilegium adhuc iuri communi & eius rationi sublit, ius singulare autem a ju-

commiff. libertat. vbi mentio fit *priuilegii ciuitatis vel corporis*, vel *officii*: priuilegia militum allegantur in *l. 40. de admin. & peric. tut. l. 24. de testam. militum §. 1. l. eod. priuilegia fisci in l. 6. §. 1. de iure fisci &c.* Denique, quin III.) ius, quod certo indiuiduo datum fuit, *priuilegium recte vocetur, nemo* forfan in dubium vocabit.

§. IX. Quae cum ita sint, principaliter nunc inquirendum est, *utrum dispensatio priuilegium* constituat, ita, ut ab eo realiter haud differat? Vt plurimum definiunt *dispensationem providam relaxationem legis publicae auctoritate factam utilitate vel necessitate pensatam*; SCHROETER de dispensat. sect. I. n. 9. ZIEGLER de iur. maiest. lib. I. c. 7. §. 2. MYLER ab EHRENBACH de principibus & statibus imperii c. 50. §. 2. (g) Enimvero, admodum manca haec definitio videtur. *Videlicet lex*

Definitio dispensationis.

B

gene-

a iuris communis ratione seorsim agat, ita ut *ius singulare* deroget iuri communi, & contra eius tenorem feratur, priuilegium non deroget, sed potius integret illud, addendo scilicet, vel detrahendo, faciatque subiectis suis quadrare aptumque fieri: Verum subtiliter ista imago, quam utiliter obseruantur.

(g) Eodem tenore etiam à PYRRHO CORRADO in *prax. dispensat.* definitur, *quod sit iuris communis relaxatio, facta cum causa iusta & rationabili ab eo, qui ius habet dispensandi.* Secundum HOSTIENSEM vero dispensatio est *rigoris iuris per eum, ad quem spectat, misericors canonice facta relaxatio.* Scilicet canonistae, nulla accuratione adhibita, iura singularia, priuilegia, & dispensationes eadem plerumque definitione complectuntur, nec ad peculiarem quandam relaxationum speciem, quae strictiori sensu dispensationis voce insigniri mereatur, ab iis attendi solet. Paulo accuratius, etsi nondum ad rigorem satis, dispensatio a recentioribus philosophis, viris celeberrimis, GROTIUS, PUFENDORFFIO, HOCHSTETTERO &c. definitur. Ita enim GROTIUS in libro *singulari, de aequitate indulgent.* & *facilit.* ipsius de I. B. & P. tractatu subnexo, *indulgentiam*, cuius actio est *dispensatio*, describit, *quod sit virtus voluntatis*

in

generalis potest relaxari vel *in genere*, vt in quibuscunque casibus emergentibus lex generalis officium suum perdat, vel *in specie*, vt tantum in certo casu praesente, non in vniuersum applicari debeat. Prius contingit, si per *legem publicam* generaliter ius commune laxatur intuitu certae causae, vel personarum, quorsum pertinent milites, quibus remissa sunt in genere solennia, quatenus in expeditione degunt, ita, vt *ius speciale perpetuum* militibus tribuat, & in genere militibus profit, id quod *dispensationis* nomine non venit, nec *ius personale* constituit, cum ad certam personam non sit directum. Tale vero constituit *dispensatio*, quae id vnice intendit, vt in certo casu cuidam ius laxetur, sed citra exemplum. Potest enim rursus intuitu personae vinculum legis laxari, vel *vs quis in genere & sem-*

in eo, qui potestatem habet ad tollendam legis obligationem in personis, factis, aut rebus, particularibus aut singularibus, quatenus id fieri potest sine imminutione iustitiae aut publicae utilitatis. Fatendum vero, paulo obscuriorem hanc esse definitionem; deinde non tam dispensatio, quam facultas dispensandi a GRO-
TIO hic definitur. Propius rem PVFENDORFFIVS tangit, cum *cap. II. de O. H. & C. §. 9.* ipsi dispensari dicitur, *si quis ab obligatione legis peculiariter solvatur.* B. HOCHSTETTERO autem in *colleg. Pufend. exerit. III. §. IX. p. 122.* dispensatio dicitur *exemptio inferioris a lege illiusque obligatione, ad ipsum alias pertinente, salva interim in reliquis manente legis auctoritate, facta ab eo, qui legem tulit.* Gemella videas apud Illustr. DN. THOMASIVM in *Iurisprud. div. L. I. C. I. §. 7. 9.* quippe ex quo definitionem suam hausisse videtur HOCHSTETTERVS. Nec abnuendum, postremam hanc definitionem reliquis longe perfectiorem, satisque accuratam esse, siquidem dispensatio in sensu aliquantum latiori, prout & privilegium includit, capiatur. At vero nos dispensationem iam in sensu strictissimo, prout & ipsis privilegiis contradistinguitur, ac nobilissima eorum species dici potest, consideramus.

semper ab eo liberatus & immunis sit, vel & tantum in certo ac definitio casu, in quo princeps gratiam rei duntaxat facere voluit, quod ultimum communi stylo forensi per *dispensationem* fieri dicitur. Porro lex est vel *prohibitiva* vel *praeceptiva*: utraque vinculum iniicit vel adomittendum, vel ad faciendum; ergo utriusque vinculum relaxari potest, mediante dispensatione, ut actus licite & valide omitti vel fieri queat. Neque enim dispensatio tantum contra legem *prohibitivam*, sed etiam *praeceptivam* fieri potest, cum diuersitatis ratio idonea dari nequeat. Hisce praemissis, *dispensatio* definiri potest, quod sit *prouida & gratiosa legis prohibitiuae vel praeceptivae a legislatore facta relaxatio in certo & peculiari casu, ut hic, citra exemplum tamen, licite, & valide fieri vel omitti queat, qui alias omittendus vel faciendus erat ex legis praescripto*. Sic itaque dispensatio sine omni dubio constituitur *ius personale*, atque exempla §. 7. allata huc referri possunt, si id, quod de *maiori & grauiori* poena allatum est, exceperis; fit enim omnis dispensatio ad instantiam petentium & ita *gratiosa*, imo *beneficium* aliquod est, & per specialem gratiam impetratur, cum poenae grauioris applicatio, citra exemplum, citra vllius instantiam, proprio motu a principe, qui arbiter legum est, fiat, adeoque illa hoc casu non tam laxat & remittit legis vinculum, quam id intendit, auget, firmat.

§. X. Ita vero a *privilegio* non adeo differre videtur, ad minimum ut eius species esse videatur, sicuti *beneficia principalia* primariam speciem *privilegiorum* constituebant. l. 3. de *constit.* Nihilominus tamen L. B. de LYNCKER in *comment. ad ius ciuile, tit. de constit. princ.* §. 16. decem differentias adfert, quas paucis repetere lubet. Ait: dispensatio 1) semper legem praesupponit, eamque 2) poenalem & plerumque 3) prohibitivam; 4) fieri etiam potest a magistratu subalterno per voluntatem principis in quibusdam, saltem delegata potestate. 5) Nunquam debet fieri sine causa; 6) eximit solum legi eiusque poenae; sed *privilegium* ponit etiam saepius quid & erogat. 7) Rarius citra recognitio-

Definitio nostra.

Quomodo differat dispensatio a privilegio? recensentur differentiae a Lynckero proposita.

nem, Dispensations-Gebühren, 8) solum in vno actu, cum quo desinit, atque hinc in heredes non transit; adeoque 9) strictissimae interpretationis est, 10) alios a simili imperatione nunquam excludit, nec officit aliis, sed solum impertranti consulit.

*Quae & ex-
aminantur.*

§. XI. Hae differentiae tamen non adeo adaequatae esse videntur, siue priuilegium in sensu generali, pro iure speciali certis causis rebusque, vel certo personarum ordini, tributo, siue in sensu speciali pro iure personali certo individuo, in genere, seu in quibuscunque actibus dato, accipiat. Nam etiam 1) priuilegia praesupponunt legem, contra cuius tenorem quid constituunt, quia alioquin exceptionem a regula, seu ius singulare constituere non possent. Priuilegia 2) etiam contra legem poenalem, (b) indulgeri possunt. Ignorantia iuris non est sine poena: militibus tamen haec non nocet, & in hoc ipso priuilegiati dicuntur. Quidsi venatio sub poena omnibus interdicitur, studiosis autem per priuilegium ea concedatur? Nec 3) dispensatio semper legem prohibitiuam, sed etiam praeceptiuam, aequae ut priuilegium, praesupponere potest. Omnibus iure canonico praeceptum est, ut die paschae sub poena excommunicationis sacra eucharistia utantur, exceptis iis, quibus haec necessitas per dispensationem remissa est. Ieiunia eodem iure

- (b) Quin veto, cum omne priuilegium supponat legem, eamque vel praeceptiuam, vel prohibitiuam, omnis autem lex, siquidem valore vlllo gaudeat, sanctione poenali roboretur, hinc liquet, omne priuilegium suo modo contra legem poenalem indulgeri. Nisi enim actus priuilegio permitti ad omittendum vel committendum antea lege determinati fuissent, neque priuilegium circa eos concedi potuisset. Quod enim nec praeceptum nec prohibitum, id omnibus liberum est. Vbi autem aequalis omnibus libertas, ibi priuilegio locus non est, siquidem deficiente lege, deficit quoque priuilegium, id quod natura sua iuris & legis communis est alteratiuum.

iure omnibus praecipiuntur, salva dispensatione. Praeterea 4.) potestate delegata, etiam a magistratu subalterno privilegia indulgeri possunt, sicuti *ius statuendi* eadem potestate iis tribui potest. Imo 5) nec privilegium sine *caussa* concedi debet, e contrario 6) dispensatio non tantum a poena eximit, quod etiam in privilegio contingere potest, sed aliquando etiam quid ponit, hoc est, ut ego intelligo, *ius novum* concedit, quale exemplum est in *l. 43. de vulg. & pupill. substitutione*, vel in eo casu, quo princeps impuberi *testamenti factionem* concedit, id quod facit, mediante dispensatione relaxando legem, quae impuberi obstabat, quo ipso tamen aliquid ponitur, dum ius testamenti condendi impuberi citra exemplum indulgetur. Nec etiam 7) dispensationi proprium est, quod rarius sine pretio fiat, cum etiam plura dentur privilegia titulo oneroso acquisita, ut docuit STRYCK *differt. de privileg. iis. oneroso acquisitis*, porro etiam 8) privilegium ex sua natura *strictae* est interpretationis, cum ius singulare non sit producendum ad consequentias. *l. 14. de LL.* Quamvis enim iuxta *l. 3. de constit. princ.* privilegia quam plenissime accipienda sint, id tamen tantum eo pertinet, ut *plene*, seu *cum effectu*, & ita accipiantur, ut reuera privilegium esse possint, iuxta *l. 1. in f. ad munic.* nec denique 9) impetratio privilegii semper alios ab impetratione simili excludit, nec semper officit aliis, licet id quandoque fieri ex accidente queat.

§. XII. Restat ergo ex adductis differentiis tantum *oclas*, quod scil. dispensatio duntaxat ad *unum actum* determinatur, & cum eo exspiret, adeoque constituat *ius quoddam personale in uno aliquo actu*, (i) ut ne quidem ab eo, quo cum dispensatione fieri ex accidente queat.

Genuina dispensatio-
num a pri-
iis differ-
entia.

B 3

satum

- (i) Excipi quidem posset & per instantiam regeri, concessionem episcopi, qua homini pontificio inter euangelicos degenti conceditur, ut v. gr. per integrum ieiunii quadragesimalis tempus carne vesci queat, qua & extra carenam magnam ipsi come-

factum est, ad alios actus trahi queat. Sic cui *per dispensationem* permissum est, vt possit uxoris defunctae sororem ducere, ea defuncta, tertiam sororem, sine noua dispensatione ducere nequit. Huc respexit PYRRHVS CORRADVS, quando in *praxi apostolica dispens. lib. l. c. l. n. 5.* differentiam constituens inter *dispensationem & legitimationem* ait: *Dispensatio tanquam arida & odiosa tantum valet, quantum sonat, per eam namque tollitur impedimentum seu defectus quoad quid, veluti cum e. gr. illegitimus dispensatur super defectu natalium, vel in alio casu, ultra quem manet illegitimus. Legitimatio vero est favorabilis & amplia, per quam omnis macula tollitur, ac ciuis natalibus & ingenuitati, ac ad omnes effectus plene restituitur.* Equidem si secundum ius Romanum iudicandum est, etiam tale *ius personale* ad vnum actum duntaxat directum, *privilegium* dici posset. cum *lex sit priua*, in certam personam constituta, parumque referre videatur, vtrum ad vnum actum, an vero ad similes alicui indulgeatur, quod vel exempla §. 7. adducta, quae ad *ius personale* expresse relata sunt. docent; *Ius autem personale* privilegium esse supra dixi, vid. *l. 43. pr. de vulg. & pupill.*
sub-

comestio carnis die veneris & sabbathi tam diu permittitur, quamdiu inter protestantes peregre versatur, vtique veri nominis dispensationem, nec tamen, quod requirimus, ad vnicum aliquem actum restrictam esse. Verum enim vero, id quod *de vno aliquo actu* diximus, cum grano salis accipiendum. Nimirum vnitas actus non *physice*, sed *moraliter* hic spectanda est. Quod si ergo, circumstantia aliqua v. gr. *temporis*, cum *actu* ipso per legis dispositionem iam connexa sit, etiam ipsa temporis ratio in ratione actus ex dispensatione permissi inclusa censeri, adeoque dispensatus a ieiunio tempore ieiunii quadragesimalis, etiam a ieiunio quadragesimali illius anni integro dispensatus haberi debet. Hoc casu enim actus ille, circa quem *ius personale* per dispensationem acquisitum est, etiam circumstantiam temporis, per praecedentem legis ecclesiasticae dispositionem sibi iam innexam, secum trahere censetur,

subsist. adeoque ne quidem hoc sensu a privilegio differre videtur. Enim vero postquam *usu forensi* privilegium ordinarie praedicatur de tali *iure speciali*, quod contra regulam iuris communis quid *in genere* constituit, & ad omnes actus, circa quos privilegium versatur, dirigitur, illisque *in genere* singulare ius perpetuum vel *novam regulam* constituit, omnino haec differentia admittenda est. Sic ecclesiae & eius bona habent immunitatem ab oneribus publicis: quotiescunque ergo ea de nouo indicuntur, suo privilegio uti possunt. E contrario, qui ex non privilegiatis in certo casu tantum exemptus est ab inhospitationis onere, ille non tam *privilegio generali*, quam *dispensatione* gaudet.

§. XIII. Stet ergo haec sententia, quod privilegium ius *stabile* & suo modo *generate* intuitu privilegiati constituat, iuxta quod in omnibus evenientibus casibus iudicari debeat, utpote si forum privilegiatum concessum est, quod semper allegari potest, quotiescunque privilegiatus conveniatur. Quibus *beneficium competentiae* datum, hi eo frui possunt contra quoscunque debitores & ita porro. Idem non praestat dispensatio, quae ius *stabile* & *in genere* non indulget, sed actum quendam tantum permittit, ut licite & valide fieri possit, ad alios actus similes tamen (4) non extenditur. Hinc quoque non transit ad heredes, quod tamen privilegiis quandoque conceditur, ut pote quae, si *realia* sunt, ius perpetuum & singulari successorum profuturum ope-

*Uterior
Confirmatio.*

- (4) Posses hinc novam aliquam dispensationis a privilegio differentiam comminisci, quod scilicet privilegium ad haereditates transeat & in *reale* ac *personale* dispelci possit, dispensatio autem nec ad haereditates transmittatur, nec ista quoque ratione diuidatur. Huic adde & alium characterem, quod dispensatio haud raro a poena fiat a iudice iam dictata, eademque executioni proxima, privilegium vero, nisi vocabulo valde catechrestice & contra omnem loquendi usum sumto, a tali poena haud aequatur.

operantur, quod dispensationi applicari nequit. Denique addere & hoc posses, *dispensationem esse actum principis, quo ius personale* in certo casu alicui conceditur, adeoque hoc eius esse *effectum*, ut dispensatio vicem causae subear.

*Haftenus
dicta redi-
guntur in
summam.*

§. XIV. Atque ita videmur nobis genuinum dispensationis conceptum demonstrasse. Scilicet paulo curatius hic procedendum erat, ac a plerisque, si non omnibus, huc usque facilitatum cernimus. Interest enim omnino scire, quomodo dispensatio, quae in genere, ut GROTIUS loquitur, *solutio a lege*, vel *exemptio* quaedam est, a iure cum singulari, tum singularissimo, seu personali, & a constitutione cum speciali, tum specialissima, seu personali, quomodo item a privilegiis, & haec quoque ab istis iuribus & constitutionibus differant. Quod si ergo dicta in compendium redigere, & eorum quodlibet iustis suis limitibus circumscribere velimus, ita procedamus oportet: Actiones humanae regula diriguntur, *lege*. Ab hac vnus alterue nonnumquam venit eximendus. Hae exemptiones, prout ipsae secundum *latius & strictius, magis & minus*, inuicem diuersae sunt, ita & diuersis insigniri nominibus solent. Olim, ut diximus, in republica Romana, eiusque inprimis statu democratico, neque *privilegii*, neque *dispensationis* vox audiebatur. Adhibebantur autem voces *iurium* ac *constitutionum*, cum *singularium* & *specialium*, tum *specialissimarum* & *singularissimarum*, quae & *personales* vocabantur. Iura singularia & specialia erant, quae singularem & a regulis iuris exorbitantem habebant rationem v. gr. *iura*, quae circa pecuniam creditam recepta sunt *l. 15. ff. de R. C.* Constitutiones specialissimae seu personales erant, id quod hodie privilegiorum ac dispensationum nomine venit. Postea cum privilegiorum sub principibus, & tandem etiam dispensationum nomenclatura sub episcopis & papis inuulsiisset, varia iterum horum vocabulorum & acceptio fuit & con-

confusio. (1) Mox enim privilegia *latius*, mox *strictius* accipiebantur. Qui a dispensationibus ista distinguerent, erant pauci, qui confunderent cum iis, plurimi. Sed nec ii, qui distinguebant, sufficientem ac perspicuam distinctionis suae rationem offerre norant. Medela tamen rei adhiberi & debebat & poterat. Hanc vero ut nos adhiberemus, in praesens operam nauauimus. Ex dictis enim, quis genuinis & *privilegiis* & *dispensationibus* conceptus sit, patescit. Interea negari nequit, quod non essentialis aliqua, sed saltem accidentalis differentia inter ea intercedat, cum non nisi vt *latius* & *strictius* a se differant. Realis tamen illa est, & ad vnum ab altero discriminandum sufficiens. Nimirum non tam ab obiecto, quam ab obiecti extensione differentia petita est. Si enim ad plures actus in genere se extendat *dispensatio*, vocatur *privilegium*, prout etiam obseruauit BVDDEVS *Elem. Phil. Pract. P. II. C. II. §. II.* Equidem nondum omnia diximus, quae huc dici possent. Quod si enim accuratationem nostram persequi, & dispensationi suam ab aliis omnibus acceptionibus genuinam assignare differentiam pergamus, erunt forsân, qui eiusdem quoque a *relaxatione*, erunt, qui eiusdem a *licentia*, erunt, qui eiusdem a *venia* &c. discrimen audire aueant. Neque vero nos latet, relaxationem praecipue in materia de iuramentis dispensationi contradistingui, & quasi specialissimam eius speciem asferri. *Quibusdam enim dispensatio stricte dicitur, quando ad auferendum vinculum iuramenti solum spectatur* de relaxatione.

- (1) Mirum videri posset, tantam vbique in terminis confusionem apparere, tantamque vocabulorum ambiguitatem in hoc inprimis argumento reperiri. At mirari desinet, qui expenderit, hanc fere terminorum atque vocum, quae humanae impositioni ortum debent, naturam esse, vt ad similitudinem originis suae, *voluntatis humanae*, in horam mutabilis, ac intus liberae, & ipsae quoque varias subinde mutationes variasque acceptiones subeant; Id vero quam maxime dolendum, ista terminorum amphibolia solidam eruditionem, ad quam non nisi vocum vehiculo prouehimur, tam difficilem reddi atque impositam.

tur potestas in personam iurantis cum causa ex parte eius: Relaxatio autem, quando causa potissimum attenditur ex parte eius, cui iuramentum factum est, unde dispensationem proprie locum habere aiunt in iuramentis, quae per modum voti soli DEO, vel absolute fiant; relaxationem vero in iuramentis promissoriis homini factis. (m) V. B. HOCHSTETTERVS colleg. Pufend. exercit. VII. p. 310. Nec latet quoque LAYMANNVM (n) lesuitam & sequaces, etiam licentiam, quam superiores monachorum in coenobiis impertiri solent, a dispensatione diuersam facere. Sed recte, illum nodum in scirpo quaerere, notauit B. ZIEGLERVS in de iur. maiest. L. I. C. VII. §. 4. Tandem etiam non latet, quid circa dispensationis & veniae discrimen in medium proferri soleat, cum venia non solum poenae sublationem sed & eiusdem mitigationem denotet. Verum haec omnia tanti & talia non sunt, quibus immoremur. Suo enim quemlibet sensu heic abundare, facile permittimus.

licentia.

Et venia.

Differt dispensatio a mutatione legis.

§. XV. Ex dictis vero simul liquet, quomodo dispensatio tum a legis *mutatione*, tum & ab eius *interpretatione restrictiua*, seu, vt vulgo loqui amant, ab *equitate*, denique a *restitutione in integrum* distinguere debeat. Dico primum a *mutatione*. Equidem & *dispensatio* sub *mutatione* aliquatenus comprehendi potest, ab illa tamen differt, quod per dispensationem non tam lex ipsa, quam eius circa unum alterumve subiectum valor atque efficacia mutetur. Manet enim lex, etiam interueniente dispensatione, salua, nec nisi circa *illum* praecise, cui dispensatio facta, laxationem, suspensionem aut alterationem patitur. Contra mutatio legis, si non plenariam destructionem, magnam tamen eius quoad vniuersos subdi-

(m) Fateor haec paululum obscura esse. Scilicet hoc vitium est nimiae subtilitatis, vt non exprimatur sine obscuritate.

(n) Etiam PYRRH. CORRADVS *prax. disp. L. I. C. III.* postquam inter varias dispensationis divisiones etiam hanc attulisset, quod alia *propria* sit, alia *impropria*, per impropriam dicit potius *licentiam* seu consensum quandam & approbationem superioris, per quam obligatio non relaxatur, quam veram *dispensationem*, intelligi.

subditos, immutationem atque alterationem infert. Huius mutationis tres aliae species afferri solent, *abrogatio, obrogatio & derogatio*, v. PLACCIVS *in insitt. concinnatis* p. 29. Sed quid per mediam speciem PLACCIVS, subtilitatem magis, quam vtilitatem sectatus, sibi velit, vix divinare licet.

§. XVI. Dico etiam: ab *interpretatione restrictiva*, seu *aequitate*, ubi ante omnia notandum, vulgo *aequitatem & interpretationem restrictivam* promiscue sumi, sed male: quandoquidem si accurate loquamur, etiam aequitas ipsa ab interpretatione restrictiva secerni debet. *Ista* enim est ipsum iuris naturalis dictamen, quod leges recte explicare praecipit, ne quis praeter meritum incommode adficiatur. (o) *Haec* autem est actus mentis legem recte interpretantis, aequitati tanquam fundamento suo superstructus. Deinde & id notandum, perperam a plerisque statui, quod interpretatio ista haec, super aequitatis dictamine fundata, saltem *restrictiva* sit, non vero & *extensiva*. Videtur error iste ex vulgari aequitatis definitione, quam GROTIUS suppeditaivit, PUFENDORFFIUS retinuit, profluxisse, quasi *aequitas* esset *correctio eius, in quo lex deficit ob universalitatem*. Inde enim putant, aequitatem in sola restrictione legum generalium consistere. Sed hoc falsum, cum, uti rectissime observat WEBER *in notis ad Pufendorffium* de O. H. & C. cap. II. §. 10. pariter aequum sit, verba legum nimis stricte loquentium *extendere* atque ita si legislator vetet exportare frumentum, extensio etiam debeat fieri ad farinam. (p) Iam quod ad ipsam dispensatio-

Item ab interpretatione restrictiva.

C 2

nis

(o) Alias etiam *aequitas* pro *humanitate* & pro *regulis amoris* accipitur, quo casu tamen *obligationem imperfectam* producit, nec iudex ex illa leges restringere potest. Sic debitor, qui fatetur debitum, ad solvendum cogitur, licet creditor ipsum per viam *executionis* omnibus bonis exuat, quod iudex impedire nequit, licet creditor regulas amoris violet, & aliquid iniqui agere videatur.

(p) WEBER l.c. etiam hoc perperam a quam plurimis fieri videtur, quod aequi-

nis ab hac interpretatione differentiam attinet, illa positis vtriusque definitionibus per se clara atque manifesta est. Scilicet dispensatio, ut audiuius, infert mutationem voluntatis (dico voluntatis, non legis,) in legislatore. Interpretatio autem, quae fit per aequitatem, nulla in legislatore voluntatis mutatio est, sed tantum eius, quod vere voluit, declaratio. Per eam enim, ut PVFENDORFFIVS loquitur, ex naturali ratione ostenditur, casum aliquem peculiarem sub lege non comprehendendi, eo quod alias absurdi vel iniqui quid inde foret consequitur. Ita haud raro tam violentiae occurrunt *maxime*, ut in iis legem servare velle, sit in leges praecipuas peccare. (g) Igitur interpretatione opus est. Hanc vero cum dispensatione, ut ab hac luculenter distinctam, multoties confundi, saltem olim a canonistis & scholasticis confusam fuisse, eruditi dudum conquesti sunt v. BECMANN. *medit. polit. dissert. II. lib. 12. in fin.* & C. ZIEGLERVS *de iur. M. L. I C. VII. §. 3.* qui & ipse miratur, tam paucis eam differentiam esse observatam, ab aliis etiam non satis explicatam. Hodie tamen oculatiores esse solent, quique hoc argumentum pertractant, philosophi. Hos inter nuperrime demum celebrer. DN. ROESLERVS, Professor Tubingensis, in *dissertat. de potestate imperantium legislatoria*, anno superiori edita, §. VII. eleganter admodum: *Neque vero, inquit, confundenda est dispensatio cum interpretatione secundum aequitatem: Illa ex parte tollit legem: haec dextere interpretatur; Illa personas certas eximit ab obligatione legis: haec*

aequitas ad solas leges referatur, cum tamen illa in contractibus quoque, imo in omnibus negotiis locum habeat. Itaque secundum illum aequitas sic describi debet, quod sit *medicina quaedam moralis, qua, quicquid in legibus & negotiis quibuscunque aliis iniquum est vel videtur, ex naturali ratione corrigitur.*

- (g) Recte hinc L. Scipio, cum ad necessarium Reipublicae usum pecuniam ex aerario promi opus esset, idque quaestores, quia lex obstat videretur, aperire non auderent, privatus claves poposcit, patrefactoque aerario legem utilitati cedere coegit. VALER. MAXIM. III. 7.1.

haec legem ad praesentem casum non pertinere ostendit: Illa ad iura. haec ad officia pertinet: Illa solius imperantis, haec iudicis cuiusvis est. Sicuti vero caetera maiestatis iura veluti ius sacrorum, ius iudicandi, ius extremae prouocationis, ius ipsum leges ferendi, ita & ius dispensandi per certa collegia exercere potest imperans, cuius nomine & auctoritate fit, quicquid ab istis collegiis circa negotia ipsis demandata suscipiur.

§. XVII. Dico denique *a restitutione in integrum*. Ut enim etiam ab hac dispensatio distinguatur, eo magis necesse est, quo maior eius in utroque iure non cum dispensatione modo, sed & cum interpretatione restrictiua confusio occurrat. In genere definiri solet, quod sit *reductio in pristinum statum*. v. SCHVZ. in compend. iuris L. IV. tit. 1. Communissima diuisio est, quod alia sit *gratiae*, alia *iustitiae*. De utraque quaestio est, quomodo a dispensatione discernatur. Itaque ad quaestionem propositam responsuri cum B. TITIO affirmamus, illam, quae dicitur *gratiae*, manifeste satis speciem dispensationis, adeoque iuris gentium, seu iuris nat. non vero Romani esse. B. TITIVS in obseruat. ad comp. I. Lauterb. obs. CV. & seqq. & in iuris priuat. Romano Germ. L. 1. C. XVIII. Secus pronuntiandum fuerit de restitutione, quae dicitur *iustitiae*, quaeue conceditur iure civili 1. ob metum. 2. dolum. 3. aetatem. 4. absentiam simile sue causas. 5. capitis deminutionem minimam. 6. alienationem, iudicii mutandi causa factam. Definitur haec, *quod sit reductio in pristinum statum iuris, quo quis vel reuera excidit, vel saltem excidisse videtur*. Haec vero cum dispensatione non coincidit, ut illa prior, quam *gratiae* vocauimus, sed ab eadem potius eo ipso differt, quod non *gratiae* esse dicitur, sed *iustitiae*. Conuenit tamen etiam cum dispensatione, eo quod de hac non minus participat, quam de interpretatione.

§. XVIII. Nempere dolet istud restitutionis inventum corruptionem fori Romani, nec extra illud facile apud alias gentes reperitur. Dicitur alias *remedium iuris extraordinarium* a praetore contra rigorem iuris in gratiam laesorum conditum, id quod verum est, quatenus cum peculiari formatione.

Denique a restitutione in integrum.

Huius definitio & diuisio. Alia dicitur esse gratiae, alia iustitiae.

Constat est haec restitutio ex dispensatione & interpretatione.

exemplum.

ma sua spectatur. Interim illa multum irregularitatis in se continet. Reuera enim sub illo restitutionis nomine coniunguntur actus plane diuersi ac distincti, *interpretatio*, quam iudex & interpret facere debet, & *dispensatio*, quae ad iura imperantis originarie pertinet, id quod exemplo quodam facile intelligetur. Si quis vi iniusta ad promittendum adigatur, is reuera non est obligatus, nec ex pristino libertatis statu excidit, hinc *simplici interpretatione* ostenditur, quod casus ille sub lege non comprehendatur. Verum si quis fatalia processus elabi passus sit, ille reuera ius suum amisit, adeoque ei non aliter, quam imperantis *dispensatione* succurri posse videtur, vtrumque tamen remedium *restitutio* promiscue dicitur.

Est ergo irregulare quid.

§. XIX. Pater, quam difficile sit, eius a dispensatione discrimen praecisius designare. Dum enim ipsa ex dispensatione & interpretatione conflata est, nunc utique pro casuum diuersitate magis accedit ad dispensationem, nunc vero etiam magis ad interpretationem. Deinceps, quatenus interpretationi opponitur, dicenda est cum dispensatione coincidere, sed & ab hac differre, quatenus coincidit cum interpretatione. Verbo: *restitutio* est irregulare quid, & ut ita dicam, biceps iuris monstrum. Constat ea ex *dispensatione* & haecenus cum hac coincidit, & *interpretatione*, & eatenus ab ista differt. Plus ergo in sinu suo comprehendit, quam vel simplex dispensatio, vel & simplex interpretatio. Vterque enim hic actus compactus & coniunctus unius restitutionis nomine a praetore fuit insignitus. Pro diuerso respectu dicitur illa competere vel maioribus saltim magistratibus, vel & minoribus; maioribus quidem, prout dispensationi, minoribus, prout interpretationi propior est. Optime hinc B. TITIVS I. priu. L. I. C. XVIII. §. 10. Hodie, inquit, omnes Magistratus, qui habent iurisdictionem civilem, restituere posse dicuntur, modo sint competentes vel in genere, obdomicilium rei, vel saltem ratione causae controuersae. Verum & hic restitutionis differentia est obseruanda. Nam si eadem dispensationis rationem habeat, ut si contra elapsum fatale, aut totum proces-

cessum illa sit concedenda, tum magistratus subalterni eam merito mittere debent, nisi forte casus in iure civili sunt expressi, adeoque eorum intuitu facultas restituendi ipsis implicite concessa. Liqueet ergo ex dictis, restitutionis auxilium magistratui subalterno per leges esse concessum, qui alias dispensare perviam gratiae nequit, vtpote quam soli imperantes sibi referuarunt. Proinde restitutio ad terminos iuris est restricta, quos excedere magistratus nequit: liberior est dispensatio, quam princeps indulget, qui legum est arbiter & moderator.

C A P. II.

DE

HISTORIA ET FATIS DISPENSATIONVM IN IVRE ECCLESIASTICO
TAM VETERI, QVAM NOVO.

C O N S P E C T V S.

*S*umma dicendorum in Cap. II. §. 1.
Origo dispensationum, quae est
vel vocis, vel rei. §. 2.

Exempla dispensationum e sacris literis petitarum. §. 3.

Diversa facies dispensationum antiquarum a modernis per quinque secula priora. §. 4. seqq.

Differentia prima: olim dispensationes erant perrarae. §. 5.

Differentia secunda: olim non tam a pontifice Romano, quam ab Episcopis in genere, imo tota Ecclesia concedebantur. §. 6. & 7.

Testimonia de consensu plebis olim ad dispensationes necessario. §. iisdem.

Differentia tertia: olim nunquam dabatur venia Canonis infringendi, sed tantum in fratri atque violati. §. 8.

Differentia quarta: olim dispensationes longe alius generis erant, siue materiam siue formam spectes. §. 9.

Notandum hoc contra pontificios recentiores, dispensationem abusus antiquarum exemplis colorare stuentes. §. 10.

Adducuntur speciminis ergo exempla dispensationum ex Petro de Marca, Thomassino & Florente. §. eodem.

Scilicet antiquae dispensationes potius

tius tolerantia, dissimulatio & con-
niventia dicendae erant. §. 11.
Facies dispensationum post epocham
quinque secularem usque ad secu-
culum XI. §. 12.
Prima corruptionis qua disciplinam
dispensandi fons fuit violentia Pa-
parum, ius dispensandi ad se tra-
bentium. §. 13.
Huius violentiae fulcrum & fomen-
tum fuit ruina imperii in occiden-
te. Vbi de exarchatu Romano.
§. eodem.
Specialior consideratio seculorum
VII. VIII. IX. & X. §. 14.
Nondum tamen omnis aetate ista er-
ga canones reverentia exoleuerat.
§. 15.
Iudicium de Marca & Thomassino, v-
triusque adulatio & mussitatio ta-
xatur. §. 16.
Inane Thomassini commentum in
gratiam aula Romanae prolatum.
§. 17.
Facies dispensationum ab initio seculi
XI. usque ad aeram reformatio-
nis. §. 18. seqq.
Contemplatio seculi XI. seu Hilde-
brandini. §. 19.
De seculis XII. & XIII. §. 20.
De seculo XIV. §. 21.
De seculo XV. In hoc abusus di-
spensandi ad summum apicem
pertigerat. §. 22.

Transitus ad querelas virorum prae-
stantissimorum circa enormes di-
spensationum papalium abusus.
§. 23.

Ingen queritantium caterva, in primis
vero querela a. Cl. Espencacii,
β. Antonii de Dominis. γ. Pauli
Sarpii. δ statum imperii in co-
mitiis Norimbergensibus. §. 24.
Recapitulatio dictorum & compari-
tio dispensationum modernarum
cum antiquis. §. 25.
Multiplicabantur leges, ut multipli-
carentur dispensationes, id quod
probatur variis exemplis. §. 26.
Audacia Pontificum Rom. eorumque
potestas infrunita. §. eodem.
Infinitus dispensationum circa leges
humanas numerus. §. 27.
De taxa poenitentiaria. §. eodem.
Facies dispensationum a reformatione
Lutheri ad hanc usque aetatem
nostram. §. 28.
Et primo quidem in Ecclesia Romano-
catholica. §. 29.
Iudicium de concilio Tridentino. An
praxis hodierna eius decreto sit
conformis? §. eodem.
Secundo in Ecclesia protestantium, cu-
ius sanior doctrina paucis declara-
tur. §. 30.
Scilicet soli principes, iique, quos cen-
imperantes veneramus, sublimi
iure dispensandi gaudent. §. 31.

§. I.

*Summa dis-
cendorum
in Cap. II.*

Omissis, quae ulterius hic dici possent, praesertim de synonymis dispensationis, quorsum indulgentiae, clementiae, humanitatis, beneficii, benevolentiae, relaxationis, lenitatis, moderationis, auxilii, fauoris, remissionis, gratiae &c. vocabula ex utroque iure referuntur a SCHROETERO *l. cit. sed. I.* iam ad fata dispensationum ex historia & iure ecclesiastico vberius euoluenda pergimus. Quid iure Romano circa dispensationes obtineat, dedimus modo capite superiori explanatum. Pes itaque nunc etiam in ius canonicum est transferendus. Heic vero cum pro diuersitate seculorum diuersam iterum dispensationum faciem deprehendamus, breuiter & neruose omnia dicturi hunc ordinem obseruabimus, vt (I) quid de origine dispensationum canonistae fabulentur, attingamus: (II) quae dispensationum facies in primis V. seculis obtinuerit, delineemus: (III) quomodo istae a prima sua indole vsque ad seculum XI. paulatim degenerauerint, ostendamus: (IV) quantus tandem vsque ad tempora reformationis dispensationum abusus inualuerit, & ad quem vsque apicem pontificum Rom. audacia progressa fuerit, adductis quibusdam papalium dispensationum exemplis, declaremus. Denique (V) considerata paulisper praesenti ecclesiae Romanae facie, doctrinam protestantium hodiernam, eamque veriolem, subnectamus.

§. II. Et quantum quidem ad originem dispensationum attinet, ea vel *vocis* est, vel *rei ipsius*. Vocabulum *dispensationis*, (a) quod ex iure canonico pedetentim etiam ad fora saecula-

*Origo dispensationum,
quae est, vel
vocis, vel rei.*

D

cula-

(a) Sine dubio hodiernus huius vocabuli significatus antiquissimae Bibliorum versioni, in qua vox *εἰκονομία* per dispensationem, *εἰκονομία* per dispensatorem verti solet *1. Cor. IV. 1.* debetur. Caeterum voces indulgentiae, remissionis, veniae, dispositionis &c. promiscue ab antiquis usurpatae sunt. Quin & hodiernum canonistis solenne est, dispensationes etiam exemptionum & priuilegiorum vocabulis insignire.

cularia transit, sua equidem vi & virtute natua longe aliud quid significat, quam istam a lege exemptionem. Antiquissimus tamen hic, quem nunc obtinet, licet peregrinus atque adscit^{us} tius, eiusdem significatus est. Quod enim graeci per συγχωρον, συγχωρησιν, καταλιν, συγκαταλιν & maxime per διαουσιας, vocem ipsis familiarissimam, innuerunt, id latini voce dispensationis, iam inde a primis saeculis adoptata, exprimere consueuerunt. Sed facilia haec sunt & proletaria. Maioris momenti inquisitio est, quae in ipsam rei originem restat. In hac vero inuestiganda inter canonum interpretes nonnulli ad paradisi sum vsque regrediuntur. Ita enim PYRRHVS CORRADVS in *praxi dispensat. l. I. cap. II.* eius natales iam inde a Dei, cum Adamo & Eva circa poenas peccato promeritas benignissime dispensantis, exemplo repetit, mox & ad dispensationes Dei cum Noacho eiusque filiis, Abrahamo, Iacobo, totoque genere humano, quatenus cum hoc per interuentum Christi dispensatum fuit, prouocans. Sed nimia haec est CORRAADI diligentia. Vt enim de exemplis allatis sententiam haud dicamus, nobis certe de absoluta dispensationum origine sermo non est. Neque etiam de illarum iustitia & aequitate loquimur. Haec enim vtique cum ipsa *leges ferendi potestate* coepit, siquidem omnino iustitiae & aequitatis natura postulant, vt in super habita stricti iuris ratione, oporteat haud raro συγκαταλασσει vti & vni alteriue legis, cui alias obnoxius est, obligationem relaxare. Sed quaeritur potius de *origine dispensationum ecclesiasticae & canonicae*, quam vtique non ante primordia christianismi quaeritare licet. Itaque sunt, qui, vt SCHROETERVS *dissert. cit. sect. II.* notat, hanc ipsam in decantatissimis illis Seruatoris verbis ad Petrum: *dabo tibi clauem* &c. pronunciat, fundatam putant, ad clauem *solvendi* etiam potestatem dispensandi reuocantes. Sunt etiam, qui ad locum 2. *Cor. II.* prouocant, vbi Paulus de condonationibus a se Corinthiis in persona Christi factis loquitur, has ipsas *condonationes* nil nisi dispensationes fuisse rati. Verum vt taceamus, ipsam ex Pontificiis DVRANDVM ad 4. *sentent. dist. 20.* & ANTONIVM *part. I. tit. 90.* disertè fateri, quod nemo ex antiquis doctoribus hos textus ita exposue-

suerit, certe interpretatio dicti primi a pontificiis, *claves* Petri in *gladios*, & potestatem *docendi* in potestatem dominandi conuertentibus, plane peruersa est. (b) Sed & alter locus nimium obscurus est, quam vt clari quicquam pro dispensationibus inde elicueris.

§. III. FRANC. FLORENS, superiori seculo celeberrimus iuris canonici inter Gallos interpres, & ipse etiam originem dispensationum ex sacris literis deriuat. Idem vero non tam ad dicta & mandata, quam ad exempla prouocare audet. In factis enim Christi & Apostolorum earum originem in se reperisse putat. Ita Christus ipse *dispensasse* dicitur, quando discipulis, quibus ad opus praedicationis missis pera & sacco interdixerat, imminente passionis tempore vtrumque, & peram & sacco, restituit. Pariter inter dispensationes numerat, cum Paulus Timotheum Lytris circumcidi passus est, qui idem tamen alio tempore circumcisionem Tito prohibuerat; Sic & factum Petri ad *Gal. II.* ob quod a Paulo obiurgabatur, ab eodem inter dispensationes refertur, quamquam inutiles & in tempestiuas. FRANC. ELORENS. *operum T. I. p. 317. seqq.* Verum enim vero, vtut concedamus, quod ipsi determinare non audemus, ista Christi & Apostolorum facta inter veri nominis *dispensationes* pertinere, id profecto tamen mox ex ipsis hisce originariis primaeuisque dispensationibus patet, quod nimium quantum ab exemplaribus suis descuerint sequiorum temporum dispensationes. Patebit hoc vltcrius, si iam ad ipsa prima christianismi secula progrediamur, sique nunc (II) quae dispensationum facies in primis V. seculis obtinuerit, delineemus.

Exempla dispensationum e sacris literis petitarum.

§. IV. Enimuero id dum facere aggredimur, quam diuersa, obsecro, rerum primaeuarum facies ab ista sequiorum temporum corruptela nobis se obuertit! Complura certe integra effluxere secula, antequam vel vllum *dispensationis* a pontifice Rom. solitaria ac praeeminenti quadam auctoritate

Diuersa facies dispensationum antiquarum a modernis per quinque secula priorum.

D 2

(b) Vide quae super hunc locum commentatur DN. BRAESES in *differt. iuris eccles. antiqui ad Plinium II. differt. III.*

tate factae vestigium apparet. Equidem iuris *dispensandi* exercitium in ipsa quoque ecclesiae infantia viguisse, dubium est nullum. Neque enim ecclesiae disciplina, quae ab apostolorum tempore iam firmata & fundata fuit, sine omni dispensationis temperamento feliciter exerceri potuisset. At verosi dispensationis ecclesiae primitivae ad sequiorum temporum & praesentes quoque seculi mores componantur, toto ubique caelo a dispensationibus illae hodiernis differunt, ita, ut nomen quidem hodie supersit, rei autem paritas dudum evanuerit. Agnoscit id testis omni exceptione maior PETRVS DE MARCA, olim archiepiscopus Parisiensis. Vix enim ille in famoso opere *de concordia sacerdotii & imperii* L. III. Cap. XIII. XIV. & XV. de dispensationibus tractare incipit, cum mox Cap. XIII. §. 2. veritatis radiis perstrictus, attamen, inquit, *estis vobis antiquis utamur hodie, magnum intercedit discrimen inter mores antiquos & nostros, cum maiores nostri severius & accuratius disciplinam canonum colebant, quam apud nos remissius & humanius tractatur. Haec autem est summa differentia, ut mihi videtur, quod apud veteres nunquam daretur venia canonis infringendi, sed infracti & violati poena ob gravissimas causas aliquando remitteretur, hodie vero legum canonicarum venia in antecessum concedatur.*

*Differentia
prima: olim
dispensationes
erant
perrarae.*

§. V. Consistit autem antiquarum dispensationum ab hodiernis differentia potissimum in eo (1.) quod antiquitus illae perrarae fuerit. Neque enim nisi ob urgentissimam necessitatem, (c) vel & ob eulentissimam ecclesiae utilitatem indulgebantur. Et ex tribus quidem primis seculis nulla prorsus dispensationum

(c) Necessitas, ut Seneca alicubi, magnum humanae imbecillitatis patrociniū, omnem legem frangit. Eodem itaque necessitatis telo coacti patres disciplinam, quam alias intemeratam servare allaborabant, saepenumero relaxare tenebantur. Ideoque etiam PETRVS DE MARCA l. cit. §. 4. Sane, ait, *haec venia necessaria visa est antiquis patribus, ne tristitia poenae diuturnioris in desperationem adduceret poenitentes, ut monet BASILIUS; Ita enim dicitur*

dispensationum vestigia supersunt, non quod tales nunquam extiterint, sed quod istorum temporum historia infelix quoddam naufragium perpeffa sit. (d) Praeparcos tamen in dispensando fuisse primitivos patres, iam quarti seculi historia edocet, ostendens, episcopos tum viventes canonum longe observantissimos fuisse. Quin & ipsos Pontifices Romanos praecipuam quandam in sancta canonum observantia laudem sectatos esse, testatur MARTINVS I. papa, dum *epist. 5. defensores*, inquit, *diuinorum canonum & custodes sumus, non praeuaricatores.*

§. VI. Secunda e potioribus differentia haec est, quod antiquae dispensationes non tam a Pontifice Romano, quam ab omnibus propriis *Episcopis*, quin etiam ab ipsa plebe datae fuerint. Episcopi certe aequaliter omnes facultatem dispensandi, nulla a pontifice Romano dependentia, sed ordinaria potius potestate proprioque iure exercebant. Atque haec eximia veritas tam luculentos in historia ecclesiastica radios spargit, vt contra solem pugnet, quisquis eam in dubium vocare auit. Quare etiam L. THOMASSINVS, famigeratissimus ille disciplinae ecclesiasticae inuestigator, sine vlla haesitatione in haec erumpit verba: *Ne ambigi quidem illud a quoquam potest, quin primi & secundi adeoque & tertii etiam*

Differentia secunda: olim non tam a pontifice Romano, quam ab Episcopis in genere, imo etiam plebe totaque Ecclesia concedebantur.

D 3.

seculi

duris poenitentiae laboribus premebantur, vt ad Saracenos aliquando descenderent, sicut docuit ZONARAS, vel etiam paganos in occidente, vt Rodolphus Bituricensis archiepiscopus monuit NICOLAVM, qui secundum Canones modum poenitentiae iniungenda illi committit. v. NICOLAVS epist. ad RODOLPHVM in append. HINCMMARI. Parisiens edit. & tom. III. Concil. Gall.

(d) Ipse LVDOV. THOMASSINVS omnem seculorum seriem emensus, vt accuratam dispensationum historiam daret, vltra papam SYRICVM, quem a Christi 385. sede Romana positum esse constat, ascendere non audet. Hinc P. II. C. III. C. 24. §. 3. *Quicquid*, ait, *decretalium epistolarum ante Syricum papam ab apostolica sede manauerat, id totum iam naufragio temporum absorptum fuerat, cum ex conciliorum sanctionibus & Romanorum pontificum decretis Dionysius exiguum suum Ecclesiae Romanae codicem contexuit.*

seculi episcopi canones apostolicos & decreta eius relaxarint, ubi publica iubebat necessitas, nullo pontifice Romano, nullo interueniente concilio prouinciali, quippe cum acerbitas persecutionum nec cum sede Petri communicare consilia fere sineret, (e) nec Episcopos alios adiri, nec concilia celebrari prouincialia. Enimuero, non Episcopi modo, sed, vt diximus, ipsa etiam PLEBS ad dispensandi exercitium iure quodam suo concurrebat. Vti enim olim vi confoederatae Christianorum disciplinae omnia, quae totam ecclesiam concernebant, negotia, eius nomine quoque expediebantur: (f) ita etiam facultas dispensandi in primorum seculorum triga non penes Episcopos modo, sed & penes totam ecclesiam, nedum penes solum pontificem Romanum erat. Facile huic asserto fidem adhibebit, qui rerum antiquarum peritia floret. Respicimus modo praxin, adhuc tempore CYPRIANI vsitatam. Quanta vero tum plebis libertas, quantusque

(e) Quae est Romanae aulae assentatorum indoles, vt etiam contra ipsius veritatis lucem pontifici Romano quomodocunque adulari tentent, ea & hic in THOMASSINO sese prodit. Haec vltima enim verba, in quibus vsurpatam ab Episcopis dispensandi potestatem in temporum illorum iniuriam conlucit, in Papae gratiam confingenda erant, ne scelerabrones irritarentur.

(f) Fluebat hoc, vt dixi, ex *confoederata* veterum christianorum disciplina. Vti enim haec communi pacto atque foedere firmata erat, ita & communis omnium ad omnia negotia consensus requirebatur. Nimirum est haec collegiorum aequalium natura, vt omnes res & causae ab omnibus iudicari debeant. Inde etiam erat, quod *excommunicatio* olim non nisi cum suffragio & consensu plebis fieret. Quemadmodum vero *eiectio* & *excommunicatio*, ita etiam *receptio*, quae erat *dispensatio* circa excommunicationis poenam, plebe itidem consentiente peragebatur. Quod & vltius exinde pater, quod istiusmodi *receptio* non minus, quam *eiectio* per modum iudicii expediebatur, teste TERTULLIANO *Apolog. C. 39*. Quis vero nescit, iudicia ecclesiastica in primis seculis non tantum ex Episcopis & presbyteris, sed etiam ex *fidelibus stantibus* constitisse? *vid. Magnif. DN. PRAESES in dissert. ad Plinium secundum dissert. III.*

rusque huic honor seruatus fuerit, constat ex epistola 14. CYPRIANI, de semet ipso scribentis: *A primordio Episcopatus mei statui nihil sine consilio vestro & sine consensu PLEBIS, mea priuatim sententia, gerere.* Et rursus epist. 19. Hoc, scribit, & verecundiae & disciplinae & vitae ipsi omnium nostrum conuenit, ut Episcopi plures in vnum conuenientes, praesente & stantibus PLEBE, quibus & ipsis pro fide & timore suo honor habendus est, disponere omnia consilii communis religione possemus. Et haec quidem de auctoritate plebis in genere. Iam si ad negotium dispensandi speciatim attendamus, & hic quoque magnas plebis partes fuisse, oppido liquet. Inde enim CYPRIANVS epist. 64. reprehendit factum THERAPII, quod VICTORI presbytero immaturo tempore & praepropere festinatione pacem dedecit. Quae res, ait, nos satis mouit, secessum esse a decreti nostri auctoritate, ut ante legitimum & plenum tempus satisfactionis & sine petitis & conscientia PLEBIS, nulla infirmitate urgente, & necessitate cogente, pax ei concederetur. Ne vero quisquam putet, peculiarem hanc plebis Carthaginensis praerogatiuam, nec communem totius Ecclesiae obseruantiam fuisse; iuuabit exemplum etiam ab ipsa Romana petere Ecclesia. CORNELIVS MARTYR, Episcopus Romae factus a. 254. literis ad CYPRIANVM scriptis de quibusdam confessoribus, qui Nouatiani partes contra Cornelium, legitime electum, susceperant, atque ideo ab Ecclesia discesserant, agens, ubi de eorum receptione loquitur, rem ita refert: *Omni actu ad me perlato, placuit contrahi presbyterium. Adfuerunt etiam Episcopi quinque, qui & hodie praesentes fuerunt, ut firmato consilio, quid circa personam eorum obseruari deberet, consensu omnium statueretur & ut motum omnium & consilium singulorum dignosceres, etiam sententias nostras placuit in notitiam vestri proferri, quas & subiectas leges.* His ita gestis in presbyterium venerunt, Maximus, Urbanus, Sidonius, Marcarius & plerique fratres, qui se eis adiunxerant, summis precibus desiderantes, ut ea, quae ante fuerant gesta, in obliuionem cederent, nullaue eorum mentio haberetur. Proinde, atque si nihil esset vel commissum vel delictum, inuicem omnibus remissis, cor mundum atque purum iam Deo exhiberent; sequen-

*sequentes Euangelicam vocem dicentem: beatos esse puros corde, quoniam ipsi Deum videbunt. Quod erat consequens, omnis hic aulus populo fuerat insinuandus ut & ipsos viderent in Ecclesia constitutos, quos errantes & palabundos iam diu viderant & dolebant. Quorum VOLUNTATE COGNITA, magnus fraternitatis concursus factus est. vid. epist. 49. CYPRIANI, ex quo ipso adhuc longe plura testimonia afferri possent. Conf. quae leguntur in Magnif. DN. PRAESIDIS *dissert. iuris eccles. antiqui ad Plinium secundum dissert. III. art. VIII. p. 149. seqq.* Eo autem prolixioribus nobis esse in declaranda ex antiquitate hac de PLEBIS concursu assertionem, necesse fuit, quo consuetius est veteris disciplinae scriptoribus, inprimis pontificiis, haec celare. Et mirandum certe, neque PETRUM de MARCA, neque THOMASSINVM, aliumue, hanc populi iura vindicasse. Facile tamen rationes silentii assequetur, qui norit, scriptores Gallicanos id saltem sibi propositum habere, ut pontificum Romanorum auctoritate imminuta, Episcoporum iura ex antiquitate amplient, de plebe vero eiusque iuribus ac libertatibus ut sileant, proprio interesse communibusque cum papa commodis induci. Notandum hoc ob PETRUM de MARCA, THOMASSINVM, DUPINVM, aliosque, quorum placita in sequentibus haud raro in partes tracturi sumus, ut ita iusta statim de ipsis idea praeparati, condignum eorum testimoniis ubique pretium statuamus.*

Exempla dispensationum ab Episcopis proprio iure concessarum.

§. VII. Trias itaque saecula elapsa sunt, quibus potestas dispensandi tum *Episcopis* ex aequo singulis, tum *plebi* quoque ipsi, salua & illaesa manserat. De *plebe* §. antecedenti sufficienter actum. De *Episcopis* vero res extra omnem dubitationis aleam posita est. Facile nobis foret, exemplis quamplurimis (g) id roborare, sed & hisce facile caremus, ubi pontifici-

- (g) Vt vel vnicum tamen Episcoporum, etiam papa non consulto, dispensantium, exemplum allegemus, euoluamus, quae ANTONIVS de DOMINIS in *de Rep. eccles. P. I. L. II. c. 2. p. 332.* in hoc argumentum disserit. Ibi enim videas potestatem dispensandi in voto & professione castitatis

tificios ipsos habemus confitentes. Pedem igitur mouemus ad secula *quartum & quintum*. In his vero magis magisque dispensandi facultatem sibi arrogarunt episcopi, exclusa penitus ecclesia, eiusque libertate pedetentim supplantata. Ita enim *loc. cit.* THOMASSINVS pergit: *Cum ergo haecenus Episcopi fere soli & singuli omnia dispensassent, vbi primum desinente seculo III. frequentari coepere concilia in prouinciis singulis, tunc Episcopis ipsis consultum visum est, vt ad illa referretur pro dispensationibus ponderandis.* Ab Episcopis ergo ius dispensandi non ad Papam Romanum, sed ad concilia, & quidem prouincialia, translatum est. Quod tamen non ita intelligendum, quasi Episcopi isto iure tum plane exuti atque orbati fuissent. Quin vero hanc singulis, ipso satente MARCA L. III. c. XIII. §. 3. Episcopis facultatem Nicaena synodus indulxit, vt etsi quatuor poenitentiae laboriosissimi gradus per aliquot annos subeundi essent iis, qui criminibus a canone vetitis se obstrinxissent, liberum tamen esset Episcopis, poenarum partem remittere illis, qui rebus ipsis conuersionem atque poenitentiam suam probauissent. v. SYNOD. NICAEN. c. 12. Gemella discimus ex Synodo Ancyra, cuius cap. 2. can. 5. haec leguntur verba: *Penes Episcopos erit potestas; modum conuersionis eorum (poenitentium) probantes, vel humanius erga eos agere, vel amplius tempus adiacere.* &c.

§. VIII. Tertia priscarum dispensationum a sequioribus differentia, quam & ipse MARCA, vt § XX. audiuius,

E

sum-

tatis Episcopis quibuscunque etiam absque Romani pontificis aut ipsius poenitentiariae scriptis, asseri exemplo CYPRIANI L. I. Epist. 11. qui & ipse sacris virginibus in periculo ite continentiae coniugium concessit. Conferamus cum his, quae idem Archiepiscopus Spalatinus L. III. c. p. 470. de antiqua metropolitanoꝝ potestate commentatur. Inprimis vero etiam huc commendari meretur LVD. EL. DUPIN *aureus de antiqua eccles. disciplina* liber, potissimum Cap. XII. & XIII. dissertationis I. vbi de iure & priuilegiis metropolitanoꝝ nec non patriarcharum agitur.

*Differentia
tertia: olim
nunquam
dabatur ve-
nia Canonis
infringendi,
sed tantum
infracti at-
que violati.*

summam vocat primariamve, in eo consistit, quod apud veteres nunquam daretur venia canonis *infringendi*, sed tantum *infracti* & *violati* poena ob grauissimas causas aliquando remitteretur. En vero ingens, quod inter hasce dispensationes interiacet, discrimen! Est illud ipsum, quod non MARCA modo, sed & THOMASSINVS centies inculcat. Et MARCA quidem praeter modo allegata mox iterum C. XIV. §. 15. *Cæterum, inquit, repetendum est, quod initio adnotavi, nullum NB. edi posse testimonium quo doceatur, a veteribus veniam INFRINGENDI canonis alicui collatam fuisse, sed tantum INFRACTI.* THOMASSINVS vero L. III. c. XXIV. n. 20. *Nec illud, ait, oscitanter praeteriundum, quod alii iam praemonuerunt, concessas tum fuisse eas dispensationes omnes, postquam peccatum iam fuerat in canones, & quando emendatio & poena luctuosior esse ecclesiae ipsi poterat, quam ipsum peccatum. Contra autem emollita iam & languescente disciplina posterioribus his seculis venia expetitur violandorum canonum, peccandi in sacras regulas licentia flagiatur & conceditur. &c.*

Differentia quarta: olim dispensationes longe alius indolis erant, siue materiam spectes, siue formam.

§. IX. Superest ultima earum, quas ex compluribus aliis selegimus, differentia. Nimirum vti perrarae olim dispensationes fuerant, ita & earumdem natura atque indoles vti plurimum longe aliena fuit ab indole & natura modernarum. Hoc si probare oporteat, inspiciamus & ponderemus modo, quae vel THOMASSINVS, vel MARCA, vel FLORENS, aliiue ex antiquitate afferunt exempla. Namque sic perspicuum euadet, quod quae olim promiscue (b) inter dispensationes relata fuerant acta & facta Episcoporum, illa hodie nec ab ipsis pontificiis stylo curiali inter eas referantur, saltem pleraque, nisi datam definitionem velimus immutare, inter eas proprie referri nequeant. Ita inter dispensationum specimina a FLORENTE *loc. cit.* refertur illa orthodoxorum humanitas, qua seculo quar-

to

(b) Illa igitur, quae & hodienu in utroque iure regnat terminorum ambiguitas & confusio, iam olim quoque inter patres primitiuos circa dispensationis vocabulum regnavit.

to & quinto Episcopos & Presbyteros Arianismi non minus, quam Donatismi labe, ingenti numero, infectos non modo in communionem fidei recepere, sed & in societate regiminis & clericatus pristini honore eosdem reliquerunt Ita & ANASTASIVS Papa, interpellatus ab Episcopis Afris, vt Presbyteri cacterique clerici, a DONATI partibus ad ecclesiam catholicam se conferentes, ordinibus dignitatibusque suis permitterentur, cum petitioni huic annuisset, seque cum Italis suis ad ecclesiae necessitates accommodasset, propterea THOMASSINO dicitur dispensasse *L. III. C. XXIV. §. 5.*

§. X. Notandum hoc in primis contra Romanenses, qui aulae Romanae frigidam suffusuri, ad colorandam modernarum dispensationum frequentiam, plucula illarum exempla ex prima antiquitate anxie corradunt. Verum non obtinent illi, quod intendunt. Ista enim, quae ipsimet afferunt, specimina, ad hodierna prorsus non quadrant. Certe CONNIVENTIAE potius ac DISSIMVLATIONIS, quam verae dispensationis species sunt dispositiones istae, quae tanquam a pontificibus Romanis peculiari auctoritatis praerogativa factae adducuntur. Nolumus iam in spatiosum historiarum campum euagari, vno tamen alteroue exemplo rem iuvabit illustrasse. *Primum* mutuabimur a PETRO de MARCA. Est autem illud exemplum FLAVIANI Episcopi Constantino-
politani. Huic quod contra canones vitiose ordinatus fuerat, DAMASVS cum pontifex Romanus, cum ecclesia occidentali communionem denegarat. At cum FLAVIANVS studio IOANNIS CHRYSOSTOMI & THEOPHILI ALEXANDRINI (i) non minus, quam ipsius imperatoris THEODOSII interpositione, DAMASO reconciliaretur, iam dispensationem hic a DAMASO factam fuisse, Romanensis fingit. Eiusdem com-
matis sunt, quae de ANATOLIO, Flauiani successore, & MA-

*Notandum
hoc contra
pontificios
recentiores,
dispensatio-
num abusus
antiquarum
exemplis co-
lorare stu-
dentes.*

*Adducuntur
speciminis
ergo exempla
dispensatio-
num ex Petro
de Marca,
Thomassino
& Florente.*

(i) Memoratu digna sunt THEOPHILI Alexandri verba, quibus referente SOCRATE *Hist. L. V. C. 15.* a pontifice Rom. contendit, *vt propter populi misericordiam vitium ordinationis NB. DISSIMVLARET.* Ita enim habet versio PETRI de MARCA loco mox allegato.

ximo, Episcopo Antiocheno, quorum vterque etiam contra canones ordinatus fuerat, ibidem enarrantur. Alterum inter plura THOMASSINVS suppeditat, quando *loc. cit.* §. 8. de INNOCENTIO I. memorat, quando Macedoniae Episcopis responderit, *posse omnino ipsos ex venia & humanitate admittere ad functiones ordinum suorum eos, quos Bonosus ordinasset, ne Schismati ingruenti ianua panderetur.*

*Scilicet anti-
quae dispen-
sationes po-
tius toleran-
tia, dissimu-
latio & con-
suetudine di-
scenda erant,*

§. XI. Ecquis vero non primo statim intuitu deprehendat, tum quod olim longe aliud quid *dispensationum* nomine venerit, ac hodie, tum etiam, quod ex huius factis pontificum nihil contra nos lucentur sedis Romanae adulatores? Prius, vt §. XX. ostendimus, fatetur ipse MARCA, posterius autem non potest non fluere ex priori. Quodsi enim antiquis tantum vocibus utimur, nostrique seculi dispensationes ab istis pristinis tantopere abhorrent, quid, quaeso, dispensationibus papalibus modernis firmamenti accedere poterit ex priscis? vt vero dicamus, quod res est, equidem ista, quae modo adduximus, & quibuscum pontificii alias superbire solent, primorum pontificum facinora inter veri generis dispensationes locum haud merentur. Sane enim, quemadmodum in seculis primitivae Ecclesiae summa inter ecclesias & Episcopos aequalitas erat, CYPRIANO tantopere laudata, ita tota huius dispensationis ratio in *tolerantia*, in *dissimulatione* & *consuetudine* consistebat. Reuera igitur nihil aliud fuerunt, quam *conciliationes* ad preces Episcoporum orientalium amicas consecutae, cum alias ex denegatione communionis schismata fuissent metuenda. Illud quidem obstat posset, quod dum Episcopi Romani minus canonice ordinatis communionem suam indulgere, in eo saltem dispensasse & veniam eisdem dedisse videntur; sed *aliud est remittere ius suum seu actionem contra aliquem, quod & a pari fieri potest, aliud est dispensare.* Prius quidem factum esse asseritur in historia ecclesiastica, non vero posterius. Sicuti enim alteri in alterum nullum imperium competebat, ita tolerantia talis proprie dictam speciem dispensationis, quae a potestate legislatoria dependet, nequaquam constituit. Confer, quae, Magni-

gnificus DOMINVS PRAESES iam olim in *observationibus selectis* ad PETRI DE MARCA *L. III. cap. XIII. obseruat. 9.* commentatus est.

§. XII. Sed redeundum in viam, iamque lustrata Epocha quinque seculari (k) nunc (III) etiam ad seculum XI. usque ostendendum, quomodo dispensandi ratio a prima sua indole paulatim degenerauit. Notatu digna sunt verba THOMASSINI, *loc. cit. c. XXIV. §. 14.* leguntur. Ita autem ille: *Ea primum disciplinae innovatio facta est desinente tertio & ineunte quarto seculo &c.* Per hanc primam inuouationem THOMASSINVS illam iuris dispensandi ab Episcopis ad concilia prouincialia translationem innuit. Vti enim supra iam percepimus, augescere Christianorum & Episcoporum numero potestas dispensandi seculo IV. & V. ab Episcopis, quos inter iurgia & dissidia saepe excitabantur, & plebe, ad concilia prouincialia deuolebatur. Neque tamen penes haec diu permansit, sed mox, vt THOMASSINVS *loc. cit.* pergit: *Iisdem porro causis obrepss & innovatio alia postea, pedetentim similiter & inopine & temporis mora prolixiore, ubi eadem dispensationum potestas vel potestatis potius explicatio a conciliis prouincialibus NB. ad sedem apostolicam traducta est.*

§. XIII. Habemus hic primum & praecipuum corruptionis ecclesiasticae, qua disciplinam dispensandi, fundamentum. Scilicet ex quo potestas dispensandi ad praesules Romanos traducta est, ex eo etiam corruptioni & abusus patere coepit. Traductio seu translatio autem ista ad hanc potissimum aetatem reicienda venit, qua pontifices Romani caput erigere & pomperia sua iam latius distendere inchoarunt. Accidit id post seculum inprimis quintum. Quan-

E 3

quam

Facies dispensationum post Epocham quinque secularem usque ad seculum XI. Primum corruptionis qua disciplinam dispensandi fons fuit violentiae paparum, ius dispensandi ad se trahentium. Huius violentiae fulcrum & fundamentum fuit ruina imperii in occidente.

(k) Quinque secula periodo huic assignauimus, non quod eiusmodi mutatio, quae sensim sensimque, & ad instar morbi clanculum serpentis, incrementa sumsit, in certum determinatumque temporis articulum coniici possit, sed quod tamen valde probabile sit, isto circiter aeo disciplinae ecclesiasticae corruptionem primordia sua concepisse, iamque sensibilem aliquam mutationem subuisse.

quam enim spiritus papalis iam antea quoque suam dominandi cupidinem haud obscuris indicis prodidisset, Romanusque praeful ab urbe Roma, quae toti orbi imperare consueuerat, nullam citius, quam imperandi consuetudinem induisset: ille tamen tum demum solidum quoddam ambitionis suae pabulum & fomentum nactus est, cum sub occasum & interitum imperii occidentalis caesarei exarchatus seu negligentiam seu oppressionem (1) in superbiae suae firmamenta ipsi trahere licebat. Tum enim & dispensandi iura sibi soli arrogare, quae vero Episcopis reliquerat, tanquam sibi & gratiae suae accepta ferenda, intimare coepit. Pertinent huc complura, quae ex seculo VI. a THOMASSINO adducuntur, dispensationum exempla.

*De exarchatu
in Romano.*

*Specialior
consideratio
seculorum
VII. VIII.
IX. & X.*

§. XIV. Ita vero iactis fundamentis mox & ulterius subinde progressi sunt Pontifices Romani, & gressu quidem felici non minus, quam audaci, praesertim cum BONIFACIUS III. iam seculo VII. oecumenici titulum APHOCIA Tyranno obtineret: cum & seculo VIII. luctuosa perturbati occidentis tempestas pontificiam auctoritatem quasi alluvione quadam adaugeret, seculo autem IX. imperatorum Francicorum liberalitas spiritualem potestatem iam & seculari robore suffulciret: cum denique seculo X. in quo, fante ipso Cardinali BARONIO in *annalibus* ad hoc seculum, impotentes foeminae THEODORA & MAROZIA, naviculam Petri eiusque nauceros, quo libebat, dirigebant, summa clericorum ignorantia, per-

(1) Multa utique ad fovendam stabiliendamque pontificum Rom. praepotentiam concurrebant. Inter haec autem non postremo loco numerari debent exarchorum in Italia a graecis imperatoribus constitutorum tum in tuenda auctoritate sua negligentia, tum vero & truculenta tandem oppressio, Barbaris Gothorum, Vandalorum, atque Longobardorum populis totam Italiam misere devastantibus. Dignus omnino est, qui huc legatur FR. GVICCIARDINVS, cuius notabile fragmentum mala pontificiorum fide ex eius HISTORIARVM libro quarto omisum, sed postea ab eiusdem consanguineo ex *Autographo Florentino* restitutum, *suae historiae papae* adiecit I. H. HEIDEGGERVS.

peruersissimusque clericorum status omnem fere disciplinam eliminaret.

§. XV. Atque ita facile iam intelligitur, qui prisca dispensandi ratio a primaeva sua indole paulatim descuerit. Neque enim fieri poterat, quin exulceratis istis ecclesiae pariter atque imperii Romani temporibus canones legesque ecclesiasticae misere corrumperentur, & lethali quasi vulnere pristinus disciplinae vigor conficeretur. Fatendum tamen, nondum aetate ista omnem erga sacros canones reuerentiam exoleuisse. Vulnura tantum ecclesiae disciplina acceperat, mortem nondum subierat. Imo vero si THOMASSINVM, si & FLEURYVM audiamus, ZACHARIAS seculi VIII. Papa in epistolis ad S. BONIFACIUM datis magnum adhuc pro integritate canonum atque pro vigore disciplinae zelum spirat, adeo, vt dictus FLEURY, vir de historia eccles. meritissimus, recitatis Zachariae ad Bonifacium verbis hoc subiungeret epiphonema: *Telles etoient alors les dispenses! des indulgentes pour une faute commise, non de permissions de la commettre.* Tales tunc temporis erant dispensationes! Scilicet remissiones peccatorum commissorum, non autem venia committendorum, *Fleury dans l'histoire de l'Eglise Tom. IX. L. XLII. ad a. Christi 751.* Simul vero & istud certum est, mediae aetatis dispensationes iam tum hoc potissimum discrimine a primitiuis istis defecisse, quod, cum ius dispensandi primum non tantum omnibus Episcopis, sed & ipsi plebi totique ecclesiae commune esset, nunc Romanus Praeful illud ad se solum raperet, iamque omnes fere dispensationes, siquidem valituras, a Romana sede derivari necesse esset. Quam inuitis & repugnantibus vbique Episcopis id factum sit, historiae loquuntur. Equidem PFRVS de MARCA & post hunc saepius citatus L. THOMASSINVS omni opera id agunt, vt christiano orbi persuadeant, ipsis ita volentibus petentibusque Episcopis, ius dispensandi pederentim in solum pontificem Romanum deuolutum fuisse. Ingeniosis hanc in rem isti fictionibus vtuntur, & dum Papae palpum trudent, simul rei Ecclesiasticae peritis glaucomata obicere laborant. Ita THOMASSINVS Episcopos ordinario suo dispensandi

*Nondum
tamen omnis
aetate ista
erga canones
reuerentia
exoleuerat.*

sandi iuri ultro renunciassse fingit, eo credibilis autem est, *L. cit. c. XXV. §. 12.* inquit, *assensus esse ipsos Episcopus huius iuris abdicationi, eiusque ad primam sedem quoad exercitium reuocationi, quod nimia quandoque indulgentia in summum adducerentur dignitatis suae discrimen.* Verum enim vero inanem isti operam ludunt, nec nisi vanissimis coniecturis nixi contra omnem historiarum fidem spontaneae abdicationis inuolucro obtegere conantur, id quod vi astuque a pontificibus Romanis factum fuisse luculenter constat.

*Iudicium de
Marca &
Thomassino.*

§. XVI. Dolendum autem, homines gallos, de libertatibus iuribusque ecclesiae suae conuictissimos, viros insigni alias eruditione claros, ubi cum aula Romana committuntur, in huius gratiam toties miffitare, & quo minus scapham, scapham appellent, aut mentem suam candide eloquantur, metu hypocritico subinde absterri. Et sane volupe, at viris istis simul perindignum est, intueri, quam torqueant se illi, quantamque vim conscientiae ac candori suo, alias sat ingenuo, inferant, cum immoderata pontificis Romani potentia moderanda, praefensque rerum status cum isto ecclesiae primitivae conciliandus venit. De MARCA quidem nemo nescit, eum *pallium* dedisse vento, praesertim cum *pallium* ambiret *Archiepiscopale*. At idem etiam de THOMASSINO affirmandum. Multa in gratiam veritatis, multa in defensionem libertatum gallicarum egregia profert. Vbi tamen periculum est, ne in offensionem Papae quicquam afferat, cheu! quam timidulus ille est, quam providus, callidus! Ita, cum illi veritas non minus, quam interesse gallicanum extorsisset fateri, ab ipsis inde apostolis omnes olim singulosque Episcopos ius dispensandi iure proprio & aequaliter possedisse: cum & idem ad tuendam hypothesin, ipse cum praecipuis libertatis ecclesiasticae defensoribus communem, quod ecclesiae regimen Aristocraticum (m) magis sit, quam Monarchicum,

(m) PETRVS de MARCA eandem sententiam tenet & hinc *L. II. C. XVI.* loco Christi *Matth. XX.* *Reges gentium dominantur, vos autem non sic,*

cuius, necesse habuisset affirmare, ipsam dispensandi potestatem insertam & concretam quodammodo esse Episcopali dignitati, ita, ut qua talis a pontifice Romano non dependeat, contra quam hodie canonistae docent, quanta, obscuro, contentione, quanta cautela & circumspectione is ipse prius dicta iterum emollire & tantum non resorbere tentat! Non iniuria igitur illum in eorum classem referas, ad quam & PETRUM de MARCA ill. DN. THOMASIVS in recens edita *historia contentionis inter imperium & sacerdotium* p. 326. iure meritissimo alegant, eum *ambidextrum* vocans, cimen Altselträger, quo elogio & antea iam insignitus fuit ab Anonymo Leodiensi, qui anno 1639. edidit *les traités des droits & libertés de l'église gallicane*. Huc etiam adspersisse iuvat acutum BAEII iudicium, quod is in *dictionario* voce MARCA, expositis MARCAE satis, subnectit: Ita autem ille: *Concluons de ce narré, que c'est une servitude tres facheuse a la cour de France, que d'avoir besoin des bulles du Pape pour etablir des eueques; Car cela fait, que ceux, qui seruient capables de bien maintenir les libertés de l'église gallicane & les interets du Roy dans ses demêles avec Rome, n'osent employer toutes leurs forces. Ils aspirent aux prelatures & ils voyent, qu'ils n'y pourront iamais paruenir, s'ils se rendent trop odieux a la cour de Rome; on du moins, qu'il faudra, qu'ils fassent des factions bonteuses. Il n'y a pas long tems, que cela est arriué a quelques membres de l'assemblée du clergé de l'an. 1682.*

§. XVII. Equidem THOMASSIVS istam, quam veteribus Episcopis attingit iuris abdicationem voluntariam aequae atque iustam evincere conatur exinde, quod dispensandi munere

F

nemo

Inane Thomassini commentum in gratiam aulae Romanae prolatum.

fic, a se explanato haec verba subiicit: *Verus dominatus est penes Reges, non autem penes sacerdotes, quarum potestas non est despotica, sed temperata & ad populorum usum accommodata, ita ut NB. MONARCHIA ECCLESIASTICA ex ARISTOCRATICO regimine sit mixta. Multo cordatior hoc Archiepiscopo L. ELLIES DUPIN in laudato opere de A. E. discipl. dissert. IV. p. 322. Et certe, inquit, quoad regimen prima illa ecclesia aristocratia usa est.*

nemo rectius, nemo sanctius curatiusue fungi consueverit, quam Episcopus Romanus. Inde enim concludit, ex ecclesiae vtiq[ue] *necessitate* atque *commodo* fuisse, vt potestas dispensandi, tot ante seculis Episcopis relicta, ad solam sedem apostolicam reuocaretur. Sed vtut demus, Episcopos ecclesiae Romanae primos canonum obseruantissimos fuisse, eandem tamen laudem & sequioribus (n) vindicare velle, nihil aliud foret, quam ad manifestam coecutire velle veritatem. Quod vt clarius patescat, iam & ad *quartum* dicendorum membrum properamus.

Facies dispensationum ab initio seculi XI. vsque ad reformationis.

§. XVIII. Scilicet ex ordine nunc IVto etiam, quantus tandem dispensationum abusus inualuerit, & ad quem vsque apicem Romanorum pontificum audacia progressa fuerit, adductis quibusdam papalium dispensationum exemplis vsque ad acram reformationis declarandum restat. In exponendis dispensationum fatibus ad *undecimum* vsque seculum peruenimus. Quinque igitur secula supersunt, si historiae filum ad tempora reformationis vsque pertexere velimus. At nimis longum foret, per singula eorum cum cura ire. Itaque vt breuiter nos expediamus, summatim omnia complectenda erunt.

Contemplatio seculi XI. seu Hildebrandini.

§. XIX. Crescente Romanorum pontificum potestate, succreuit etiam abusus dispensationum. Quemadmodum ergo ista seculo inprimis XI. quo GREGORIUS VII. famosus ille pon-

(n) Equidem si ad voces verba & decreta pontificum Romanorum, etiam aetate iam sequiori & speciatim seculo XI. regnantium, attendere velimus, putares, eos magna adhuc canones in reuerentia habuisse. Nolebant enim coram hominibus videri, qui reuera fuerant, canonum & disciplinae sanctioris destructores. At vero illos glaucomata obiecisse incautis, penitior rerum inspectio facile demonstrat. Haud igitur attendenda sunt pontificum effata dispensationum corruptelas cum specie a se deuoluentia; Nec difficile isti fuerit, qui historiam seculi XI. exactius euoluit, iudicare, quid sentiendum sit de verbis v.gr. VERBANI II. in concilio Romano III. prolatis:

Quam-

pontifex, sacros fasces usurpavit, ad suam ἀρχὴν pervenit, ita & ab eodem tempore abusus dispensandi mira incrementa cepit. Quotquot enim auctorum effusam istam dispensandi liberalitatem taxant, ii fere omnes a seculo *undecimo* ordiri solent. Ita EDMUNDVS RICHERIVS, vir doctus & cordatus *cap. IX. libelli de eccles. & politica potestate p. 174.* *Profecto*, inquit, *ostingentis atque amplius annis, h. e. ante imperii translationem ad Francos, Rom. Pontifices sese tantummodo ultores suae executores canonum praedicabant: lapsu demum temporis, cum omnes Christianae nationes summis ignorantiae tenebris consopitae detinerentur, absolutam auctoritatem omnia decernendi collegerunt, PRÆCIPVE A GREGORII VII. TEMPORIBVS.* Ita & FR. FLORENS, ubi exemptiones Monasteriorum, quae dispensationum speciem efficiunt, ex historia illustrat, potissimum earum abusus in seculum XI. reiiicit. *Opp. p. I. p. 274.* „Ab his,“ dicens, initis indistincte, etiam sine ulla causa, nisi liberalitatis, exercendae, non adhibito Episcoporum consensu, imo & his, inconsultis NB. & in vitis, privilegia plurima summi pontifices concesserunt, quod potissimum frequentasse videntur. LEO IX. GREGORIUS VII. VICTOR. III. VRBANVS II. PASCHALIS II., Pariter de hoc PASCHALI etiam THOMASSINVS *l. c. c. XXIX. §. 10.* memorat: *Postquam autem Paschalis Papa ianuam aperuit dispensandi in gradibus cognationis, mirum postea in modum id genus dispensationes increbuerunt.* Idem *Cap. XXVII. §. 3.* ex eodem seculo, exemplum dispensationis, quam nouam & priori aetati inauditam vocat, adducit.

§. XX. Nec meliora de seculo duodecimo, quo vix *De seculis*
F 2 aliud *XII. & XIII.*

Quamuis autem misericordiae intuitu magnaue necessitate hanc in sacris ordinibus dispensationem constituimus, nullum tamen praeiudicium sacris canonibus fieri volumus, sed obtineant proprium robur, & cessante necessitate illud quoque cesset, quod factum est pro necessitate. Nempe est protestatio facto contraria. Simile iudicium ferendum de similibus effatis eiusdem seculi Papparum PASCHALIS II., GREGORII VII., NICOLAI II., &c. quae congesta & collecta videas apud LAVNOIUM *volume epistoliarum edit. Cantabrig. P. IV. p. 348.*

aliud maiori paparum in Episcopos non modo, obedientiae iuramentum tum praestare coactos, quam in reges principesque, & ipsos maxime imperatores Romanos, audacia diffamatum fuit (v. HEIDEGGERI *historia papatus* §. XCIV. p. 104.) sperare licet: *Post seculum enim undecimum, ait PETRVS DE MARCA L. III. c. XIV. §. 6. frequentior esse coepit dispensationum usus, rectius dixisset, abusus.* Et quid de seculo XIII. iam augurandum, in quo INNOCENTIVS III. qui *iuris novi decretalium princeps & parens* THOMASSINO audit, in quo & (o) BONIFACIVS VIII. novus ille iubilaei atque indulgentiarum profusissimus inventor, triplici diademate coruscabant? Certe contra dispensationes huius seculi plenus iterum querelarum est THOMASSINVS, in eo tamen haud ingenuus, quod pontificum Rom. *ad omnia* dissimulaturus culpam abusum ab iis amoliri, eamque in reliquos illius temporis Episcopos transferre satagit, ea scilicet intentione, ut ne violentiae papali, qua omne dispensandi ius ad se abripiere, officinae deessent. v. THOMASSINVS P. I. L. II. c. LXX.

De seculo
XIV.

§. XXI. „Accedendum nunc nobis est (sunt verba, quae iterum a THOMASSINO *l. modo allegato*, mutuamur) ad seculum „XIV. & ad concilium viennense a. 1311. habitum, ubi quam libe- „ras & iustas, tam obseruantiae & amoris plenas querelas con- „gregati Episcopi effudere de dispensationibus frequentiori- „bus, quas NB. ipsi pontifices darent etiam PVERIS ad obtinen- „da & ad plura simul obtinenda beneficia. „ In primis vero mag- „nus hoc seculo circa dispensationem beneficiorum usus invalu- „erant. Perstrinxit eum SARPIVS in libro de beneficiis & redditibus ecclesiasticis, quando 32. 33. & c. p. 192. ita inquit: Certe dispensationes super pluralitate beneficiorum ita excedebant, ut circa annum 1320. Ioannes XXII. eas omnes reuocaret & limitaret usque ad duo beneficia alterum curatum & alterum non curatum cap. Execrab. de

(o) Solium papale inuasit hic BONIFACIVS circa exitum seculi XIII. de hoc scriptores memoriae prodiderunt, eum coronatum & accinctum, cum in publicum prodiret, alta voce proclamasse: *Ego sum Caesar & Papa.*

de praebend. Extrau. Sed cum sibi RESERVARET(p) dispositionem, circa reliqua facile sibi persuaferunt sagaciores, eum non intendisse sublationem abusuum, sed potius incrementa aerarii proprii, quod etiam euentus docuit, cum pluralitates beneficiorum ab illo tempore adhuc frequentiores essent, quam antea. Iudicium SARPII confirmat PAVLVS LANGIVS, Monachus Bazoviensis, quando in chronico citizenli de BONIFACIO IX. IOHANNIS XXII. post sex alios successore, scribit: Anno Domini M. CCCCIV. BONIFACIVS summus pontifex diem clausit extremum, qui primus NB. annuam beneficiis ecclesiasticis imposuit, ut beneficium adeptus dimidium annui prouentus Apostolico soluere fisco, qui per multas fecit NB. pro PECVNIA EXEMPTIONES in perpetuum malum ecclesiae. Per huiusmodi quippe exemptiones obedientiae bonum dirimitur & corpus ecclesiae militantis confunditur & dissipatur. Quare sancti tales exemptiones valide reprehendunt. Quemadmodum & beatus ac mellissimus BERNARDVS in libro de Consid. ad EVGENIVM sum. pontificem alloquens, ita inter alia satur: AVDI MVRMVR ET QVERIMONIAS ECCLESIA RVM. vid. LAVNOIVS Volum. epist. p. VI. p. 551. & sqq. (q.)

§. XXII. Haec cum ita habuerint seculo XIV. iam & mores seculi XVti, quod reformationem proxime anteceffit,

F 3

facile

De seculo
XV. In hoc
abusus di-
spensandi ad
summum
apicem per-
tinet.

(p) Locus nobis hic dicendi foret de reservatis papalibus, magno iterum violentiae Romanae argumento. Per ista enim nihil aliud intelligitur, quam potestas dispensandi a papa sibi reservata. Verum evitandae prolixitatis ergo remittimus lectorem ad Ill. DN. TŒMASII notas in LANCELLOTAM, in primis L. I. tit. XXVII. p. 416. seqq. vbi egregie ostenditur, quanto avaritiae nec non ambitionis artificio reservata ista inferuierint.

(q) Memorabile etiam est iudicium, quod de fati huius saeculi FLEVRIS edidit dans l'institut. au droit Ecclesiast. P. I. l. 1. p. 14. La plus rude atteinte, que reçut jamais la discipline de l'église, fut pendant le grand schisme d'Avignon sous la fin de quatorzième siècle. Chaque pape donnoit à l'envi toutes sortes de dispenses & de graces pour augmenter ou conserver son obédience.

facile praeuideri possunt. Scilicet in hisce duobus seculis audacia papalis ad supremum suum apicem ascendit, iamque nihil alteri excogitari potest dissimilius, quam quidem dispensandi ratio, quae tum inualuerat, cum moribus ecclesiae primitivae comparata. Non dissertatio, sed vastae volumen molis nobis conscribendum esset, si prolixè hic inquirere, & excessus a pontificibus Romanis factos in vnum conicere vellemus. Sed cui bono? Quis enim est, qui crassissimas istas sedis Romanae aberrationes ignoret? Quis est, qui nesciat, seculo in primis XV. integra concilia ad tollendos eiusmodi abusus conuocata fuisse? (r) Imo, quis est, quem lateat, enormem istum indulgentiarum, quae & ipsae inter dispensationes pertinent, abusum primam praecipuamque B. LVTHERI reformationi an- sam suppeditasse? Vt adeo longiori probationum ambitu facillime possimus superfedere.

*Transitus ad
querelas vi-
rorum prae-
stantissimo-
rum.*

§. XXIII. Vt vero de ipsis sequiorum temporum corruptelis constet, utque pateat, quanto istae discrimine a primitiuis tandem deuiarint, agedum, aurem paulisper com-

(r) Huc spectant maxime concilia, *Constantiense* & *Basiliense*, quorum non minima occasio fuit laxatae dispensationum disciplinae fibulam iniicere. Sed irritus omnino patrum in iis congregatorum conatus fuit. Quam enim Episcopi iure postliminii ad se reuocare tentabant potestatem, quam & malè recuperatam a se credebant, ea innoxiterum depellebantur. Audiamus vel hic quoque THOMASINVM, toties iam a nobis in testimonium vocatum. Is vero P. II. L. III. c. XXVIII. §. 10. *Auenionensi schismate*, inquit, *conflagrante*, cum se regna quaedam tanquam in interregno sacro ab omni subdlexerint summorum pontificum obedientia, eam sibi visi sunt recuperasse Episcopi potestatem dispensandi amplissimam, qua NB. quondam potiebantur. Atque in Pisano concilio a. 1409. ratum habuit Alexander Papa, quicquid ab illis interim fuisset dispensatum. Contra a. Martinus V. in concilio Constantiensi a. 1418. reuocauit dispensationes omnes, a prioribus indultas pontificibus, vnde ordinibus initiari tenerentur, quos requireret beneficium, quo gaudebant.

modemus crebris istis grauissimisque virorum praestantissimorum, etiam inter pontificios, querelis. Tum & pauca quaedam *papalium dispensationum* exempla e recentioribus subiciamus.

§. XXIV. Non est vero, non est, cur iam ad s. BERNARDUM vsque, ad HILDEBERTUM Cenomanensem, IOANNEM Sarisberiensem, MATTHAEUM Parisium, GVILIELMUM DYRANDUM, NICOLAVM de CLEMANGIS, IOANNEM GERSONEM &c. quos omnes tristissimas contra dispensatorios excessus querelas effudisse testatur PETRVS de MARCA *L. II. C. XIV. §. 10.* cur, inquam, ad veteres illos veritatis testes atque vindices excurramus? Audiamus tantum eos, qui nobis aetate propiores in medio papatu sibi temperare non potuerunt, quin ad abusus istos lamentarentur. (s) Ita CLAVDIVS ESPENCÆVS in *epist. ad Tit. c. 1. admon.* inquit *ἀγορεύειν ἐστὶν, quod tam multa positio tantum iure praecepta vel prohibita eousque ligant homines, donec pecunia sibi harum constitutionum gratiam impetrent? ita ut regina verum, pecunia, diuitibus licitum faciat, quod pauperibus licitum non est, (t) quoniam diuitias non habent. - Vix enim quidquam prohibetur, quam ut ne quis grātis contraheniat, & quod vetatur, numerata statim pecunia dispensatur, quasi nullum sit peccatum maius, quam numis carere. ESPENCÆO iungimus ANTONIVM de DOMINIS. Hic in *de republ. eccles. L. V. c. 12. p. 462.* Non alia de causa, inquit, Romani pontifices usque ad quartum gradum prohibitiones has extenderunt, nisi ut frequen-*

Ingens quiritantum cetera,

inprimis vero a. Cl. Espencæi,

β. Antonii de Dominis.

(s) Nonissimum hunc abusum notauit FLEVRIVS dans l'*institution au droit eccles. p. 1. c. 1. p. 13.* aient: *On crut, que les papes ne pouuoient mieux faire paroître leur puissance qu'en etendant sans bornes les droits de dispenser des canons, au lieu que pendant mille ans ils en auoient usés avec une extreme circonspection.*

(t) Imo vero, si ESPENCÆVS aurem praebeat doctrinae AVGVSTINI de ANCONA, non est, cur adeo excandescat. Ita enim ille in libro *de potestate papae qu. 3.* Quantum, inquit, ad remissionem poenae, quae acquiritur per indulgentiam, in tali casu non est inconueniens, quod diues sit melioris conditionis, quam pauper.

quentiores essent dispensationes, ex quibus immensa pecunia in eam curiam confluxit: Et assignata sunt in cancellaria pro singulis reuotionibus gradibus precia: nam propinquiores compositiones facere debent, sane ingenies, ubi praesertim coniuges vel diuites sunt, vel magnates, vel principes. Et hoc procul dubio facit, vt leges ecclesiasticae talium nuptiarum prohibitiuae sint prorsus iniuillae ac nullae. Non enim honestatem ac decentiam respiciunt, aut in re ipsa aequitatem, sed solum proprium lucrum: Nemo enim est, cui tales dispensationes negentur, & quoiquot eas petunt, tot eas accipiunt, solo precio exhibito, imo ne a papa quidem postulantur, sed prostant in publico officio cuiusunque accedenti venales. Et L. VI. cap. 10. idem ita perorat: Si liceret Papae cum causa salutis animarum reges deponere, iam breui idem posset sine causa. Persuaserunt initio Papae palpones & adulescentes, posse eum in sacris canonibus cum causa dispensare; quo tandem deuenit res? vt iam etiam sine causa, imo turpi ex causa, dispenses ex plenitudine potestatis. Antonio succedat SARPVS, qui in libro de benef. & red. eccles. p. 455. occasione temporum Innocentii IV. in haec erumpit verba: *Est auctoritas & potestas illa maxima, quam aula pontificia vsurpabat. omnibus bonis valde displiceret, placebat tamen ea maximopere plurimis ex clero & aliis ad beneficia adspirantibus & propter defectum requisitorum canonicorum incapacibus. His nemo Episcoporum ex reuerentia canonum audebat conferre beneficia: Sed quod non audebant Episcopi, NB absque haesitatione faciebant pontifices, secum dispensantes aduersus canones & constitutiones ecclesiasticas, adhibendo formulas & clausulas: de plenitudine potestatis. Item: non obstantibus, quae hodie in omnibus Bullis beneficiorum inueniuntur, cum antea per plura secula plane erant incognitae. Atque hanc audaciam ipsi Papae obiecit Robertus Episcopus Lincolnensis in epistola ad Innocentium IVum. Quid multis? Inter centum grauamina, Norimbergae in comitiis caesari a Statibus imperii tempore reformationis exhibitae, primum statim de abusu dispensationum egit. Ita enim Principes: Primum (scilicet grauamen) versatur circa constitutiones humanas, quae dum dispensationibus Romae redduntur, omnem iniquitatem procreant & nos nostro aere priuant.*

γ. Pauli
Sarpvii.

δ. statum
imperii.

vant. Adeo scilicet omnis fere orbis de abusu isto conque-
rebatur!

§. XXV. Nec mirum; dici enim non potest, quot
quantaue corruptae rationem dispensandi in aula Romana
tum peruaserint. Olim quidem perrarae erant dispensatio-
nes: at tum longe frequentissimae. Olim potestas dispen-
sandi, ceu audiuius, pars ipsius dignitatis Episcopalis habe-
batur, adeo, vt eodem iure, quo quis Episcopus esset, etiam cir-
ca canones dispensaret. Tum vero pontifex Romanus tan-
quam summus omnis spiritualis iurisdictionis arbiter, tantum
non adorari coepit, iamque precaria facta fuerat potestas & a pa-
pa in Episcopos deriuanda, quae olim dignitati Episcopali sine
vlla dependentia quasi propria habebatur, eique essentialiter
innexa. Olim duae tantum iustae dispensationis causae erant,
neccissitas & utilitas communis ecclesiae. Tum vero centenae (u)
excogitari, tum pro lubitu omnia tractari coepere. Olim nul-
la privatorum ratio habebatur, sed commune bonum & com-
munis neccissitas attendebatur. At vero tum vtramque pagi-
nam faciebat *scientia singularis, nobilitas sanguinis, meritorum
praestantia & quod caput est favor Pontificis*, quandoque et-
iam *largitio, & liberalitas* petentis, non propter bonum publi-
cum amplius & ob publicam causam, sed unice ob emolumen-
tum petentis priuatum. Olim violatorum tantum cano-
num venia dabatur: tum vero & violandorum. Olim lo-
cum obtinebat dispensatio, si quae forte vitiosa praecessisset or-
dinatio, aut si quod dubium existeret, de Clericis vel Epi-
scopis ab haeresi redeuntibus, quatenus in gradu suo suscipi
aut tolerari deberent, aut si quod schisma metuendum esset,

G

aut

(u) PYRRHVS CORRADVS, qui in *Opere suo* id praecipue egit, vt Pra-
xin dispensationum papalium hodiernam ex ipso *Rom. curiae stylo,
conciliorum ac decretalium papalium functionibus, Rotae Rom. de-
cisionibus*, adductis tum ipsarum dispensationum, tum supplicatio-
num pro iisdem variis exemplis authenticis, elucidaret, eiusmodi
causarum quatuordecim enumerat, quas vero allegare nimis longum
foret.

*Recapitula-
tio dictorum
& compara-
tio dispensa-
tionum mo-
dernarum
cum anti-
quis.*

aut si poenitentiae rigorem temperare oporteret, aut si quae alia circa disciplinam ecclesiasticam nascerentur incommoda, quæ remissius agere iuberent. At ex nouiori iure multa alia accesserant dispensationis capita, nec canon fere erat, vel lex, vel statutum aut decretum pontificis, quod non tot dispensationibus suberat, quot syllabis constabat. Olim casta & sancta erat ecclesiae disciplina, neque nimia praeceptorum sarragine obruta, neque etiam ob defectum illorum inopiamue nimis laxa. Tum vero sub onere statutorum novarumque indies ferendarum legum ecclesia fatiscebat. Sed quo auctior erat canonum & legum numerus, eo laxior disciplina, ipsa quippe legum multitudinem, etiam dispensationum frequentiam post se trahente.

Multiplicantur leges, ut multiplicarentur dispensationes, id quod probatur variis exemplis.

Audacia Pontificum Romanorum, quae potestas infrugetur.

§. XXVI. Exempla sunt in promptu. Et quod ad leges quidem attinet, ecquis ignorat innumera illa matrimoniorum obstacula ex cognatione spiritali & legali, atque ex tot gradibus consanguinitatis, affinitatis, nec non publicae honestatis, a iure nouo consuetis, originem trahentia? Quem fugiunt tot ciborum rerumque alias indifferentium interdicta? Quis nescit Canones & decreta pontificum, super iuramentis, votis, beneficiis & infinitis istis irregularitatibus multiplicata? Ita vero omnino necesse erat, etiam dispensationum frequentiam introduci. Quin eo tandem deuentum erat, ut papa tantum non omnia auderet. In omnibus enim casibus, paucis exceptis, potestatem dispensandi is sibi arrogabat. v. SPECVLAR. rubr. de dispensat. dom. papae. Olim patres etiam illas leges, quas ipsi condiderant, nonnisi difficillime relaxabant. Tum vero non canones modo & leges ecclesiasticae, sed & leges diuinæ ipsæ Paparum licentiae succumbebant. Etenim publica Doctorum doctrina extat, papam etiam contra ius diuinum posse dispensare. v. PROSP. FARINAC. tract. de inquis. qu. 6. n. 23. Nec minus pro regula traditur, ei, qui a pontifice maximo legibus solutus est diuinis, apud DEVM immortalem futuris cautum esse. c. non est X. de votis. BODINVS L. I. de Republ. c. 1. p. 153. Confer quæ apud FELICIANVM de OLIVA in tract. de foro eccles. p. 11. quaest. 36.

virum

verum summus pontifex possit in voto & iuramento dispensare? leguntur. Sic & BALDVS in l. rescripta n. 9. c. de precib. imperat. offerend. ANCHARANUS confil. 378. PETRVS ANTONIVS de PETRA de potest. princ. c. 27. n. 61. sq. statuunt, papam dispensare posse contra doctrinam cuiuslibet libri canonici & contra praecepta tabulae secundae. LAINEZIVS quoque, Iesuitarum Generalis, apud PETR. SVAVEM H. Conc. Trid. l. VIII. putat, per dispensationem papae liberari eum, qui coram DEO obligatus est. (x) Supposita autem hac doctrina, iam facile capitur, quanta ex ista non potuerit non consequi dispensationum licentia. Ita v. gr. historiae docent, quod EMANVEL, Rex Portugalliae, duas sorores successiue: Rex Angliae HENRICVS VIII. ARTVRI fratris defuncti coniugem: Rex Siciliae, FERDINANDVS, sororem patris sui IOANNAM duxerit in vxorem, dispensante papa contra ipsas quoque, quales pontificii alias in his casibus admittunt, prohibitiones diuinas. Et quid de dispensationibus dicamus, contra leges & canones humanos factis? Heic vero omnia plane repagula conuulsa, valuaeque effractae erant omnes.

§. XXVII. Ipse HENR. SPONDANVS ad a. 1473. memorat, quod SIXTVS IV. Arragoniae Regi, pro spurio suo sexenni Archiepiscopatum Caesar-Augustanum petenti, publica dispensationis Bulla annuerit. (y) HOTTINGERVS vero in hist. eccles.

G 2

P. VII.

Infinitus dispensatio-
num circa
leges huma-
nas nume-
rns.

(x) Succreuerunt hic belli flosculi ex insausto illo dogmate de absoluta atque illimitata pontificis Rom. potestate. Huius enim beneficio Papa quiduis & quouis elicit, nec est, qui contra hiscat. Imo vero iubente isto scelera in virtutes transeunt, & quae in aliis simonia est, in papa liberalitas vocatur. Hinc & IOH. DAMHOVDER in Praxi Rer. Crim. c. 61. n. 67. tam impudens est, vt scribat: Papa non dicitur committere simoniam, si confert beneficia vel dignitates accepta pecunia, quia Papatus est Apostolatus, & aut sanctum facit, aut sanctum recipit, & licitum est Papae AEQUARE QUADRATA ROTUNDIS.

(y) THOMASSINVS P. I. l. II. c. 70. §. 6. cum SPONDANO illud vocat primum specimen foedissimae dispensationis, quae dissipatio verius dicitur

P. VII. prolixus admodum est in recensendiis variis dispensationum, super aetatis defectu, natalium maculis, homicidiis, duellis, bellis &c. factarum exemplis. Scilicet nihil olim legibus tam solide conferruminatum fuerat, quod auro & argento non potuisset iterum perfacile dissolui. Inprimis vero ante & sub tempore Reformationis fortiter ingeminari poterat:

*Auri sacra fames, quid non mortalia cogis
Pecora?*

*De taxa
poenitentia-
ria.*

Irrefragabilis clarissimaeque probationis loco inferuire poterit famosus iste taxae poenitentariae libellus, de quo CLAVD. ESPENCAEVS epist. ad Tit. c. I. p. 67. *Prostat, inquit, & in quaestu pro meretrice sedet liber palam ac publice impressus & bodieque, ut olim venalis, taxa Camerae seu cancellariae Apostolicae inscriptus, in quo plus scelerum discas licet, quam NB. in omnibus omnium vitiorum summistis & summariis. Et plurimis quidem licentia, omnibus autem absolutio emturientibus proposita. Parco nominibus.* Nam quod ait, nescio quis,

Nomina sunt ipso poene timenda sono.

Lucem iste liber primum vidit Lutetiae Parisiorum, a nostris iam aliquoties in belgio recusus. Hunc vero si euolaus, constupeas oportet ad infrunitam curiae Romanae, quam illa dispensationibus exercuit, Simoniam. Haec etenim taxa tolerabili pretio venum exponit causas quascunque matrimoniales, Iudaeis crigendi Synagogas libertatem, licentiam suscipiendi ordines corpore vitiatis, male promotis, illegitimis, irregularibus, bigamis, bellatoribus, violentis, percussoribus &c. Eadem aere veniam addicit homicidis voluntariis, casualibus, necessariis, nec minus presbytericidis, laicidis, parricidis, vxoricidis &c. haereticis, Simoniacis, carnaliter lapsis, & tandem quibus non?

*Facies di-
spensatio-
num a tem-
pore refor-
mationis.*

§. XXVIII. Superfunt temporae, quae a reformatione LVTHERI ad hanc usque aetatem nostram pertinent, duonem-

catur legum canonumque, qua pontifices Regesque vno eodemque grauissimo salutis discrimine implicentur.

nempe secula, proxime elapsa, e quibus & ipsis quoque fata dispensationum in ecclesia enarranda restant. Studebimus vero hic breuitati, & tribus, quod aiunt, verbis nos expediemus.

§. XXIX. Ecclesia post reformationem in duas partes scissa est, in eam, quam hodie ROMANO-CATHOLICAM, & alteram, quam PROTESTANTIVM vocamus. Prima ergo quaestio Ecclesiam Romanensium tangit, atque de hac quaeritur, quaenam dispensationum facies in ipsa remanserit, atque etiamnum obtineat, post reformationem? Heic vero distinguamus necesse est doctrinam a praxi. Doctrina pontificiorum de dispensationibus hodierna in concilio Tridentino extat. Ibi enim *sess. XXV. c. XVIII.* circa dispensationis rationem modumque a pleno patrum consensu ita sancitum legimus: *Sicut publice expedit legi vinculum quandoque relaxare, ut plenius, euenientibus casibus & necessitatibus, pro communi utilitate satisfiat: Sic frequentius legem soluere, exemploque potius, quam certo personarum rerumque defectu petentibus indulgere, nil aliud est, quam unicuique ad leges transgrediendas adiutum aperire. Quapropter sciant vniuersi, sacratissimos canones ex parte ab omnibus, & quoad eius fieri poterit, indistincte observandos. Quod si vrgens iustaque ratio & maior quandoque utilitas postulerint, cum aliquibus dispensandum esse: id causa cognita ac summa maturitate atque NB. gratis a quibuscunque, ad quos dispensatio pertinebit, erit praestandum aliterque facta dispensatio surreptitia censeatur.* Fateor, egregia haec patrum Tridentinorum effata esse, nec a quoquam facile reprobanda. Et putares sane, longe aliam nunc Ecclesiae Romanae faciem obtinere, quam quidem illa superioribus seculis visa est. Adeo scilicet abusus dispensationum in hoc decreto rescissus videtur omnis. Agnouerunt sine dubio patres Tridentini, aut ecclesiae disciplinam ruituram prorsus omnem, aut abusu dispensandi, quo vehementer ista pessum dabatur, medelam afferendam esse. Itaque & decretum istud sanciuere. At vero plura in eodem promittuntur, quam in praxi hodie servantur. Prouocamus hunc in finem ad saepius citatam *praxin PYRRHI CORRADI dispensatoriam* vt

Et primo quidem in Ecclesia Romano-catholica.

Iudicium de concilio Tridentino.

An praxis hodierna eius decreto sit conformis.

& ad praxin eiusdem *Beneficiariam*. (z) Prouocamus ad *Datariam* & *Poenitentiariam*, curias Romae celeberrimas. Prouocamus ad Bullas inde quotidie euolantes. Exempla sunt odiosa, alias ingenti statim numero, etiam ex nouellis publicis, iisque recentissimis, afferenda. Illud vnice adhuc notamus, hodie quidem Episcopis Romano-Catholicis non omnem dispensandi facultatem ademtam esse, cum dentur casus, in quibus etiam inconsulto pontifice dispensare valent. Verum, ut taceam, saltem minoris momenti negotia Episcopis relicta esse, in eo certe ratio dispensandi hodierna a prisca illa longissime differt, quod quicquid iuris adhuc possident Episcopi, id omne folius pontificis Rom. indulgentiae & concessioni acceptum referri debere curia Romana censet. Deinde tot sibi casus papa reseruauit, ut nimium quantum limitata fuerit eorum facultas dispensandi, ut adeo praesentis seculi dispensationes vel nihil vel parum differant ab iis, quas §. XXIII. ex corruptissimorum temporum statu allatas cum primitiuis comparauimus.

*Secundo in
Ecclesia pro-
testantium,
cuius sanior
doctrina
paucis decla-
ratur.*

§ XXX. Quod denique (V.) *protestantium ecclesias* cernit, illae, uti in doctrina, ita & in disciplina magnam omnino mutationem subiere. Et quemadmodum in genere ius circa sacra inter Protestantes ad genuinos suos fontes reuocatum, longe aliam a priori formam induit, ita & ius dispensandi nova prorsus facie comparet. Nimirum ex saniori protestantium doctrina *ius dispensandi* vnice ad eum pertinet, ad quem etiam *ius maiestatis*. Cum enim ius circa sacra peculiare ius, a DEO Episcopis tributum, non sit, nec principes etiam alia, quam supremæ potestatis virtute summum in ecclesia Regimen administret, ius dispensandi non minus, quam omnia reliqua iura, ab aliis incongruo vocabulo *Episcopalia* dicta per ipsum tanquam principem vi summi, quod obrinet, imperi exercentur. Nec opus proinde est, cum in sacris dispensantem vel ut *Episcopum*, vel etiam ut *Papam* considerare. Quanquam enim iste *papalia* pariter atque *Episcopalia iura* in

(z) Prodiit haec ipsa volumine peculiari.

in territorio suo exercent, hæc ipsa tamen non vt *papa* aut *Episcopus* exercet, sed vt *summus imperans* ac *princeps*, quippe cui soli competit iura Maiestatis, quorsum & iura circa sacra pertinent, exercere. Atque hæc demum verior rectorque Protestantium doctrina est, multis quidem antehac difficultatibus obsepta, a Magnif. DN. PRAESIDE tamen in variis huc vsque editis tractatibus egregie euoluta atque roborata. vid. eius *im eccles. protest. L. I. tit. 31. & ius Parochiale sect. I. cap. 2. sqq.* Loquimur autem hætenus de imperantibus protestantium in genere, nulla imperii Romani peculiari habita consideratione, de huius quippe principibus statibusque speciatim aliquid sub initium *cap. II. Sect. II.* adiecturi.

§. XXXI. Soli igitur principes iique, quos ceu imperantes in republica venerantur, sublimi iure dispensandi gaudent. Exulat imperium hic omne sacrum. Exulat distinctio inter iura *politica* & *Episcopalia*. Exulat respectus duplicis. personæ principii affictæ. Contra asseruntur principis, quæ sunt principis: reuocantur ad sacratissimam eius maiestatem, quæ sunt maiestatis, iamque iure postliminii redeunt ad ipsam, quæ olim *papa* & *Episcopi* cum principum iniuria ad se traxere. Verbo: idem hodie iuris dispensandi in negotiis *ecclesiasticis* fons est, qui & in *civilibus*. Et quemadmodum potestatem ferendi leges & condendi statuta ecclesiastica inter summam principis regalia referimus: Ita etiam ius dispensandi siue in rebus *politicalibus*, siue in *ecclesiasticis* ex eodem fonte deriuamus. Nec est, quod dicas, ita vero disciplinam protestantium modernam mirum quantum a primitiua ista discedere ac differre. Vtut enim fateamur, esse aliquam inter utramque dissimilitudinem: *primo* tamen doctrina nostra Evangelio Christi, sacræ reuelationi, sanæque rationi conuenit. *Deinde* praxis ecclesiæ primitiue norma & mensura principum nostrorum vel ideo esse nequit, quia alia hodie ecclesiæ facies, alia, si statum externum spectes, forma & figura. Olim ecclesia ab infidelibus principibus opprimebatur: hodie a fidelibus gubernatur. Olim principes propterea ius suum circa sacra negligebant, quod & ipsa sacra cordi non habebant:

Hodie

Scilicet soli principes, iique, quos ceu imperantes venerantur, sublimi iure dispensandi gaudent.

Hodie principes cum cura religionis, vel maxime etiam iurium suorum curam susceperere. Denique etiam dubium non est, eundem olim iuris circa sacra habitum futurum fuisse, siquidem & idem Ecclesiæ antiquioris habitus fuisset.

SECTIO II. DE IVRE DISPENSANDI IN SPECIE.

CAP. I. DE IVRE DISPENSANDI IN NEGOTIIS CIVILIBVS SEV PROFANIS.

CONSPECTVS.

ORdo dicerdorum. §. 1.

Qui facultate dispensandi gaudent, in genere sunt quilibet imperantes. §. 2.

Speciatim in imperio Romano status, quin & nobiles immediati. §. cod. Caveant vero imperantes, ne dum iure suo viuantur, officii obliuiscantur. §. 3.

Dispensatio, quousque se extendat, an ne etiam ad leges diuinas atque naturales? §. 4.

Mensuratur facultas dispensandi ex facultate ferendi leges. §. 5.

Generalissima diuisio dispensationum,

ab obiectis petita, in ciuiles & sacras. §. 6.

Quantum ad ciuiles, dispensat princeps circa ius vel constitutum, vel violatum. §. 7.

Ius constitutum concernit vel statum hominum, vel bonae eorum & negotia. §. 8.

Ad statum si respiciamus, dispensat princeps a. natales restituendo. §. eodem.

Quid legitimatio, an ne etiam statibus imperii competat? §. 9.

Quinam legitimari possint. §. 10.

An reges principesque ipsi filios suos natu-

naturales legitimare possunt? §. 11.
 De effectu legitimacionis & maxime
 de eiusmodi legitimatorum iure
 successione infenda. §. 12.
 Quaestiones intricatae ex iure feudali.
 §. eodem.
 De legitimacione spuriorum illustrium,
 an a papa peti debeant? §. 13.
 Dispensat princeps β. aetatis veniam
 concedendo. §. 14.
 γ. Tutelam matri ad vota secunda
 transeunti permittendo. §. 15.
 δ. Adoptionem inutilem confirmando.
 §. 16.
 ε. Inhabilem scienter ad officia publi-
 ca admittendo. §. 17.
 ζ. Iudaeos recipiendo. §. 18.
 Negotia sunt vel extraiudicialia, vel
 iudicialia. Illa vel inter vivos, vel
 mortis causa. §. 19.
 Quid princeps possit circa contractum
 nulliter celebratum? §. eodem.

Quid circa testamenti factionem? §. 20.
 Pergitur ad negotia iudicialia, quor-
 sum pertinent (1.) actiones, ubi de
 literis respiracionis. §. 21.
 (2.) Iudicia & processus. §. 22.
 Circa hos versatur princeps eos α. im-
 mutando, ordinarium scilicet in
 summarium. §. eodem.
 An liceat principibus & statibus impe-
 rij processus ordinarios abrogare?
 §. 23.
 β. Eisdem plene abolendo. §. 24.
 Ad negotia iudicialia pertinet etiam
 materia de iuramentis. Quid prin-
 cipi liceat circa horum formulas
 praescriptas? §. 25.
 Quid liceat principi circa ius viola-
 tum, seu in poenis delictorum. §. 26.
 In specie in poena homicidii. §. 27.
 Cautela principi commendata. §. 28.
 Decorrupctela dispensationum hodie-
 na, etiam in foro seculari. §. 29.

§. I.

HActenus genuinum dispensationis conceptum evol-
 vimus, simulque fata dispensationum ex utroque iu-
 re, in primis canonico & ecclesiastico, ad haec vsque
 tempora nostra historice exposuimus. Iam ordo postulat, ut pro
 instituti ratione etiam obiecta & casus dispensationum enarremus.
 Ne vero nimium excresecat disputatio, a generaliiori con-
 sideratione non nisi ad selectiora quaedam specialia descende-
 mus. pauculis nonnullis tum de subiecto dispensante, tum & de
 modo mensuraque dispensandi praemissis, mox ad ipsam di-
 pensationum diuisionem, specialioremq; earum contempla-
 tionem progressuri.

Ordo dicen-
 dorum.

H

§. II.

Qui facultate dispensandi gaudent, in genere sunt quilibet imperantes.

Speciatim in imperio Romano status, quin & nobiles immediati.

Caveant vero imperantes, ne dum iure suo utuntur, officii obliuiscantur.

§. II. Cui in genere facultas dispensandi competat, iam ex modo dictis praesertim *sect. I cap. II. §. 30.* abunde constar. Nimirum principes, iique, quos in republica ceu *imperantes* colimus, hoc sublimi iure fulgent. Speciatim vero quod ad imperium Romanum attinet, olim quidem notante SCHROETERO *d. dissert. de dispensat. sect. IV.* IMPERATORVM proprium fuit, dispensare. *leg. 4. p. §. 11. leg. 2. 27. princ. ff. de poen. l. 12. & t. s. ff. de sent. pass. l. 2. C. de prec. imp. off. l. 3. C. de episc. aud.* Hodie tamen, mutata prorsus imperii Romani forma, etiam STATUS IMPERII potestate dispensandi, tanquam nobili superioritatis territorialis parte, gaudent. Nec est, qui illam ipsis in dubium vocare audeat, praesertim cum iuratis caesarum capitulationibus eiusdem confirmationem obtinuerint. Quin nec nobiles immediati, quibus & ipsis superioritas territorialis a viris praestantissimis v. gr. SCHVZIO, REINKINGIO, BIDENBACHIO, BYRGOLDENSI, DELENDERSHEIM, FRITSCHIO, LIMNAEO, FROMMANNO, HERTIO, LYNCKERO, MAVRITIO, COMCEO, TEXTORE, TITIO, aliisque adjudicari solet, ab hoc iure excludi possunt. Quique ergo sublimem iurisdictionem possident, siue de in principes imperii sint, siue magistratus imperialium ciuitatum, de quibus nominatim CARRZOV. *prax. crimin. p. III. qu. 150. n. 19.* & KNIPPSCHILD in suo *tract. de iur. & priuileg. ciuit. imperial. l. 2. c. 27. n. 1.* siue nobiles immediati, ii omnes sublimi quoque dispensandi iure in suis, *territoriis, ciuitatibus, & pagis* gaudent.

§. III. Id tantummodo cauendum, ne status, qua polent, potestate temere abutantur. Vti enim in omnibus rebus & negotiis, ni modum teneas, facile excessus fiunt: ita & hic, cum circa leges poenae dispensatur, modus omnino adhibendus, ne dum legis duritiem dispensatione mitigamus, ipsam legem nimia forte indulgentia in ludibrium vertamus. Scilicet hic *officium principis* cum ipsius *iure* oportet combinare; atque uti iuris exercitium iustitiae limites nunquam transilire, ita etiam officium eius secundum regulas prudentiae perpetuo administrari debet. Sine dubio autem nec iuste, nec prudenter acturus esset princeps, qui nulla urgente necessi-

cessitate, nullaque provocante publica utilitate, (a) legem pro lubitu auderet relaxare. *Nam qui vni indulget indigno, plurimos facit ad prolapsionis contagium prouocari.* Facilitas enim veniae incentiuum tribuit delinquendi. AMBROSIVS in decreto Gratiani c. 33. c. XXIII. qu. 4. Inprimis autem circa poenarum remissiones valde prospiciendum est, ne ex istarum frequentia vilescant leges. Magna enim peccandi illecebra est spes immunitatis, & veterem ferendo iniuriam princeps facile novam provocat. Neque etiam secundum desperare solet effugium, qui laqueum prioris criminis euasit.

§. IV. Ille vero nimis plane, neque ulla ratione excusabilis iuris dispensandi abusus foret, si quis imperantium etiam in leges & præcepta Dei inuolare, earumque dispensationem sibi temere arrogare vellet. Magnum sane hoc religionis contemptum proderet in principe, nec minorem in æstimandis potentiae suae viribus infectiam. Probe itaque tenendum, leges diuinas atque naturales, strictè ac proprie sic dictas, (b) omnem prorsus

*Dispensatio
quomque se
exendat, an-
ne etiam ad
leges diuinas,
praesertim
naturales?*

H 2

respue-

(a) Quaestio hic institui posset, num princeps iustas semper dispensandi causas habere debeat? Ita quidem communiter statui ac sentiri solet, v. H. GROTIUS d. I. B. & P. L. II. c. XX. §. 24. n. 3. cuius sententia causae probabiles ad omnem dispensationem requiruntur. In alia tamen sententia versari videtur B. ZIEGLERVS, quando in de I. M. L. I. c. 7. §. 3. diserte asserit, *posse principem etiam sine causa quandoque dispensare.* Sed distinguendum hic putamus inter causas gratiae, & causas iustitiae. Has utique abesse posse, nemo negauerit, & de his videtur loqui etiam ZIEGLERVS l. c. Illas autem semper requiri & praesupponi arbitramur. Nisi enim probabili quadam causa principis gratia nitatur, is dissipare potius, quam dispensare dicendus est. Deinde & negotia, in quibus dispensatio fit, probe distinguenda veniunt. Prout enim maioris momenti atque ponderis negotium aut delictum est, eo grauiores quoque ad relaxationem legis impetrandam causae, adesse debent. In iis vero, quae vel nullius, vel leuissimi saltem momenti sunt, poterit utique princeps eo securius dispensare.

(b) Ostendit tamen DN. THOMASSIVS, quo sensu admitti possit, quod princeps

respuere dispensationem, adeo, ut ingens piaculum committat, & anti-Christi similis euadat, quisquis in legibus diuinis, iis maxime, quas naturae appellamus, dispensare auit.

*Mensuratur
facultas di-
spensandi ex
facultate fe-
rendi leges.*

§. V. Itaque facultati dispensandi iusta mensura statuen-
da: iusta illi assignanda norma, iustique limites figendi sunt
Vin^o, ut omnia dicamus paucis? Potestas ferendi leges est et-
iam mensura potestatis dispensandi. (c) Quousque igitur illa
se extendit, eo etiam haec porrigitur; ubi vero illa desinit, ibi
ne haec operosa erit. Videlicet facultas dispensandi est se-
quela potestatis legislatoriae, ideoque frustra potentiae suae limi-
tes transgreditur in legibus dispensandis, qui eos agnoscere co-
gitur in legibus ferendis. Interca, ut ex vna parte limites ter-
minosque dispensationum aduertere necesse est: ita e contra-
rio ex altera etiam earum amplitudinem obseruare licet, idque
ex eodem rursus fundamento, siquidem potestas dispensandi
cum potestate legislatoria, ut dixi, commensuratur:

*Generalissi-
ma diuiso
dispensatio-
num, ab obie-
ctis petita, in
civiles & sa-
cras.*

§. VI. Luculentius manifestiusque hoc patebit, si ad
ipsam dispensationum diuisionem propioremque earum
considerationem accedamus. Varias autem dispensationum
diuisiones prostant, aliis hanc, aliis aliam considerandi viam
ingredientibus. Nobis illa quam maxime arrisit, qua intuitu
obiectorum generalissime sumtorum dispensationes ita dispe-
scuntur, ut aliae ciuiles siue seculares, aliae sacrae seu ecclesiasti-
cae dicantur. Vti enim potestas legislatoria in genere spe-
ciata vel circa ipsam ciuitatem resque eo pertinentes, vel in ci-
uitate

ceps circa ius naturae dispensare valeat. Distinguit enim inter regu-
las iusti & regulas decori & de his a principe dispensari posse, docet in
dissert. de statu imperii potestate legislat. contra ius commune §.
XXX. sqq.

(c) Elegantissime ZIEGLERVS l. c. Vt, inquit, unico verbo definiam, quid
principi in dispensando liceat, sciendum est, aequale hanc potestatem pa-
tere cum potestate legislatoria. In quibus enim ergo deficit vobis ratio,
in illis deficit etiam & locum non habet dispensatio, ob solidam sc. ratio-
nem, quia dispensatio partem constituit potestatis legislatoriae.

vitare circa ecclesiam atque res huic peculiariter dicatas occupata est: ita & potestas dispensandi satis commode distinguipotest, ceu alia in negotiis *ciuilibus*, & alia in negotiis *ecclesiasticis*.

§. VII. Quantum igitur ad causas & negotia *ciuilia*, quibus breuiter perlustrandis praesens caput est dicatum, spectat; Princeps dispensare potest circa ius vel *CONSTITVTVM*, vel *VIOLATVM*, seu quod eodem redit, ius dispensandi sese exerit vel in *ACTIBVS LICITIS*, vel in *DELICTIS*. Vtrovis modo consideratum illud iterum in plusculos sese diffundit ramos. De singulis vero dispensationum speciebus hic tractare, nec temporis, cuius angustia nos urget, nec praesentis instituti ratio permittit. Itaque nobiliores saltim attingendae & cum nec has prolixius diducere institutum ferat, quantum ad rem sufficere videbitur, de singulis aliquid decerpendum erit.

§. VIII. *IVS CONSTITVTVM*, in cuius sinu omnes *actus liciti* continentur, iterum concernit vel *STATVM* hominum, vel *bonaeorum* & *NEGOTIA*. Ad *statum* si respiciamus, dispensat Princeps *I. NATALES RESTITVENDO*. Peculiari nomine haec dispensationis species *LEGITIMATIO* vocari solet. Vti vero iure *civ. Romano* tres legitimandi modi occurrunt, vnus per oblationem *ciriae* §. *ult. instit. de nupt. l. 3. C. de nat. lib.* alter per matrimonium subsequens *d. §. ult. l. 9. t. 10. C. eodem.* tertius per rescriptum principis *nov. 74. c. 2. & nov. 89. c. 9.* ita & facile patet, de vltimo tantum modo nobis hic sermonem esse, Circa hunc ipsum vero, cum multa in disceptationem venire soleant, nos sententiam nostram ita effcremus.

§. IX. In se spectata *legitimatio* est regale imperanti, qualis, competens & proinde etiam in quavis republica a quouis imperante secunde exercendum, id quod etiam de omnibus securis dispensationum speciebus probe tenendum est. Sed quaeritur *I. de imperio Romano, an & STATIBVS IMPERII legitimandi potestas vindicari possit?* siquidem illam inter reseruata caesaris, a quo vtpurimum per comites palatinos exercetur, vulgo numerari, constat. Nos cum *B. TITIO in I. P. Rom. germ.*

Quantum ad ciuiles, dispensat princeps circa ius vel constitutum, vel violatum.

Ius constitutum concernit vel statum hominum, vel bonaeorum, & negotia.

Ad statum si respiciamus, dispensat princeps a. nates restituendo.

Quid legitimatio? an etiam statibus imperii competat?

L. VI. c. XIII. §. 4. hanc potestatem etiam statibus Imperii, in primis maioribus, sine ulla haesitatione tribuimus, ea tamen appositâ cautela, quod eiusmodi legitimatio a statu impertrata, ultra territorium legitimantis haud valeat. Et sane absurdum foret iis legitimandi potestatem abiudicare, quibus leges ferendi facultatem oppido vindicant omnes iuris publici doctores. vid. B. IO. SAM. STRYCKIUS in *dissert. de legitimat. liberorum nat. reg. & princip. c. IV. p. 83.* Consultius tamen fieri concedimus, si in securitatem legitimatorum, etiam extra patriam pro talibus agnoscendorum, legitimatiōni principum C/ESAREA quoque adiungatur, aut haec saltem, si fieri possit, præ illa impleretur. conf. TITIVS *l. cit. vt & celeberrimus DN. SCHWEDERVS introduç. in I. Publ. P. spec. c. XVI. §. 8.*

Quinam legitimari possunt?

§. X. Quæritur II. quousque haec legitimandi potestas intuitu illorum, quibus natales restituendi se extendat? Iure Romano legitimantur tantum liberi naturales i. e. ex concubina suscepti. §. 2. *Inst. de hered. que ab intest.* sed hodie omnes illegitime nati, etiam adulterini & incestuosi, quod frustra ex rationibus civilibus a nonnullis impugnari ostendit laudatus TITIVS in *observat. Lauterbach. observ. 28. (d)* Subest etiam manifesta aequitas, nam liberi, ex turpissima licet coniunctione oriundi, nihil peccarunt, atque hinc fortuna eorum magis miseranda, quam miseriori reddenda, ne melioris conditionis desperatio ad paternorum scelerum imitamen fiat irritatio: conf. *c. 13. X. qui filii*

- (d) Inter dissentientes eminet STRAVCHIVS *exercit. IV. §. 3. ubi is opponit* (1) omnem elementiam liberis illis negari *74. c. vlt.* (2) legitimatiōnem ex fictione matrimonii procedere, cum adultera autem matrimonium fingi non posse. Iure divino polygamiam prohibente. Verum illa saltim ostendunt, in quantum & quo modo imperantibus Romanis imperium heic exercere placuerit, aliorum vero imperantium imperio ac libertati obicem nec ponunt, nec ponere possunt. Quod autem de fictione assertur, illud profus fictitium est, siquidem omnis illa fictionum Romanarum, quae iactari solet, praestantia futile & inane: figmentum est iudicio B. TITII I. P. Rom. Germ. L. I. c. LX. *de fictionibus legum.*

filii sunt legit. vbi ostenditur, cum quibudam minus legitime genitis, non naturalibus tantum, sed adulterinis etiam, fuisse dispensatum.

§. XI. Quaeritur III. *an reges & principes ipsi filios suos naturales legitimare possint?* Et de iis quidem principibus, qui extra imperium Romanum viuunt, vt & de CAESARE ipso, superiorem se neminem agnoscente, res plana est atque expedita. Ita enim a *regibus exoticis*, Galliae, Hispaniae, Portugalliae, Angliae, Scotiae, Daniae, Norwegiae, Sueciae & ab imperatoribus haud paucis, filios naturales, spurios vel Bastardos alias vocatos, publice legitimatos, eosque non ad summa modo honorum fastigia, sed & ad ipsius successionis culmen per saepe admissos esse, infinitae fere historiae clamant. v. STRYCKIUS *differt. cit. III.* At de statibus & principibus imperii Romani videtur quaestio esse paulo implicatio. Sunt tamen, inter quos STRYCKIUS TITIVSQUE II *cit.* eminent, qui hanc legitimandi facultatem statibus haud abiudicandam censent, interim satius esse, rati, si principes ad praecauendas lites atque disputationes, num eiusmodi legitimati etiam extra territoria parentum pro talibus habendi sint? liberos suos naturales IMPERATORI legitimandos offerant. conf. SCHWEDER I. *cit. c. XVI. §. 9.*

§. XII. Restat IV. vltima eaque nobilissima quaestio de effectu legitimatōis & maxime de eiusmodi legitimatorum iure succedendi etiam in feuda. Vexatum enim praeclarumque inter iuris Feudalis interpretes argumentum est, quo inquiritur, num liberi naturales, natalibus restituti, per hanc ipsam legitimatōem etiam capaces fiant successionum in feudis? Regulariter quidem naturales atque spurios omnesque illegitimos liberos tam communia feudorum placita in II. Feud. 25. §. *naturales*, quam sanctio Carolina in A. B. c. 7. §. 2. ibi: *Der ein recht Ehe-Kind ist, & mores patrii ab imperialium feudorum successione excludunt*; difficilior autem impeditiorque quaestio euadit, cum de eo, quod extra ordinem sit, fierique potest, disceptatur. Tangit autem quaestio feuda imperii (1) *maiora* (2) *minora*. Et circa haec quidem communis doctrina est, etiam ab eorum successione naturales regulariter arceri, nisi tamen nominatim & specificè in instrumento legitimatōis

An reges principesque ipsi filios suos naturales legitime possint?

De effectu legitimatōis & maxime de eiusmodi legitimatorum iure succedendi, etiam in feuda.

Tangit quaestio cum feuda imperii minora.

ab

*Tum in pri-
mis etiam
maiora,*

*Quaestiones
intricatae ex
iure feudali,*

ab ipso feudi domino, aut certe eo & agnatis consentientibus a Principe ad feudum legitimentur, vid. LAVTERBACH. *coll. pand. L. I. tit. VI. §. 31.* & SCHWEDER *l. cit.* id quod ipsum etiam de feudis *merg. haereditariis* in vniuersum admittendum. Imo in hac a filiis naturalibus, etiam non legitimatis, succedi posse, non abs ratione iudicat STRYCKIUS *differt. cit. c. III. §. 127.* Potissimae difficultates circa feuda imperii *maiora* v. gr. Ducatus & Comitatus titulos emergunt. Et quantum ad eos attinet, qui per subsequens matrimonium legitimantur, hos non obstante *II. Feud. 26. & cit.* ex more & obseruantia imperii etiam in feudis regalibus atque titulatis, siue sint soli, siue cum aliis filiis concurrant, tuto succedere, confidenter asserit, MYLERS ab EHRENBACH *ingamolog. c. 24. §. 3.* & cum eo plures alii ab ITERO *de feudis imp. c. XIV. §. 2.* recensiti. Videas tamen, qui contradicant apud ITERVM ibidem. Vt iam controuersiam intricatam, an per subsequens matrimonium legitimated aliis legitime natis, sed aetate sequioribus, praeferrri queant, taceamus. Ecquid vero de illis, qui *per Principis RESCRIPTVM* natalium restitutionem obtinent, erit pronunciandum? Sunt, qui nec expressa CAESARIS legitimatione illos successionis in feudis maioribus capaces reddi posse asseuerant. Sunc vero etiam, qui licet concedant, qualicumque CAESARIS, etiam NB. *ad REGALEM DIGNITATEM*, (e) legitimatione, ius succedendi in feuda illustria non conferri, eum tamen casum, quo de expressa CAESARIS, non *ad regalem modo dignitatem*, sed *ad ipsam quoque in feudis illustribus successionem* legitimantis, voluntate constat, exceptum volunt. Et huc pertinet ITERVS *l. c. §. 7.* Nec sane rationes ab ipso allatae de nihilo videntur. Quanquam enim ita aliquid in praeiudicium agnatorum fieri, eorum-

- (e) Praesumitur enim CAESAR nihil facile praeter consuetum ordinem & hactenus obseruatam consuetudinem moliri. Iam cum principis comitisue dignatione censeripot, qui tamen principatu destituatur, nec in eodem ad successionem admittatur, non opus est, vt qualitercunque ad regalem dignitatem legitimatis etiam successio in feuda regalia adiudicetur.

eorumque ius quaesitum laedi dicas, vera tamen laesio non est, vbi saltem in praeiudicium iuris minus pleni atque imperfecti quid statuitur, cum regula illa, quod nihil contra ius quaesitum tertii agendum sit, saltem ius subditorum plenum & perfectum, quale in agnatis non occurrit, (f) respiciat. Denique si expressa CAESARIS ad successionem legitimatio id non valet, quod per eam agnatis praeiudicium adcrefcit, ex eadem ratione nec iis quoque liberis, qui per subsequens matrimonium legitimantur, successio deferenda foret. Sane etiam, vt loquitur ITTERVS l. c. matrimonium absolute & in se spectatum nec liberos hactenus naturales legitimare, nec feudatariam successionem iis tribuere, nec quemcunque alium civilem effectum producere potest, sed potius, quicquid agit, quicquid hic operatur, virtuti legis civilis, & qui hanc sanciuit, summo principi imputandum est. Quod si ergo lex per *subf. matrimonium legitimatos* ad omnem successionis feudalis effectum idoneos reddere potest agnatis frustra reclamantibus, sibi praeiudicium fieri; cur non idem etiam princeps, lex viua, & consuetudinis *rescripto suo speciali*, quod & ipsum vim legis obtinet, mandare possit?

§. XIII. Longiores haec in ius feudale digressio moras traxit. Vnicam adhuc ex innumeris aliis quaestionem circa *summi pontificis in legitimando potestatem* attingemus. Certe, si vlla dispensationis species, haec prae aliis abusibus papalibus valde contaminata fuit. Nihil iam dicemus de vniuersali illa, quam pontifex praetendit, canonistae ipsi vendicant, circa

*De legitimatio-
ne spurio-
rum illustri-
um, an a pa-
pa peti de-
beat?*

I

spiri-

(f) Scilicet horum ius multis adhuc casibus fortuitis obnoxium, adeoque imperfectum est. Quid si enim forte liberos ex legitimo matrimonio nasci contingat? Tum certe agnatis omnis ad successionem feudalem aditus absque omni controuersia adhuc praeccluderetur. Imo nec liberorum legitimorum ius quaesitum adeo plenum & perfectum est, quin princeps ex plenitudine potestatis, etiam in ipsorum praeiudicium, modo pater in libello supplicis horum mentionem faciat (alias dispensatio subrepticia censetur) naturales legitimare possit, ita sentiente R. ZIEGLERO in d. I. M. L. l. c. X. §. 6.

spiritualia v. gr. beneficiorum & ordinum capacitatem, dispensandi adeoque & legitimandi, facultate, quod quidem commentum, ex episcopatu oecumenico & dominatu Hildebrandino ortum, a nostris dudum proscriptum fuit atque conculcatum. Etiam illud quaeri coepit, an legitimatio spuriorum, praesertim illustrium, a papa peti debeat? Sed quam inique papa in iura temporalia, speciatim feudalialia, sub quocunque praetextu involet, egregie exposuerunt tam PETRVS DE MARCA in *concord. S. & I. l. II. c. 3.* quam STEPH. BALVZIVS in notis inibi subiunctis. Notabilis eorum commentatio est, tum ad factum INNOCENTII III. filios naturales PHILIPPI AVGVSTI Francorum Regis, ipso ita petente, legitimantis, tum ad eiusdem INNOCENTII constitutionem, responsionis loco Wilhelmo comiti Montispeffulani, simile quida papa flagitanti, datam. Exinde enim perspicitur, etiam ipsum INNOCENTIVM ingenue falsum fuisse, sed apostolicae nullam prorsus inuitis principibus circa temporalia competere iurisdictionem. Et certe incretur distinctio INNOCENTII inter epistolas decretales in *c. per venerabilem 13. X. qui filii sunt legit.* relata, integra euolui. Caeterum agnoscimus, pontificem vi Maiestatis, quam iure an iniuria? hic non disputamus, in multis Italiae ditionibus hodie obtinet, valide utique etiam circa temporalia dispensare & per consequens legitimare posse, ita tamen, ut extra provincias ipsi subiectas haec potestas non protendatur. Tandem & id notandum, eundem pontificem Romanum, dum spurios per saepe episcopatum capaces dispensando reddit, hoc pacto simul indirecte, & quasi per consequentiam hodiernum etiam circa feuda imperii maiora dispensare, eo nempe in casu, quo spurii a papa legitimati ad episcopatus, (g) quibus regalis dignitas annexa est, evahuntur. V. DESSEL in *erotem. I. canon. lib. IV. tit. 16. n. 5.*

§. XIV.

- (g) Eiusmodi vero casus non adeo insolentes esse, ex historia communistrat etiam post funera colendus STAVCKIVS in *d. dissert. de iure liberor. natur. Reg. & princip.* Ut ex multis, quae ibi adducuntur, exemplis, vel

§ XIV. Dispensat princeps II. AETATIS VENIAM CONCEDENDO. Noua hæc, nec ignobilis dispensationis species est, quæ in ætatis venia versatur. Per hanc enim princeps *minori* tribuit ius legitimæ ætatis, vt ipsemet rebus suis præesse & absque curatore bona sua administrare possit Et sic, quod lege communi negabatur, minor ex gratia principis consequitur. In imperio Romano CÆSAR hoc ius, præsertim quoad concessionem veniæ, quæ fit principibus & comitibus ad capeßendum ducatum & comitatum suorum regimen, sibi soli asserit, & hætenus quoque, notante SCHWEDERO, sine controuersia solus exercuit. Aliis autem inferioribus subiectis quin electores cæterique imperii principes & status, imo & nobiles immediati, veniam ætatis vi superioritatis territorialis largiri queant, eo cum effectu, vt intra territoriorum fines pro maioribus agnoscantur, non dubitare finit quotidiana praxis v. SCHWEDERVS *l. cit.* Nec dubium quoque remanet, quin iidem principes ex plenitudine potestatis territorialis eiusmodi veniam etiam iis indulgere queant, qui vigesimum ætatis annum, si mares, & decimum octauum, si foeminæ sint, nondum egressæ sunt; contra quam statutum est in *l. 2. in princ. & §. 1. c. de his, qui ven.* Hodie in permultis locis etiam magistratus veniam ætatis indulgere solent. Verum fit illud non ex iurisdictione ordinaria, sed ex delegatione speciali. v. ZIEGLER. *alleg. c. XI. §. 2.* & LANTERBACH. *coll. pand. I. IV. tit. 4. §. 6. 7.*

§ XV. Dispensat princeps III. TUTELAM MATRI AD VOTA SECUNDA TRANSEVNTI PERMITTENDO. In matre tutelam liberorum susceptura requiritur habilitas *nov. 118. c. 5.* Inprimis vero illi secundæ nuptiæ obstant per *novell. 94. c. 2.* sed hoc legis obstaculum, vt cuncta

Dispensat princeps 3. ætatis veniam concedendo.

y. Tutelam matri ad vota secunda transeunti permittendo.

I 2

alia,

vel vnicum tangamus, constat, Matthæum LANGIUM, Welleburgium, Maximiliani I. ex LANGA, Patritia Augustana, filium naturalem, Archiepiscopi mitra Salisburgi ornatum fuisse. Quin nec sacrum purpuratorum Collegium, tandemque etiam ipse summus pontificum Romanorum ordo, a spuris, identidem ad purpuram quin & ad ipsum solium papale euectis, plane immunis fuit, ceu exemplo Clementis VII. pluriumque Cardinalium idem comprobatur ibidem.

alia, quales v. gr. *ne in iudiciis sine curatore agat*, dispensatione principis remoueri possent, quis dubitabit? modo citra sub- & obreptionem fuerit obtenta h. e. cum debita causae cognitione.

d. *Adoptionem iniuriam confirmando.*

§. XVI. Dispensat IV. ADOPTIONEM INVTILEM CONFIRMANDO. Ita foeminae lege ciuili adoptare prohibentur *l. 5. C. de adopt. l. 30. §. 3. de inofficiis test.* Ex indulgentia tamen principis iis fuit dispensatum. *§. 10. instit. de adopt. nouell. leon. 27.* Pariter castratis ab adoptione interdictum. Sed dispensationis gratia offertur *nouell. leon. 26.* Prostant & aliae multae iuris solennitates circa adoptionem & arrogationem obseruandae, circa quas itidem a principibus non modo in genere, sed & in specie a statibus imperii dispensari posse, agnoscit HOPPIVS *comment. ad Instit. tit. de adopt. p. 107.* Atque inde etiam, eodem HOPPIO referente, amplissima facultas Francofurt. respondit *d. 22. April. 1674.* adoptionem minus legitime factam posse utique a principe confirmari, & filiae adoptatae successionem assignari. Alia praepudicia habentur apud RICHTERVM *de success. ab intestat. sect. I. memb. 3. n. 16.* conf. B. STRYCKIUS *in usu moderno h. tit. §. 4. & seqq.* Sic etiam ius confirmandi arrogationes, non rite factas, inter regalia referri videas a CONR. AB EINSIDEL *in dereg. cap. II. n. 71.*

a. *Inhabilem scienter ad officia publica admittendo.*

§ XVII. Dispensat V. INHABILEM SCIENTER AD OFFICIA PVBLICA ADMITTENDO. Inhabilis autem dicitur, qui v. gr. leuis notae macula laborat. Haec enim producit inhabilitatem consequendi dignitates, aliaque iura praestantiora, ex fordido vitae genere, vel infelici natiuitate prouenientem, definiente TITIO *l. priu. R. Germ. l. III. c. 3. §. 24.* Macula illa laborant spurii *c. 13. X. qui filii sint legit.* carnifices, excoriatores & quibusdam in locis lictores, LAVTERBACH. *l. cit. l. III. tit. 2. §. 32.* Iam si ex eiusmodi maculatis princeps scienter quosdam publico muneri admoueat, hoc ipso eius maculam absterxisse, & circa legem a dignitatibus istos excludentem dispensasse credendus est. Inprimis quod ad spurios attinet, tacita hic subesse legitimatio censetur. Hinc & B. STRYCKIUS *in usu mod. pand. l. 1. tit. 6. §. 19.* Quod si vero, inquit, spurius constitue-

stitueretur a principe sciente, tacite ipsum legitimatum esse dicerem. Cum enim non nisi honestis natalibus editi in senatorum sortem admittantur, princeps sine dubio volendo consequens, antecedens quoque, scil. legitimatorem voluisse censendus est, praesertim cum hoc sit in eius potestate. Idem & forte plus de infamia siue iuris, siue facti dicendum est. Hanc enim longe maximam ad consequendas dignitates inhabilitatem operari, in vulgus constat. Quod si ergo nihilominus contingat, vt homo infamis principis indulgentia officio praestantiori praeficiatur, per hoc ipsum illi fama restituta credenda est. Solet autem *famae restitutio* & ipsa quoque inter excellentiores dispensationum species referri. In imperio Rom. inter reseruata CAESARIS illa vulgo numeratur, sed quod statibus etiam in territoriis suis competat, affirmare non dubitant RHETIVS *L. I. P. lib. III. tit. 9. §. 1. 5.* & TITIVS *specim. I. publ. L. III. c. 5. §. 38.* CONF. DN. SCHWEDER. *loc. cit. c. XVI.* qui & ipse *famae restitutionem* tacite fieri agnoscit, si IMPERATOR vel princeps reum infamia laborantem, huius defectus NB. conficius, ad dignitates & officia, ad quae nemo nisi illibatae *famae* alias admittitur, promoueat, vel ab officio non remoueat.

§. XVIII. Dispensat VI. IVDÆOS RECIPIENDO.

¶ *Iudaeos recipiendo.*

Vti enim hi ex mera gratia & misericordia inter Christianos tolerantur, ita inde factum est, vt ius recipiendi Iudaeos Regalibus adscriberetur tanquam actus gratiae & dispensationis, (b) cum alias iure ordinario essent expellendi. vid. *Magnif.*

I 3

DN.

(b) Fateor, si iuxta *Secl. I. c. I. §. 10. sqq.* & c. hic agere, & dispensationis a privilegio differentiam probe seruare velim, receptionem Iudaeorum potius inter *privilegia*, quam *dispensationes* strictae dictas, pertinere, siquidem talis eorum receptio intelligatur, quae etiam ad *perpetuam* habitationem & domicilii iura se extendat. Interim alio tamen sensu, quo saltem concessionem v. gr. transitus per Territorium, ingressus in urbem, pernoctationis, & similium actuum, qui tamen ipsi quoque variis in locis lege Iudaeis interdicti sunt, sub se comprehendit, inter *strictas* dispensationis species numerari poterit. Deinde *aliae* etiam

DN. PRÆSES in *dissert. de cauta Iudeorum tolerantia* §. 10. Olim quidem & hoc ius CÆSARES in imperio Rom. sibi solis vindicabant; Fuit tamen istud iam in A. B. C. 9. Electoribus communicatum, tandemque etiam in reliquos status (i) derivatum, unde in *Reform. polit. de a. 1548*. *Sehen ordnen und wollen wir, daß sürohin niemand Juden aufzunehmen oder zuhalten gestattet werden solle, dann denjenigen, die von uns und dem heiligen Reich Regalia haben, oder NB. insonderheit derhalben privilegiert sind. Ex quo singulari privilegio nobiles imperio immediate subiectos receptionis iure gaudere non immerito opinatur DN. LOCHNERUS in dissert. sub præsidio illustr. DN. WILDOGELII de Iudeorum receptione ac tolerantia lenæ a. 1700. habita. Quamquam ad eiusmodi privilegia ut anxie confugiat, necesse non sit, cum ius recipiendi Iudæos tutius ex superioritate territoriali, quam & nobilitati immediate a quam plurimis tribui solere, supra iam innuimus, deducatur, ita censente VITRIARIO I. I. P. III. tit. 17. §. 81. sqq. Cæterum quod diximus de Iudæis, id quo sensu modoque etiam ad hæreticos quosunque*

etiam circa Iudæos dispensationes occurrunt v. gr. cum iis indulgetur, ut nomen Albo Academico inscribere, musis in Facultate medica operari, ad insignia doctoratus tandem adspirare, vel & ex singularissima principis concessione, gladio, honoris signo, uti queant, qualia dispensationum exempla, utut rariora, hic tamen obuenire nouimus.

- (i) Nonnulli tamen statuum adeo religiosi sunt, ut hoc iure nunquam uti voluerint. Inprimis celebrari solet memorabile effatum pientissimi WVRTEMBERGIÆ Ducis, CHRISTOPHORI, ad aulicum dicentis: Wenn diese verfluchte Leute mir wolten Geld voll aufgeben, wolte ich sie doch zu meinem Fürstenthum, weil sie an meinem Bruder und Erlöser Jesu Christo treulos worden, und öffentliche Zauberer sind, nicht leiden. V. LOCHNER. *dissert. cit. & LVD. GILHAVSEN in arbore iudiciar. P. I. c. 1. n. 70. Quin a. 1573. Norimberga a Maximiliano II. contra receptionem Iudæorum privilegium obtinuit, non obscuro, quod auguror, indicio, olim imperatores, hoc Regale suum strenue exercentes, nonnunquam eiusmodi receptionem etiam inuicis statibus, præsertim minoribus, obtrulisse.*

que, quibus per leges imperii publicas de tolerantia haud prospectum est, applicari debet.

§. XIX. A STATV hominum properamus ad BONA ET NEGOTIA EORVMDEM. Vti enim etiam circa hæc ius constitutum versatur, ita & dispensandi ratio in iisdem locum invenit. Sunt autem negotia hominum vel EXTRA-IUDICIALIA, vel IUDICIALIA. Illa vel inter viuos, vel mortis causa celebranda. Sic de negotiis pactis & contractibus inter viuos occurrentibus, variae iterum quaestiones moveri possent. Ex multis adducamus vnam. Quaeritur: an princeps dispensare possit in contractu nulliter celebrato, ita ut valeat in praeiudicium tertii? Nouimus enim ex praescripto iuris civ. ad varii generis actus valide ineundos varia iuris solennia constituta esse, quibus neglectis isti pro nulliter celebratis haberi solent. Quanquam vero dispensationem principis in eiusmodi contractu ob defectum requisitorum nullo, ad praeiudicium tertii extendere non audeamus, cum iniquum foret in alterius fauorem iura tertii plene & legitime quaesita violare: V. ANTON. de PETRA de iure quaesit. non toll. per princ. putamus tamen, posse utique principem ante initum contractum quaedam remittere, sine quibus contractus alias ex legibus provincialibus non substitisset. conf. TITU l. Priu. l. l. c. VIII. vbi species contractuum nulliter celebratorum recenseri videas.

Negotia sunt vel extrajudicialia, vel iudicialia. Illa vel inter viuos, vel mortis causa.

Quid princeps possit circa contractum nulliter celebratum?

§. XX. Inter negotia mortis causa in primis TESTAMENTA occurrunt. Quantum circa horum solemnitates princeps dispensando valeat, ii facile intelligent, qui vires statuum in ferendis contra ius Romanum legibus satis aestimare norunt. vid. ill. DN. THOMASSIVS in laudata dissertat. de statuum imp. potestate legisl. contra ius commune §. 71. sqq. Ita ignorari nequit, ex indulgentia principis dari testamenti factionem pupillis, de quo vide B. STRYCKII tract. de cautel. Testam. Eandem olim etiam surdis & mutis principali rescripto concessam fuisse, supra sect. l. c. l. §. 7. docuimus ex l. 43. de vulg. & pupill. substit. Quid intuitu Episcoporum quondam obtinuerit, & hodie quoque inter Romano-Catholicos obtineat, eleganter pro

Quid circa testamenti factionem?

pro more suo edisserit Magnif. DN. PRÆSES in *l. E. protest. l. III. tit. XXIV. de peculio clericorum*. Scilicet his lege civili a testatione interdictum est. *v. leg. 2. Cod. de Episc. & Cler. & leg. 42. §. 2. c. eodem*. Indultu tamen papali, cuius exemplum in episcopo Hildefiensis, IOBODO EDMUNDO, 3. 1691. occurrens attulit STRYCK. *tract. cit. de cautel. Test. in append. n. 10.* istis illa concedi assolet. Quod ipsum vero neque ratione interdicti, neque ratione indulti, ad episcopos protestantium applicari posse, per se liquet.

*Pergitur ad
negotia iudi-
cialia, quor-
um perti-
nent (1) acti-
ones, seu de
iuribus respi-
rationis.*

§. XXI. Pergamus ad negotia IUDICIALIA. Potentem heic iterum principis in dispensando tam circa *actiones* in iudiciis feruentes, quam circa ipsa *iudicia & processus* manum esse, haud difficulter monstrabitur. Et ad ACTIONES quidem quod attinet, ad illas v. gr. contra debitores infortunio depauperatos sistendas atque suspendendas princeps debitoribus ex gratia & misericordia subvenit, iis *litteras respirationis*, quas cæteroquin *moratorias, dilatorias, indulcias, quinquennales* &c. appellant, concedendo, adeoque contra legem, quæ promtam alias a debitoribus solutionem exigit, dispensando. Etenim *litteræ respirationis* nihil aliud sunt, quam beneficium debitoribus, non sua culpa, sed fortunæ vitio obaeratis, superioris rescripto concessum, ne intra spatium determinatum ab iis quid petatur. Sunt ergo dispensatio a lege, quæ debitoribus elapso tempore conventionis promptam iniungit solutionem. vid. *dissertatio de litteris respirationis* sub umbone Magnif. DN. PRÆSIDIS nouissime defensa. *c. II. §. 2.* vbi & ostenditur, hunc dispensandi actum hodie ad omnes omnino imperii status in suis territoriis pertinere, ac proinde haud satis commode inter reservatâ Cæsarea referri, quanquam ius ipsum Cæsari denegare nefas foret, siquidem privilegiis subiectos ordinum afficere imperator non prohibetur, modo iuri ordinum per ista nihil detrahatur. MONZAMBAN. *de statu imp. germ. c. V. §. 6.*

*(2) Iudicia
& processus.*

§. XXII. Quantum autem ad iudicia & processus ipsos, circa hos dispensandi potestas sese exerit, eos vel *immutando*, vel *abolendo*. Eos inquam I. *immutando*. Notum est plerasque causas ciuiles iuxta ius non modo commune, sed & leges ac statuta prouincialia processu ordinario, prolixo isto atque infinito

finicis subtilium solennitatum tricis scabro, discuti solere. Atque hæc quidem peculiaris Germaniæ nostræ infelicitas est, quod, ex quo semel ius canonicum in fora tam secularia, quam ecclesiastica, suam procedendi rationem intrusit, illa iustitiam non nisi per impeditos litium anfractus centenasque inanum subtilitatum remoras inuenire atque administrare possit. Extant de hoc malo epidemico tot piæ virorum insignium querelæ, sed irritæ huc vsque & frustranæ. Malunt enim vt plurimum, qui iustitiæ administrandæ præsumunt, in consueto strepitu forensi figuraque processuum consensescere, & quasi altum stertere, quam permittere aut studere, vt morbo inueterato vel aliquando manus medica adhibeatur. Exinde autem illud euenit, vt qui medicinam iustitiæ, nimium quantum vulneratæ, debebant afferre, vt pauperi atque diuiti ex æquo illa administraretur, eandem in præcipitio ponant, & causas ad iustitiæ normam factique veritatem decidendas præsentī periculo neglectorum processus *solennium* exponant. His enim ad amissum non obseruatis, succumbendum est etiam illi, pro quo, quantum ad *cause merita* ex confessione omnium aperta militat iustitia. Euoluatur huc egregia *dissert.* B. STRYCKII *de iudicio principis iuxta solam facti veritatem* §. 3. Interea, quanquam vniuersa fere Germania nostra, sine vlla recuperandæ sanitatis spe, communi ista lue tabeat, vnicum tamen dispensationis remedium suppetit, quo imperator & status imperii circa processus iudiciales ita versari possunt, vt ad ipsorum ambages rescandas *ordinarium* processum in *summarium* atque extraordinarium commutent.

§. XXIII. Equidem & ipsi pontifices Romani dispensatione litium prorogationi, ex subtili ordinis iudicarii obseruatione provenienti, obuiam ituri, iam olim prospexere, vt in causis aliquibus expressis procedatur SIMPLICITER & DE PLANO ac SINE STREPITU & IUDICII FIGURA. *Clem. dispendiosam. 2. de iudiciis*, dubium tamen non est, quin eiusmodi procedendi ratio a principe etiam ad alias causas, dicta constitutione *Clem.* non expressas, proferri possit. Vti enim ipsæ processuum ordinationes ex autoritate & arbitrio

An liceat principibus & statibus in processibus ordinarios abrogare?

trio principis dependent, eumque ultra lubitum non stringunt, adeo, ut iudicio BRUNNEMANNI in *process. c. 1. n. 22.* omnes (k) imperii status in suis provinciis salua iustitia abrogare possint processum *ordinarium*, & eius loco introducere *summarium*: ita omnino in principis voluntate & arbitrio resignandum est, velintne ad iustas supplicantium rationes subditis indulgere, ut, quæ per solennem ordinarii processus viam tractanda erant, iam *simpliciter & de plano ac sine strepitu iudicii & figura*, seu quod eodem recidit, SOLA VERITATE FACTI INSPECTA, dirimantur. Eapropter etiam STRYCKIUS controuerſiam, *an recepto semel processu ordinario & publica constitutione præscripto, in casu speciali, qui alias ad ordinarium processum pertinet, causæ decisionem ita princeps committere possit, ut in illa, licet ordinaria sit, sola facti veritate inspecta, remotis processuum regulis, procedatur?* affirmando decidere non dubitavit *dissert. cit. §. XI.* Imo etiam illud dubio caret, durante & flagrante iam processu, principi integrum manere, contra regulas processuum in gratiam afflictorum dispensare, vel restituendo læsum, vel & totum processum in alium mutando. STRYCKIUS *loc. cit.* ubi & hæc dispensandi potentia singulis imperii statibus competere demonstratur.

β. Eosdem
plane abo-
lendo.

§. XXIV. Vti vero ad *immutandum*, ita etiam non minus (z.) ad processum prorsus *abolendum* potestas principis dispensatoria pertingit. Mirum id videri posset, si rationes dispensandi non satis sunt perspectæ. Attamen de asseriti veritate facile constabit, ubi, quid per abolitionem processuum intelligatur, palam fecerimus. Scilicet *abolitio processus* nihil aliud est, quam exemptio *rei* a processu criminali, ante definitivam sententiam auctoritaritate principis facta, hoc effectu, quasi nunquam inquisitio mota fuisset. *Reus* ergo per rescriptum principale ab ulteriori inquisitione liberatur. Vocari hoc ipsum in cancellariis solet *in Abolitions-Schein* et hinc *len.*

(k) Id quod duntaxat de iis statibus tuto affirmari poterit, qui privilegio *de non appellando* gaudent.

ten. Iam olim quoque quædam abolitionis species in iudiciis Romanis vsu inualuerat, sed quantum modernæ abolitiones a Romanis differant, quamque ob incommoda processûs accusatorii, hodie admodum rari, etiam rarus eorundem in sensu iuris Romani vsus superfit: contra, quanto frequentiores istæ in sensu iuris moderni non tantum a CÆSARE, sed & a statibus imperii, ipsisque adeo nobilibus immediatis exerceri soleant, idem STRYCKIUS explicat *ibidem* p. 12. 13. &c. Quoniam vero, vt ex definitione clarum, ista processûs abolitio non nisi in fauorem *rei* in delicto grauiori indulgetur, sorte non errauerit, qui istam cum *aggratiatione* conincidere putet. Est tamen inter vtramque differentia quædam, facile aduertenda, cum *abolitio* proprie dicenda sit cassatio processûs criminalis ante definitiuam sententiam facta, *adgratiatio* vero poenæ iam decretæ spontanea remissio.

§. XXV. Ad negotia *iudicialia* pertinet suo motu etiam materia de *iuramentis*. Illa enim in iudiciis plerumque, veritatis & iustitiæ eo melius promouendæ causa, alteri litigantium parti deferri solent. In his vero habet iterum facultas dispensandi, in quo exerceatur. Non quidem eo sensu ac respectu, quo supra *sect. 1. c. 1. §. 14. pag. 17. seq.* iam ostendimus, quod sc. etiam iuramenti relaxatio inter *species* dispensationum *specialissimas* referri soleat; (1) sed alio, quo iuramentum

*Ad negotia
iudicialia
pertinet et-
iam materia
de iuramen-
tis.*

K 2

tum

(1) Imo vero, quæ de relaxatione iuramenti, tanquam *specie dispensationis* supra adducta sunt, non ex nostra, sed aliorum mente relata volumus. De *Scholasticis* constat, illos maxime de dispensatione iuramenti & istius quoque a relaxatione differentia disputare. vid. PONCE *tract. de sacramento matrimonii* L. VIII. cap. 2. vbi sententia scholasticorum recensetur. Verum, si dicendum, quod res est, minus accurate procedunt, qui vinculum iuramenti dispensando tolli posse, sibi met persuadent. Aut enim iuramentum in se inualidum est, aut non: Posteriori casu non opus erit dispensatione, quia per se nullum: Priori vero nulla est potestas humana, quæ iuramentum in se validum & obligatorium rescindere & annullare possit.

Scus

Quid principi liceat circa horum formularum prae-scriptas?

tum cum sua forma & solennitate consideratur. Scilicet in vulgus notum est, communiter principes ex plenitudine potestatis suae, vti aliis quibuscunque negotiis, ita etiam iuramentis subditorum, solennem formam externam praescribere subditis ex æquo omnibus tam exacte observandam, vt ne quidem iudici inferiori ab illa recedere, aut quidquam circa illam immutare liceat. At vero, quod iudici non licet inferiori, in eo adhuc liberæ tamen manus principes seruant. Neque enim eos solennitatibus a se praescriptis tam stricte inhærere oportet, quin illas nonnunquam remittere ac relaxare queant, maxime si conscientis anxii hac ratione succurri possit. Quid si enim fuerint inter subditos, quibus circa iuramentorum, sæpe tam horridis formulis praescriptorum, præstationem conscientiae scrupuli suboriantur? Quid tum faciendum principi? Anne hos vel carcere, vel multa compellere debet ad præscriptam iurandi formam? Minime vero. Potius conscientis, quanquam erroneis, hic consulendum, quam concedendum est, vt tyrannis in illas exerceatur. Adeoque hoc casu poterit omnino princeps dispensare, atque obligationem, subditos alias stringentem, relaxare. Cæterum hinc facile etiam iudicium formari potest, quid circa anabaptistas, separatistas, aliosque, quibus iuramenta omnia ex conscientiae rationibus odio

Secus est, si quæras, num princeps effectum iuramenti tollere, eiusque obligationi efficaciam in foro externo adimere queat ob iustam causam? id quod largissime conceditur. Sed aliud est tollere effectum iuramenti, aliud a iuramenti vinculo dispensare. Est enim iurans prius obligatus principi, quam se alteri iuramento obstrinxit: Inde per iuramentum ab obsequio superiori debito se liberare nequit. Vti autem princeps promiscue cuicunque alteri ius quaesitum ex iusta causa auferre valet: Ita nullum dubium est, posse eum illud quoque ius, quod alter ex iuramento consecutus est, iusta causa id exigente, tollere. vid. B. STRYCKIUS in modo cit. dissertat. Quin vero ex aliis etiam rationibus atque ex ipsis pontificiorum principiis, remissionem iuramenti male inter dispensationes proprie dictas referri, demonstrat: idem PONCE l. c. §. 9. p. 394.

odiosa sunt, sit obseruandum. conf. B. 10. SAM. STRYCK. *in dissert. de iure principis circa iuramenta.*

§. XXVI. Restat, vt tandem etiam, quid principi circa ius VIOLATVM liceat, dispiciamus. Et sane deuoluimur hic ad materiam, in qua facultas dispensandi præcipuum suum subinde habuit exercitium. Quæ enim circa delictorum poenas a principe indulgentur veniæ, eas proprio nomine & quasi exochico significatu *dispensationes* appellari, cotidiana praxi constat. Idem nomen etiam poenarum canonicarum relaxationi impositum, atque dispensationem quondam criminis non *committendi*, sed *commissi* veniam fuisse, supra *sect. 1. cap. 2. §. 30.* ex historia ecclesiæ docuimus. Longe nobilissima ergo dispensationum species est illa, quæ in remissione criminum occupatur. Sunt autem poenæ delictorum pro diuersitate legum contra quas committuntur, & originis, vnde promanant, duplicis generis. Vel enim circa leges sancitæ sunt mere *humanae*: vel legibus adiectæ sunt *diuinis*, potissimum legibus naturæ, & ipsum Deum quoque determinatæ sanctionis suæ auctorem habent. Prioris generis poenas ex arbitrio principum pendere & ab his non minus, quam leges ipsas, mutari, mitigari, vel & penitus auferri atque condonari posse, neminem certe inueniet contradicentem. Id tamen non prætereundum, peccaturum vtique principem & si non regulas iustitiæ, prudentiæ tamen, migraturum esse, si & in istis remittendis sese iusto initio rem præbeat. Fieri enim non potest, quin crebriori eaque intempestiua indulgentia & legis vis eneruetur, & principum ipsorum auctoritas conuellatur. (m)

*Quid liceat
principi cir-
ca ius viola-
tum, seu in
poenis deli-
ctorum.*

K 3

§. XXVII.

(m) Quantum vero vel vnica importuna dispensatione auctoritati legum detrahatur, nemo rectius intellexit atque obseruauit, licet in casu legislationis longe iniquissimæ, LVDOVICO XIV. rege Galliarum famosissimo. Cum enim hic edictum Nannerensē reuocasset, iamque dux Schombergensis, regi alias in primis carus, primusque Franciæ Marechallus, eo quod nemo prorsus in mandato regio a nouis circa

*In specie in
poena homici-
dii.*

§. XXVII. Altioris indaginis quæstio est, quæ circa dispensationum poenæ, legibus naturalibus adiectæ, atque ab ipomet Deo in sacra scriptura, determinatæ, moveri solet. In primis illa circa *homicidium dolosum* iam sæpius agitata & de huius poena capitali, quam plerique interpretum *Genes. IX, 6. Exod. XXI, 12. Leuit. XXIV, 17. Num. XXXV, 16. Matth. XXVI, 52. & Apoc. XIII, 10.* a Deo ipso dictatam, adeoque indispensabilem esse aiunt, disputatum fuit. Momentum controuersie eo redit, num aggratiatio, quæ species *dispensationis* est, in poenis delictorum a principe Christiano etiam in *casu homicidii dolosi* exerceri queat, ita, ut non obstantibus locis scripturæ modo allegatis, secure dispensare, atque reum a morte liberare possit? Ardua omnino hæc, multisque difficultatum spinis intricata materia est. Nec abnuendum, argumenta eorum, quibus negatiua defenditur, multa specie colorata esse. Quod si tamen & alteram partem audiamus, tum hic quoque nec responsiones, quibus ad dubia & exceptiones satis fiat, nec argumenta defunt, quibus sententia affirmantium præualere indicatur. Ita immotum axioma est: legem naturæ nullas plane determinare poenas. Inde autem pronò alueo fluit, omnes poenas venire ex *iure positivo*. Iam cum princeps iure positiuo, cuius ipse auctor est, non sit obstrictus, facile hinc colligitur, nec potestatem eius dispensandi restrictam esse. Videntur quidem obstare loca ex sacro codice adducta, sed quomodo ab ipsius theologis nostratibus, HEINICHIO & HANNEKENIO (n) aliisque

circa religionem legibus exemptus esset, abs rege dimissionem peteret; is auctoritatis regis per executionem mandati conseruandæ adeo tenax fuit, ut maluerit ministrum inuitus, nec sine lacrymis, dimittere, quam dispensando legem vulnerare, aut etiam plures illustrium subditorum ad similes petitiones, semel facta legis relaxatione, prouocare. v. *l'histoire de l'édit de Nantes jusqu'à sa renouation*. par Mr. BENOIST.

(n) HEINICHIVS in consilio theologico Homicidæ dato, *d. dissertatione* THOMASIANÆ subnexo, & HANNEKENIVS in libello: *de iure christiani principis aggratiandi circa homicidium*.

que ad eadem responsum fuerit, rerum peritos latere nequit. Interea non inique petitur ab iis, qui contrarium tuerentur, ut, siquidem istis sanctionibus diuinis, nos quoque hodiernum obligatos credant, sententiam suam manifestis sacre scripturæ dictis exerte roborent. Sufficit enim nobis, qui ex ratione aliter edocti sumus, ostendisse, dicta scripturæ allegata etiam alium non repudiare sensum. Tam diu autem pro conclusionibus rationis nobis standum arbitramur, quamdiu verba reuelationis non perspicue reclamant. Accedit, quod si auctoritatis momentum hic attendi debeat, maior utique eruditorum pars a primis inde christianismi originibus pro affirmantium opinione pugnet. Etenim, ut taceamus, quæ ill. DN. THOMASIVS in *celebratissima dissert. de iure aggratiandi principis euangelici in causis homicidii C. III. §. 1. seqq.* ex historia profana, iuno & iudaica protulit; profecto poenam homicidii remitti a magistratu seculari posse, iam olim christiani primæui & horum exemplo patres crediderunt. Inde etiam est, quod pro iis intercedere clerici debuerint & præcauere, ne sanguis effunderetur *c. 1. c. 23. qu. 5.* id quod permultis ex THOMASSINO, aliisque antiquitatum promissis conditis, annotationibus illustrare proclive foret. Ex hoc autem simul patet, sententiam, quod poena homicidii sit indispensabilis, non esse ex doctrina primitiue ecclesiæ aut patrum, adde etiam moralistarum pontificiorum haustam, sed forsitan propriam ecclesiis protestantibus, post reformationem demum inualescere coepisse. Conf. Magnif. DN. PRÆSES in *annot. ad Cordinum L. IV tit. 13.*

§. XXVIII. Quod vero circa poenam homicidii asserimus, idem eodem iure modoque etiam ad reliquas criminum grauiorum species applicari potest. Dummodo id in primis caueatur, ne quam principis fauori vindicamus potestatem, eadem is promiscuo & intempestiuo indulgentiæ exercitio in delictorum securitatem temere abutatur. Quod si enim vlla vsquam, sane in dispensatione poenarum maxima opus est prudentia & cautione. Solicite igitur cauendum, ut ne, quod principi licet, in temerariam licentiam, & quod

*Cautela
principum
mendata.*

inter-

interdum reipublicæ conducit, in eiusdem perniciem vertatur. Is vero manifestus utique regalis huius abusus foret, si princeps homini scelesto, nulla rationabili causa moto, poenam capitalem condonaret. Dices: ita ius aggratiandi confundi cum interpretatione, quæ fit ex iustis causis. Quod si enim principi non licet nisi rationabili causa moto, in delictorum poenis dispensare, tum aggratiatio potius actus IUSTITIÆ erit, quam actus GRATIÆ. Sed resp. per causam rationabilem nos intelligere non talem, quæ principi dispensandi necessitatem imponat, sed talem, quæ saltem misericordiam eius tantisper prouocet. Hanc enim & insuper habere posset, nec esset tamen, cur reus de iniuria illata conquereretur. Tales vero causæ sunt remittere aut mutare poenam ob spem emendationis; ob studium conseruandi saltem vnum ex duobus ciuibus aut membris reipublicæ; ob merita præcedentia; ob sustentationem familie delinquentis, alias cum fame & paupertate luctaturæ; ob intercessionem amicorum vel intuitu delinquentis, vel & intuitu principis aggratiantis. Conf. ill. DN. THOMASIVS in cit. dissert. de iure aggrat. C. V. §. 2.

De corruptela dispensationum hodierna, etiam in foro seculari.

§. XXIX. Eo magis vero hæc cautela principi commendanda, quo pestilentior vbique grassatur morbus, ut avaritia imperantium, foedusque ille auri argentique amor dispensationes eliciat frequentiores. Quod enim deplorandum, ea hodie etiam in foro seculari dispensationum corruptela inualuit, ut quæ natura sua gratuita esse debebant, iam mercenariæ (o) euaserint, atque ex illustri clementiæ principalis docu-

(o) Notauit hoc ipsum etiam B. G. A. STRYVVVS in dissertat. de dispensationibus a. 1674. Ienæ ventilata. In ea enim dispensationes distinguit in mercenarias, quales utique debebant esse omnes, & mercenarias, quæ ut plurimum hodie conceduntur pretio interueniente. Dandum tamen, non adeo iniquas istas mercenarias esse, modo circa legem versentur, cuius obiectum in se indifferens, nec etiam ob rationes ciuitatis lege vel præcipiente, vel prohibente, necessario determinandum est. Quales quidem leges vocare possumus sumtuarias,

documento infordidæ avaritiæ fomentum degenerarint. Nec nimium forsan dixerim, si affirmem, non admodum absumilem hodie fori sæcularis faciem esse ab illa, quæ inter pontificios in foro obtinet ecclesiastico. Et parum abest, quin ad imitationem Pyrrhi Corradi, quem praxin dispensationum Apostolicarum integro volumine exhibuisse diximus, etiam praxis dispensationum politicarum prolixiori opere compilari posset. Quæ enim propemodum lex est, quæ data pecunia non relaxetur? quod statutum prouinciale, cuius valor venali in curia dispensatione non dissipetur? quænam poena in crimina sancita, cuius redimendæ spem non habeant opulentiores? ita, ut diuitum magna præ pauperibus prærogatiua sit, forsque ciuium pro fortunæ varietate admodum inæqualis deprehendatur. Adeo fere dispensationes omnes in redemptiones mere pecuniarias abiere! Quæ cum ita habeant, equidem malo huic, non sine ingenti rerum publicarum damno latius serpenti, tempestiue obuiandum, princepsque de officio non minus, quam de potentia sua, probe commonesciendus, denique omni contentione eo contendendum est, ut quantum monitis precibusue apud imperantes obtineri potest, non modo iustitiæ rigor gratiæ dulcedine mitigetur, sed & gratiarum dispensatio prudentiæ regulis attemperetur. Pergamus nunc ad

C A P. II.

DE

IVRE DISPENSANDI IN NEGOTIIS SACRIS ET ECCLESIASTICIS.

L

CON-

tuarias, cibarias, vestiarias reliquasue, moderando luxui & voluptati subditorum latas.

C O N S P E C T V S.

Pramonenda: quorum (1) multa hodie inter causas ecclesiasticas referri, quae in se spectata res merè civiles atque saeculares sunt. §. 1.

(2) ineptam esse eorum sententiam, qui principi ius sacrorum non ut principi, sed ut episcopo adscribunt. §. 2.

Verior sententia commendatur. §. 3.

De consistoriis, per quae ius sacrorum communiter exerceri solet. §. 4.

Versatur potestas dispensandi in sacris
I. circa personas ministerio ecclesiae dicatas. §. 5.

Et quidem vel personas simplices §. eodem.

In his consideranda a. eorum vocatio. §. 6.

β. ordinatio. §. 7.

vel compositas & morales, quorsum consistoria & concilia spectant §. 8.

II. Circa res & bona ecclesiae. Per res intelliguntur a. templa β. coemeteria. §. 9.

Quae circa templa occurrunt, pertinent partim ad adificationem. §. eodem.

Partim ad dedicationem illorum. §. 10.

Templorum pars accessoria coemeteria habentur. §. 11.

Vbi de iure sepeliendi, tum & de pote-

state dispensandi, circa solennia sepultura. §. eodem.

Per bona ecclesiae intelliguntur eius beneficia, imprimis beneficia maiora seu Episcopatus, Abbatia & canonicatus. §. 12.

Quid principes protestantes hodie circa capitula & personas canonicorum valeant? §. eodem.

III. Circa negotia ecclesiastica b. e. ipsius cultum ritusque & ceremonias receptas. Vbi a. de cultu IN GENERE, & imprimis de potestate dispensandi circa sacra publica. §. 13.

Tum respectu Reformatorum. §. 14.

Tum respectu Romano-Catholicorum §. 15.

Item de potestate dispensandi circa sacramenta. §. 16.

Ad cultum in genere pertinet etiam dies & tempus ab ecclesia eadem designatum. §. 17.

Vbi de potestate dispensandi circa iura dei dominici. §. eodem.

3. de cultu IN SPECIE, quo referimus administrationem sacramentorum, quae ritus & ceremonias spectatorum. §. 18.

Dispensat autem princeps circa solennia baptismi 1. quoad ritum exorcismi. 2. quoad numerum patrinorum. §. eodem.

Alius

Alia ad s. cenam preparatorius est confectio priuata. §. 19.

Habet imperans ius circa illam dispensandi. §. eodem.

Impedimentum s. communionis est excommunicatio. §. 20.

De penitentia ecclesiastica, & an illa possit in multam pecuniariam conuerteri. §. eodem.

De iure dispensandi circa panes orbiculares &c. §. 21.

Transitus ad res matrimoniales, in quibus hodiernum reliqua sacramenti etiam apud protestantes inueniuntur. §. 22.

Res matrimoniales sacundissima dispensationum materia. §. 23.

Agendum autem hic (1) de sponsalibus. §. 24.

Species dispensationum circa sponsalia diuersa. §. eodem.

(2) De nuptiis seu matrimonio ipso. §. 25.

Circa huius solennia num dispensare possit princeps a. qua proclamatio- nem publicam & qua benedictionem sacerdotalem. §. eodem.

Circa matrimonia contrahenda occurrunt varia impedimenta, hinc & varia dispensationum argumenta. §. 26.

Gravissima questio est de vinculis cognationum ac affinitatum. §. 27.

Est autem cognatio alia ciuilis seu legalis. §. eodem.

Alia naturalis. §. 28.

Circa gradus iure humano positae nulla est difficultas. §. eodem.

Omnis ergo difficultas redit ad gradus iure diuino Leuit. 18. & 20. interdictos. §. 29.

Vbi quaeritur (1) an lex Mosaica etiam hodiernum obliget? §. eodem.

(2) An Leuit. 17. persona tantum, an vero etiam gradus similes sint interdicti? §. 30.

Exempla dispensationum, contra cuiusmodi gradus factarum, ex responsis & consiliis collecta. §. 31.

Rationes eorum, qui prohibitiones Leuiticas de personis tantum, non de gradibus intellectas volunt. §. 32.

His adiiciuntur nonnullae aliae. §. 33.

Pergitur a matrimonio contrahendo ad contractum, ubi nonae dispensationum species circa nullitates matrimonii emergunt. §. 34.

An talis dispensatio obtineat in matrimoniis contractis quidem, sed ipsa lege diuina nulli? §. 35.

Notatur hallucinatio quorundam e-ruditorum. §. 36.

Solutio obiectionum, & totius dissertationis finis. §. 37.

§. I.

*Praemonenda, quorum
(i) multa
hodie inter
causas eccle-
siasticas ro-
ferri, quae in
se spectata
res mere ci-
viles sunt at-
que sacula-
res.*

Hic vero praemonendum (i) multa utique hodie-
etiam ex praxi protestantium inter *sacra & ecclesiastica* referri, quae si ad genuinam eorum indolem at-
tendas, *civilia* plane atque *secularia* sunt, nec nisi temporum
abusu ad forum ecclesiae traducta. Exempli loco inferuire
poterunt *iura sepulturae*, & quicquid porro in consistoriis no-
stratium circa *coemeteria* tractari solet. vid. ill. DN. THOMASVS
in *dissert. de iure princ. Euangel. circa solemnia sepulturae*, vt &
DN. PRÆSES in *de iure erigendi coemeterium cap. I.* vbi origo coe-
meteriorum examinatur. Eandem in classem coniicimus et-
iam *res & causas quaecunque matrimoniales*. In primitiis en-
nim ecclesia *res matrimoniales* ad solum iudicem secularem
spectasse, certo certius est, idque satis etiam euincunt tot ab
imperatoribus christianis de matrimonio latae leges dictaeque
sententiae, in codice tam Theodosiano, quam Iustiniano re-
periundae. Suffragatur huic assertioni nostrae celeberrimus
Tubingensium Cancellarius, DN. CHRIST. MATTH. FRÆ-
FRIUS in excellentissimo opere *de originibus l. eccles.* In hoc
enim C. IV. § 2. p. 201. *Iam & dispositio*, inquit, *sepulturam*
& *matrimonia*, nequidem ad *iura sacrorum*, sed ad *iura maie-
statis summa in genere pertinet* &c. Agnouere hanc verita-
tem etiam inter ipsos pontificios viri longe praestantissimi &
iam olim quidem GVILIELM. OCCAMVS, Anglus, Regis consi-
liarius, qui dispensationem a LVDVICO IV. imperatore a. 1462.
in causa LVDVICI Marchionis Brandenburgici & MARGARE-
THAE, ducissae carinthiae, factam egregio responso defendit.
E recentioribus autem M. A. de DOMINIS in *rep. eccles. L. V. C. 9.*
vbi per integrum caput fusius demonstrat, matrimonii vincu-
lum & causas a propria potestate ecclesiastica non pendere.
Inprimis vero integerrimae fidei Gallus, IO. LAVNOVS, tum
in aureo tractatu de *REGIA in matrimonium potestate*, tum & in
indice locupletissimo errorum contentorum in libro sic inscri-
pto, *Dominici GALESI ECCLESIASTICA in matrimonium po-
testas.*

testat. (a) Ut adeo mirum sit, reperiri tamen inter ministros evangelicos, qui potestati seculari iudicium & cognitionem in causis matrimonialibus disputare, quin & ipsos principes, exemplo WEBERI, HAVEMANNI, MYLERI ab EHRENBACH aliorumque, consistoriis suis in controuersis ad matrimonia & nuptias spectantibus subicere audeant.

§. II. Videlicet hi omnes inueterato præiudicio abrepti, quoniam principes nostri omnem iurium circa sacra complexum ex eo tantum fundamento, quo *episcopi* personam repræsentant, exercerent, de iure sacrorum eiusque iusta indole & natura minus sobrie philosophantur. Alterum ergo & quod iam (2) loco præmonendum duximus, ad genuinam iurisdictionis ecclesiasticæ repræsentationem, lectori non satis commendandam, pertinet. In huius enim idea & conceptu si erreretur, nec fausto etiam tramite ad ipsas dispensationum species in negotiis ecclesiasticis progressus fier.

(2) *ineptam esse eorum sententiam, qui principi ius sacrorum, non ut principi, sed ut episcopo adscribunt.*

L 3

§. III.

(a) Temperare mihi non possum, quin addueam pauca ex dicto LAVONII tractatu. Potissimum vero legi meretur *caput XI. partis I.* ubi Synopsis rationum, quibus theologi magno numero ab ipso allegati, regiam in matrimonium potestatem stabiliri, exhibetur. Vnde tantum rationem hic excerptam dabimus. *Matrimonium, inquit, humanus contractus cum sit, sequitur illud ciuiliū legum dispositioni subiacere. Nam omni contractui commune est, ut pro varietate temporum & hominum aliter atque aliter iri possit & debeat, ita ut ad commune reipublica bonum referatur, quem finem omnes tractatus & maxime matrimoniales spectant. Quomodo ergo magistratum esse oportet, qui aliis contractibus leges præscribat, eosque ad reipublica utilitatem dirigat, sic necessario sequitur, idem magistratus, qui contractum connubialem tatis legibus regat & moderetur, idque tanto magis, quanto plus commodi, si bene, & quanto plus incommodi, si male incatur, ex hoc contractu ad hominum societatem manare solet. Quod autem sit sacramentum, nihil interest omnino, tam quia ratio sacramenti matrimonio superueniens humanum contractum non mutat, sed potius ut idoneam materiam supponit. Quare secularis princeps ac*
que

*Verior sen-
tentia com-
mendatur.*

§. III. Itaque iterum iterumque inculcandum, & quod *secciónē II. c. 2. §. 29. & 30.* iam docuimus, cum emphasi iunc-
petendum est, ius circa sacra ad solos principes, eosque, qui sa-
cros summi imperii fasces tenent, pertinere. Nullum profe-
cto, nullum alium nos iurisdictionis ecclesiasticæ fontem agno-
scimus, quam supremam in republica MAIESTATEM, & si
de *statibus* imperii, quibus etiam *nobiles immediatos* annectimus,
sermo sit, SUPERIORITATEM TERRITORIALEM.
Ea enim omnium collegiorum, quorum etiam ecclesia spe-
ctat, in republica natura est, ut principi subiaceant, huncque
omnium actionum suarum, cum republica connexarum, do-
minum & rectorem venerentur. Quicquid vero collegiis
relictum, illud omne principis beneficio adscribendum, utpo-
te in cuius potestate fuit, libertatem eorum vel laxare & di-
stendere, vel etiam statu reipublicæ ita exigente, iterum re-
stringere & determinare. Loquimur autem de actionibus &
negotiis collegiorum, consequenter etiam ecclesiæ, externis,
adiaphoris, in se indifferentibus, libertati atque ordinationi
humanæ obnoxiiis, nec vlla lege diuina iam determinatis. I-
gitur deponendus vel tandem est error iste communis, qui
plurimorum mentes hucusque fascinauit, quemque Icti non
minus, quam Theologi errarunt subinde, arbitrati, ius sacrorum
principi, non ut principi, sed ut episcopo competere, eumque ideo
in illius exercitio non tam principis, quam episcopi, aut papæ per-
sonam sustinere. (b)

§. IV.

*que potest hunc contractum irritum facere, ac si non esset ad sacramenti
dignitatem euectus.*

- (b) Euoluatur Magnif. DN. PRAESES *disserit. de iure episcopali princip. euang.*
vbi hæc omnia fuse & accuratè pertractantur, & maxime etiam ad
obiectiones ex verbis *instrum. pac.* quibus ius dioecesanum & iurisdi-
ctio ecclesiastica cum omnibus suis speciebus contra A. conf. electores,
principes, status eorumque subditos vsque ad compositionem christianam
dissidii religionis SVSPENSA dicitur art. V. §. 48. coll. *cumpac. religiof.*
§. 20. desumptos, solide respondetur.

§. IV. Cæterum, uti omnia alia *regalia*, & inprimis *iur sacrorum* per certa principes ac determinata *collegia* exercent. Parum vero refert, quocunque illa nomine compellantur; quemadmodum & illud certum est, in principis arbitrio esse, quibusnam ipse sacrorum curam *theologis* ne, an *politiciis*, an etiam collegio ex utrisque mixto? demandare velit. Communiter in Germania consistoria, quæ vocant, in hunc finem constituta sunt, ut negotia circa ecclesiam & religionem occurrentia per illa expediantur. (c) De his vero observandum, quod omnis illorum iurisdictionio, quanta & quantilla ista sit, vnicè a principe dependeat. *Delegata enim potestate non proprio iure* consistoria utuntur. Et quanquam ut plurimum ad imitationem consistoriorum episcopaliū in papatu, quas officialatus vocare solent, instituta fuerint, absit tamen, ut eorum iurisdictionem ex potestatis episcopalis, a nobis hætenus reiectæ, fonte deriuari patiamur.

De consistoriis, per quæ iur sacrorum communiter exerceri solet.

§. V. His ita præmissis atque fundamenti loco prælibatis, iam inoffenso pede ad ipsa dispensationum exempla pergimus. Quemadmodum vero *potestas dispensandi*, ceu supra *Sett. I. Cap. II §. 5.* iam ostendimus, eo usque se extendit, quo & *potestas ferendi leges*: ita cum hæc in rebus sacris & ad eccle-

Versatur potestas dispensandi in sacris I. circa personas mi-

(c) Illud vero notabile, neque Hamburgi, neque Norimbergæ hodiernum consistoria reperiri, manifesto utique argumento, hanc sententiam ab initio statim reformationis obtinuisse, quod consistoria a liberrima imperantium constitutione pendeant. Apposite vero ill. DN. THOMASIVS in *diff. de I. princ. evang. circa solennia sepult. §. XIX. p. 20.* duo hic extrema vitanda esse, ait, vnum ne putemus, consistoriorum institutionem esse rem plane inutilem, aut reipubl. damnosam & dandam esse operam statibus imperii, ut consistoria instituta rursus abrogent. Absit. Sapienter fecerunt principes, qui consistoria introduxerunt, maxime primis temporibus, & suas baud dubie habuerunt rationes graves, quæ & facile recenseri possent, si ex instituto nobis liberet esse prolixioribus. . . . Sed tamen nec ex altera parte putandum est, consistoriorum tantam esse necessitatem &c.

ministerio ecclesie dicatas,

ecclesiam pertinentibus ad infinita fere obiecta diffundatur, palam est, inde innumeras quoque dispensandi occasiones resultare. *Tria* autem sunt potissimum obiecta, eaque generalia & præcipua, ad quæ omnis legislatio in sacris reuocari potest. Vel enim leges ecclesiasticæ versantur circa *personas ministerio ecclesie dicatas*; vel circa *res & bona ecclesie*; vel denique circa *negotia ecclesiastica*, hoc est, ipsum cultum ritusque religiosos. Circa singulas fere leges singulares etiam occurrere possunt dispensationes. Id quod ut breuiter demonstramus, initium faciamus a *personis sacris*. Hæ vel *simplices* ac singulares sunt, vel *compositæ* ac morales; per *compositas* & morales intelligimus *consistoria* & *concilia*, per *simplices* ac singulares *singulos ministros* cuiuscunque ordinis & dignitatis.

Et quidem vel personas simplices.

In his consideranda æ earum vocatio.

§. VI. In HIS vero considerata iterum obueniunt (1.) *vocatio* & (2.) *ordinatio*. Circa omnia hæc, ut leges ecclesiasticæ versari solent, iisque certum modum assignare: ita & facultas dispensandi suum non minus circa illa exercitium obtinet. Ad *vocationem* quod attinet, illa ut legitima sit, utque pius ac idoneus minister vocetur, indispensabile censemus. Occurunt tamen circa vocandi *ætatem*, *corporis dispositionem* &c. nonnulla, quæ licet legibus ecclesiasticis determinata sint, dispensationem tamen haud respuunt. Ita circa *ætatem* dispositum legimus *nouell. 123. c. 1. & 13.* ut nemo 35. annis inferior *episcopus* & *presbyter*, nec annis 25. minor *diaconus* creetur. Nec minus in iure canonico *c. cum in cunctis X. de elect. & elect. pos.* cautum est, ut 30. annos habeat, qui v. gr. ad episcopatum adspirat. Non alieni etiam sunt mores ecclesiarum nostrarum ab hac dispositione iuris canonici vid. *ordin. eccles. elect. Saxon. tit. wie ein Kirchendiener vor den consistorialen* & §. weil auch. disertis verbis prouisum, daß hinführo &c. & *ordin. eccles. Guelpherbyt. de a. 1709. P. I. c. 2. §. 4.* In his enim licet determinationes iuris canonici non fuerint retentæ, caute tamen prospectum est, ne candidati iuniores ad S. ministerii munus admittantur, vel etiam ætate prouectioribus præferantur. A principe & magistratu tamen dispensari posse,

posse, modo perfectio virtutum defectum *etatis* suppleat, idque subinde etiam inter nostrates fieri, ex praxi constat. v. B. BRUNNEMANNI *tract. posth. de iure eccles. L. I. c. 1. §. 11.* & B. STRYCK. *in notis ad eundem p. 78.* Idem sentiendum de vitio corporis vocationem & admissionem ad S. ministerium alias impediens. *poenitentes dist. 5. & in c. vlt. de vnoculo.* Quod si enim virtutes animi vitia corporis compensent, utique fas est, ut ad illas attendatur. Præstat ministrum carere oculo alterutro, quam ecclesiam idoneo ministro. Conf. B. BRUNNEMANNVS *l. cit.* Quid in specie de vocatione *androgyni* tenendum sit, excussit post 10. FRID. MAYERVM *diff. de sacerdote androgyno* Magnificus DN. PRÆSES *in I. E. prot. L. I. tit. XX. §. 10.*

§. VII. De ordinatione ministrorum, olim indiuiso C. Ordinatio.
 nexu cum electione eorum cohærente, seu ex CYPRIANO constat *epist. 67. edit. Bremensis*, similes dispensationem casus afferri posse facile conceditur. Ipsam quidem ordinationem, ritum apostolicum & a nostris pie hætenus conseruatum esse, nemo negauerit. Quod tamen, seu pontificii prætendunt, iuris diuini adeoque absolutæ necessitatis sit, probari nequit, vid. B. SPENERVS *in consil. german. tom. IV. c. 7. art. 4. sect. 25. in f.* Hoc autem præsupposito, per se liquet, dispensandi potestatem etiam ad illam porrigi, leuitas tamen foret non facile excusanda, si princeps vel magistratus a ritu retustissimo, publicas ob preces, in eo adhiberi solitas, valde commendabili, omnibusque legibus ecclesiasticis probato, temere recedere, & vni alteriue nulla vrgente ratione dispensare vellet. Recte enim B. ZIEGLERVS *in not. ad Lancellos. L. tit. X.* Interim tamen, ait, non nisi summæ necessitatis casu actus ordinationis omitti debet, vel saltem propter scandalum nouitatis euitandum. (d) Quod si
 M autem

(d) Absit ergo & procul absit, ut dum principum dispensandi ius tuemur, ad sacræ ordinationis vellicationem atque dissolutionem consilia suppeditemus. Iniuriam nobis fecerit, quisquis scriptionem nostram tam sinistre interpretari auit. Illud potius semel pro semper a nobis inculcatum esto, nos principes, quorum *iura* asserimus, simul etiam

autem circa ipsam *ordinationem*, multo magis dispensatio locum inuenit circa illius *modum, tempus, locum, ceremonias & solennitates*. Sic alicubi ordinatio ad ecclesias cathedrales v. gr. in Saxonia primum ad *Wittebergensem* ac *Lipsiensem*, & postea per *general. artic. de a. 1580. tit. von der ordination*, etiam ad *Dresdensensem* alligata est. Alibi vero, vt in Ducatu *Würtembergico* ordinationes in ecclesia, cui ordinandus præficitur, per Superintendentes simul cum negotio inuestituræ peraguntur. Indifferentia hæc esse, & dispensationi magistratus libere relinquenda, quis dubitet? grauior quæstio videtur, cum quæritur, an nudus *doctor theologiæ* ipse nunquam ordinatus, alios tamen ex commissione & dispensatione magistratus ordinare possit? Ad hanc respondit *facultas theologiæ Rostochiensis a. 1564. apud DEDEKENNUM vol. 1. P. III. m. 2. sect. 6. n. 6.* negatiue, his ex causis, quod doctores theologiæ solenniter prououeantur non ad iura ordinis exercenda, sed ad docendum & disputandum. Verum, cum, vt diximus, ordinatio non sit actus necessarius & ad constitutionem ministri essentialis, per consequens magistratus directioni subdit, huic quoque integrum erit determinare, per quem ordinatio stricte dicta fiat. Scilicet facultas ordinandi primario dependet ex speciali commissione vel *ecclesiæ*, si hanc ei libertatem princeps reliquit, vel *principis*, quod praxis plerorumque locorum docet. Cæterum solet ordinarie examen ordinationi præmitti. Ab hoc autem quin pariter ministris, de quorum eruditione ac pietate iam satis constat, dispensari queat, dubium est nullum.

*Vel composite
sæ & morales,
quorūsum
consistoria &
concilia spectant.*

§. VIII. Post personas *simplices & singulares* considerandæ nunc etiam veniunt *composite & morales*. Inter has supra CONCILIA retulimus & CONSISTORIA. Quod vero etiam *concilia & consistoria* aliquam dispensationibus materiam præbere possint, facile intelligitur, siquidem illa vt

col-

etiam *officii sui* commones factos velle. Hoc vero, vt prudenter, vt tempestiue vt cum discretionē omnia gerantur, ipsos obstringit. Conf. quæ superius *sect. II. c. 1. in princip. & hinc iam ingeminauimus,*

collegia consideremus, principi subordinata, & ab huius arbitrio cum omni iurisdictione sua dependentia. Vtut ergo *consistoria* ordinarie hunc in finem erecta sint, vt negotia & causae sacrae per ipsa iudicentur, adeo tamen imperans ad illa alligatus non est, vt huic potius integrum liberumque maneat, si forte vnam alteramue causam cognitioni consistorii subducere, eamque consilio aut collegio superiori, vel & aequali, diuerso tamen, quin etiam vni saltem alteriue ex consistorii membris committere velit iudicandam. Pariter de CONCILIIS, quae vel *uniuersalia* vel *nationalia*, vel PROVINCIALIA esse solent, quibusque etiam synodos sacras comprehendi volumus, certum est, horum canones & sanctiones, vti a principis confirmatione omne robur habent, ita & a principe iterum dissolui, saltem vni alteriue (e) circa illas dispensari posse intrepide rursus affirmamus.

§. IX. Eadem ratio dispensandi etiam circa RES & BONA ecclesiae obtinet; neque enim in *res & bona* minor principum, quam in *personas sacras*, potestas statuenda est. Per RES vero praecipue *templa* & quae huc pertinent *coemeteria*, per BONA, *beneficia ecclesiastica* indigitamus. Romani olim *templa* inter *res diuini iuris* & nullius referebant, adeo, vt ne quidem area, cui templum superstructum erat, diruto edificio, in cuiusquam dominium transiret, teste Papiniano, quem citat imperator in §. 1. *instit. de R. D.* Adeo autem dicebantur nullius, vt neque in *priuato*, neque in *publico* patrimonio existere possent, l. 17. de V. S. quod essent in solius DEI patrimonio & iure. Iuris ethnici superstitionem adoptarunt postmodum etiam christiani, vid. LANCELLOTTVS *instit. iur. can. L. II. tit. XVII. seqq.* quo clerici scopo? ostendit ill. DN. THOMASIVS *in dissertat. de natura bonorum secularisat. §. 2.3.* Rectior itaque sententia protestantium est, *templa* esse in pa-

III. *Circa res & bona ecclesiae.*

Per res intelliguntur a. *templa* b. *coemeteria.*

M 2

trimo-

(e) Conf. illustr. DN. THOMASIVS *in notis ad LANCELLOTTVM L. III. cit. l. p. 1267.* & inprimis ZIEGLERI *dissert. de iure episcopali conuocandi synodum, quae exstat in tractatu de episcopis L. III. c. 18. a. p. 672. ad p. 716.*

*Qua circa
templa oc-
currunt iura
pertinent ad
aedificatio-
nem,
respectu bu-
ius dispensat
princeps vel
quoad ora-
toria pri-
uata,
vel quoad
templa pu-
blica.
partim ad
dedicationem eorum.*

trimonio vniuersitatis, de cetero autem subesse potestati ciuili, vid. differt. sub DN. PRÆSIDIS PRÆSIDIO HABITA: *de potestate ciuili in templa.* Cum itaque nihil sit in republica, quod non imperio supremo imperantis subsit, nec *templa* ab eo eximenda erunt, sed potius, quia principis est, sacra publica, qua formam, tempus, atque locum, adornare, etiam penes ipsum erit templorum, in quibus sacra peraguntur, sibi curam vindicare. Omnia autem, quæ circa templa occurrunt iura, vel ad *aedificationem* vel ad eorum *dedicationem* redeunt. Regulariter itaque, cum priuatis interdicta sit templorum *ædificatio*, ad principis *dispensationem* recurrendum est. Plures autem in hoc argumento *dispensationum* species se obuertunt. Huc refero, quod princeps *dispensare* possit, (1) circa *oratoria priuata*, permittendo, vt etiam priuati, a templis ordinariis per locorum distantiam remoti, sibi facella & oratoria exstruant, in quibus sacra peragantur. (2) Circa *templa publica*, concedendo, diuersæ religionis affectis, vt non obstante ordinaria prohibitione, hi templum sibi *ædificare*, in eoque religionem suam impune exercere possint. Pendet hæc assertio a præiudiciali quæstione, qua disquiritur: Num *statibus euangelicis liceat exercitium religionis alienæ indulgere in suis territoriis?* quam infra discutiemus.

§. X. Exstructionem templorum ex communi ordinationum ecclesiasticarum præcepto insequitur *dedicatio*. Ordinarie hæc habetur pro necessaria, nec permitti solet, vt sacra in templo peragantur nondum *dedicato*. Verum vt certum est, olim primos christianos a statis ac solemnibus ceremoniis, quibus in templis consecrandis vti solent, abhorrentes, ac ædes suas ad instar synagogarum solum precibus ad DEVM factis & sacræ coenæ vsu dedicasse vid. RICHTER *differt. sur les temples chap. 9. p. 135.* ita nec dubium est, quod hodiernum etiam ex principis *dispensatione* vel ipsa *solemnis dedicatio* v. gr. ad parcendos sumtus, omitti, vel & templum non inauguratum, vsu tamen sacro religionis exercitio iam destinatum, pro solemniter *dedicato* atque iisdem iuris effectibus ornato haberi possit. Possent etiam adhuc aliæ quæstiones

v. gr.

v. gr. num. *templa alienari & ad alios vsus adplicari queant* huc moueri. De his vero vt & de quaestione, donaria templorum, sacra vtenilia, turres, campanas, &c. tangente ex hacenus dictis facile erit iudicium efformare.

§. XI. Templorum *pars accessoria* COEMETERIA habentur, atque ex hoc fundamento etiam communiter inter res spirituales, cognitioni consistoriorum subiectas, numerari solent vid. Magnif. DN. RRÆSID. *differs. de iure erigendi coemeterio*. Illud vero per se clarum est, quod *Coemeteria*, siquæ pars accessoria sint templorum, principis potestati non minus, quam *templa* ipsa subsint. Itaque principis erit, dispensare, si extra coemeterium priuatum dormitorium sibi eligere vellet, quod regulariter nemini integrum est, nisi impetrata venia BRUNNEM. *de iure eccl. lib. II. c. 2. §. 12. ibique STRYCK in not.* Sic etiam cum sepultura regulariter in *templis* sit prohibita, nemo sepulturam in iis impetrare poterit, nisi soluerit *dispensationis pretium*. BRUNNEM. *cit. l. 1.* Cum coemeteriis connexum est *ius sepeliendi*, adeoque etiam ritus & solemnia sepulturæ. Nolumus vero nunc immisceri quaestionibus *de genere vel loco sepulturæ*, vid. illustr. DN. THOMASIVS in *differs. de iure principis euangelici circa solemnia sepult. §. 7. & 8.* Ad ritus igitur & solemnia tantum attendamus. In hisce vero *dispensandis*, quantum valeat principis potestas, ii saltim ignorare possunt, qui naturam rituum ignorant. Itaque tuto affirmatur, posse vtrique principem *dispensare*, vt consueti solemnia prorsus omitantur. Quod si enim vidua, vel hæredes, qualem casum vir illustr. in *d. dissert.* affert, supplicando petant, vt sine omni solemnium pompa, sine sonitu & cantu, ohne Gesang und Klang, sine concione funebri, sine comitatu, aliisque ritibus cadauer mortui sepeliatur, equidem principi potestas non deesse putanda est, quin petito annuere, & contra ordinationes ecclesiasticas ex certis rationibus *dispensare* possit. Nec *inhonestum* tamen, aut *infamis* propterea talis sepultura dicenda foret. Quamquam enim *minus sollemnis* sit, *inhonestum* tamen non erit. Contra si Principi placeat, vt quibus regulariter *sollemnis* sepultura permessa non est, ii eodem modo, quo alii honestiorum, sepeliantur, v. gr. si circa

Templorum pars accessoria coemeteria habentur.

Vbi de iure sepeliendi, tum & de potestate circa solemnia sepultura dispensandi.

hominis religioni publicæ & approbatæ haud addicti cadauer dispenseret, vt iisdem quibus orthodoxi, ritibus ac solemnibus tumuletur, quis iterum principi potestatem *dispensandi* denegabit?

Per bona ecclesia intelliguntur eius beneficia, in primis beneficia maiora seu Episcopus, Abbatia & canonicatus.

§. XII. Sequuntur iam BONA ECCLESIAE, per quæ beneficia ecclesiastica indigitari diximus. Quantum circa hæc quoque princeps mutando atque dispensando valeat, *secularisatio, translatio, mutatio, & alienatio*, tot bonorum ecclesiasticorum post tempora reformationis a statibus euangelicis facta, abunde docuit; non iniuste autem eiusmodi secularisationes susceptas fuisse, etsi regulariter prohibitas, vid. BRUNNEMANN. l. II. iur. eccl. cap. 3. euicerunt RHEZIVS, MAVRITIVS, CONRINGIVS, THOMASIVS, alique, qui occasione *infrum. pacis* vel de *secularisatione* vel de *natura bonorum secularisatorum* scripserunt. Et de BENEFICIIS quidem, quæ *minora* vocant, quæ & initio statim reformationis in manus protestantium devenire, res extra controuersiam est. Altioris naturæ questio videtur de *beneficiis maioribus*, v. gr. Episcopatibus, canonicatibus, Abbatibus &c. quæ in territoriis protestantium sita, suistamen iuribus ac privilegiis, per instrumentum pacis ipsis confirmatis, gaudent. Cum enim hæc publica fruuantur libertate, cumque iura v. gr. *capitulorum* vi sanctissimæ pacificationis inuiolata manere debeant; non sine contradictione disquiri solet, an, & quatenus in ea status euangelici supremam potestatem exercere, consequenter etiam circa iura & statuta eorum *dispensare* possint? sed facilis responsio est, si fundamenti loco substernamus, principes protestantes hodie omnia omnino iura in eiusmodi capitula obtinere, quæ in eadem olim obtinuit papa. Quandoquidem enim in *infrum. pacis* omnia papæ & episcoporum iurisdiclio suspensa est, hanc ipsam sine dubio hodie principes exercent, non quidem iure, vt supra ostendimus, *papali & episcopali*, sed *iure maiestatis & superioritatis*, adeoque statibus euangelicis eandem circa statuta capituli dispensandi licentiam adscribimus, quæ olim competeat ipsi pontifici, modo iusta vbiuis ratio concurrat. Ita si capitula illum, quem ob deficientem *requi-*

situm

Quid principes protestantes hodie circa capitula & personas canonice vacantes?

sum eligere nequibant, postulent, tota postulatio ex principis gratia dependebit, hæcque omne suum ab ipsius dispensatione obtinebit implementum. Ratio est, quia quod olim sibi iuris fuisse papa, illud hodie rediit ad status. Nec aliter pronuntiandum etiam de aliis dispensationum speciebus. Dispensabat olim Papa circa natalium defectum, si quis inter canonicos eligendos existeret; dispensabat circa diuersitatem patriæ, dispensabat circa corporis vitia aliasque inhabilitates. Quidni circa easdem hodie etiam principes nostri dispensare possent? Sed & aliæ adhuc in hac materia se offerunt quæstiones, v. gr. an cum principum dispensatione dua præbenda uni conferri possint? an una diuidi? an conferri sub conditione? an matrimonium canonicis concedi? Porro: an dispensari possit si vocandus operam studiis, vel plane non dederit, vel non per constitutum tempus, scilicet consuetum triennium canonicis regulariter præfixum? item an dispensari possit contra capituli statutum, quo canonicus nouiter admissus prima residentiæ anno singulis noctibus dormire tenetur in templo? Cum enim papæ dispensationes circa hæc omnia hodie cessent, iam iterum de principum potestate quæritur, præsertim cum capitula sola de statutis suis dispensare nequeant. Sed posito supra genuino decidendi fundamento, hæc omnia plana arbitramur atque expedita, conf. STRYCK I Ctus de iur. pap. princ. euangel. c. 5.

§. XIII. Ita pergimus ad NEGOTIA ECCLESIASTICA h. e. ad ipsum cultum ritusque & ceremonias in ecclesia receptas. Considerari autem cultus potest vel in GENERE vel etiam in SPECIE. In GENERE consideratus vel internus vel externus est. Internus, uti nulli hominum impio ita nec dispensationi subest. Externus iterum vel publicus vel priuatus est: de utroque quæstio occurrit, quantum iuris circa illum principi competat. Potest autem vterque iterum vel in respectu ad eiusdem religionis vel etiam in respectu ad diuersæ religionis socios considerari. Quantum ad eiusdem religionis socios attinet, equidem, si ciuitas, si pagus aut vicus sit, in quo sacra publica vel nondum instituta, vel ob

III. Circa negotia ecclesiastica h. e. ipsum cultum ritusque & ceremonias receptas. Vbi a. de cultu IN GENERE, & imprimis de potestate di-

*dispensandi
circa sacra
publica.*

numerus auditorum augenda sint, quin tum princeps *dispensando* atque *permittendo* subuenire possit, dubio caret. Quod si autem de diuersæ religionis ecclesiis sermos sit, v. gr. si quaeratur, num princeps euangelicus in territorio suo possit vel *Romano-Catholicis*, vel & si Lutheranus fuerit, *reformatis*, sacra publica indulgere? paulo difficilior & ex rationibus conscientiæ intricatior quæstio videtur. Excussit hanc materiam DN. REINHARDVS in *dissert.* sub DN. PRÆSID. habita *de potestate civili in templa*. Eius igitur placita a Viro Magnif. approbata, sequuntur, affirmamus, vtique & in hisce casibus tantam principis potestatem esse, vt positis ponendis, quandoque salua conscientia *dispensare* possit.

*Tum respo-
du Reformato-
rum.*

§. XIV. Et de REFORMATIS quidem decisio expedita, nullisque difficultatibus obnoxia est. Id vnice dolendum infausti *schismatis* semina eo vsque inter nos radices egisse, vt sacra nobis inuicem denegare internamque istam spiritus communionem, in qua nos versari vtriusque partis viri pierrissimi perspicacissimique dudum ostenderunt, externæ communionis denegatione offuscare atque conturbare audeamus.

*Tum respo-
du Romano-
Catholico-
rum.*

§. XV. Ad ROMANO-CATHOLICOS autem quod attinet, ante omnia dispiciendum, vtrum principi in territorio per pacta cum subditis, inprimis *statibus prouincialibus* inita liberum atque integrum relictum fuerit, quid circa publicum religionis exercitium disponendum censeat, annon vero *lege territorii* fundamentali aut *religione capitulationum* ipsi manus constrictæ sint? *Posteriori casu* nolim vt pacti & iuramenti princeps temere obliuiscatur. Vereor enim ipsius conscientiæ, ne quod tuto omisisset cum huius læsione perpetret. Deinde constans regula est: tum demum *dispensandum* esse cum vel necessitas vel utilitas reipublicæ id exigat. Verum vti, florente pace religiosa, nullus necessitatis prætextus militat; ita nec utilitas quæpiam ex tali dispensatione facile speranda: e contrario potius damna reipublicæ metuenda, si religio stabilietur, quam infelix experientia totius iam non ecclesiæ tantum protestantium, sed & ipsi reipublicæ insidio-
sam

fam docuit ac periculofam. Secus tamen pronunciandum de
priori cafu. Quod fi enim facra publica a libera imperantis
 difpofitione pendent, certe nec Romano Catholici ab eius
 benignitate excludendi erunt. Quin vero quam vellemus!
 vt principes Romano-Catholici eadem hic nobifcum princi-
 pia fouerent, nec potius fua in noftros acerbitate noftreis fim-
 lem in fuos extorquerent! Sane inter fumma principis re-
 galia reputandum: *tolerare difsentientes.* Vti enim vera ipfi-
 us & maxime quidem christianæ religionis natura poftulat,
 vt ne dominium in confcientias affectemus: ita etiam cau-
 dum eft principibus, ne forte præcipuum maiestatis fuæ axi-
 oma, in tolerantia difsentientium pofitum fibi a quoquam eri-
 pi patiantur. Atque hinc intrepide afferimus, poffe utique
 fummos imperantes, faluis & illæfis ecclefiæ, cui alias adhæ-
 rent, vel cui modo nuncium mifere, vel denique, cui regen-
 dæ quocunque acquisitionis titulo recens admoventur, iuri-
 bus, etiam Romano-Catholicis publica indulgere facra. Caute
 tamen & prudenter vt hic agant neceffe eft, ne fcilicet iure
 fuo in præiudicium reipublicæ, vel & in exitium ecclefiæ
 hætenus dominantis temere vtantur; inprimis fi de principe
 euangelico, Catholicis exercitium religionis in ditione fua
 concefſuro, fermo fit: huic fuadendum, vt illud non niſi ſub re-
 ſtriptione additisque conditionibus concedat, quales v. gr. ef-
 ſe poſſent, vt ſolemnes proceſſiones, expoſitiones venerabilis
 ac cetera omnia, ex quibus facra euangelicorum turbantur, il-
 liſque vllum præiudicium affertur, intermittantur. Hæc ſi
 obſeruet, utique non habebunt ſubditi, ſtatusque prouinciales,
 quod conquerantur, cnm ipſi neque directe, neque per indi-
 rectum hæc publicorum ſacrorum introductione in religionis
 fuæ exercitio violati dici queant. Eiusmodi prudentis di-
 ſpenſationis exemplum ſuperiori ſeculo HANNOVERA & ZELLA
 præbuit; ibi enim Sereniſſimus Elector Brunſuicenſis & Lu-
 neburgenſis ERNESTVS AVGVSTVS anno 1692, catholicis, quo-
 rum facra an. 1624. illic plane exulauerant, poteſtatem dedit
 templum de nouo extruendi, idque vi *iuris territorialis*, eique
 cohærentis *iuris reformandi*, ſine vlllo tamen præiudicio, inde
 N forte

forte protestantibus metuendo, tum, & saluo summo iure, quod Serenissimus Elector in sacra etiam pontificia in his terris habet, omni quippe episcoporum iurisdictione adhuc suspensa manente. vid. FABRI *Staats-Cantley tom. XVII. p. 176.* Inprimis vero protestantes dictis in locis degentes securos reddunt ordinationes hac de re an. 1713. coniunctim editæ sub tit. *Berordnung wegen des Römisch-Catholischen religions exercitii in der Stadt Hannover*, vtpote in quibus publicum religionis exercitium Catholicis concessum, ita limitatum fuit, vt protestantibus nullo modo fraudi esse possit.

Item de potestate dispensandi circa sacra priuata.

§. XVI. Quod si autem, vt audiuius, *publica*, multo magis ergo etiam *PRIVATA* sacra per modum *dispensandi* a principe indulgeri possunt. Euoluatur huc dissertatio DN. PRÆSIDIS *de priuatis legatorum sacris*, vbi fata priuatorum sacrorum ab origine mundi ad nostra vsque tempora curate enarrantur. Probe autem sacra *domestica* discerni debent a *priuatis*. Domestica enim, quæ in piis precibus & meditatione verbi diuini sine administratione sacramentorum consistunt, vti nemini interdicta sunt, ita nec ad *dispensationis* argumentum trahi queunt. At vero sacra *priuata*, quæ exercitio vniuersali cultus diuini & sic etiam administratione sacramentorum abfoluuntur, vt tamen nec publica auctoritate, nec publicis in locis, nec publicis impensis fiant, quæue adeo vel singulis patribus familie, vel a quibusdam congregatis adornantur, per ordinatum tamen ecclesie ministrum expedienda, longe aliam naturam induerunt. De his enim constat, ea in locis, in quibus sacra vigent publica, constanter prohibita fuisse vid. nou 18. inprimis in ecclesia occidentali, de qua consulantur *capitularia CAROLI M. L. l. c. 182.* Neque vero orthodoxorum minus, quam heterodoxorum sacra priuata inde a multis retro seculis oppressa fuere. Atque eadem prohibitio post reformationem etiam in terris protestantium retenta fuit, ita vt integrum subditis non sit, sacra pro lubitu *priuatum* adornare. His autem non obstantibus, in principum tamen potestate ponimus, circa prohibitiones hæc quandoque *dispensare*; modo caueatur ab iisdem, tum ne frequentior talium sacrorum

rum concessio in contemptum publicorum vergat, tum etiam ne forte *conuentus priuat in conuenticula* euadant *seditiones*, quandoquidem ex historiis constat, sæpe sub inuolucro pietatis pernicioſa ciuium contra rempublicam coniurantium conſilia lauiſſe, priuatosque cœtus, religionis prætextu congregatos, in publica tandem ſclerum confortia erupiſſe.

§. XVII. Spectata *cultus ſacri* ratione, peculiarem conſiderationem nunc etiam meretur DIES & TEMPVS, ab eccleſia eidem deſtinatum. Pertinet huc maxime 1) *dies dominicus* 2) *ſerie*, diesque *feſti* in honorem & memoriam ſanctorum conſtituti. Et de *die* quidem *dominico*, in *ſabbathi* iudaici vicem ſubrogato, vexata quæſtio eſt, an & circa huius celebrationem poteſtas imperantium verſetur, ita vt tam circa cultum hoc die aliar iniunctum, quam prohibitionem operarum *mutando* aut *diſpenſando* interuenire queant? Pendet autem decifio huius quæſtionis a momento illuſtris controverſiæ de *origine*, *moralitate* atque *obligatione* diei dominici, inde a tot annis non ſine magnis animorum motibus, in Anglia, Belgio & Germania agitatæ. Integrum hoc argumentum prolixè & data opera examinauit. B. IO. SAM. STRYCKIUS in celebri *differt. de iure ſabbathi*, in qua iſe eorum ſententiæ acceſſit, qui originem diei dominici ex mera obſeruantia eccleſiaſtica deriuant. Quæ ſententia ſi adoptetur, iam facile perſpicitur, quid reſpondendum ſit quærenti: num principi aut imperanti liceat, per modum *diſpenſandi* concedere, vt die dominico meſſis fieri poſſit? *l. 3. C. de fer. c. 3. X. eod. celebrentur nuptiæ, inſtituantur iudicia, inſinuantur citationes, effectui dentur exequutiones, fiant exactiones, &c.* Scilicet abſolute loquendo talia permittendi facultas imperanti iuxta hanc hypotheſin adimi non poteſt: *optime* tamen STRYCKIUS iudicat, eum, ſi ad eiſmodi *diſpenſationes* progrediatur, iure ſuo abuſurum, & inprimis ſcopo ac naturæ tam laudabilis ſanctique inſtituti, non ſine vulnere conſcientiæ & ſcandalo piorum aduerſaturum eſſe. v. d. *differt. c. II. & III.* Mihi certe ita videtur, plura principi licere, quam reipublicæ, vt fiant, expedire. Itaque ſolicite proſpiciendum, vt ne in ſcandalum ciuium iura principum exercentur. Quamquam enim ſententia STRY-

Ad cultum ingenere pertinet etiam dies & tempus ab eccleſia eidem deſtinatum. Vbi de poteſtate diſpenſandi circa iura diei dominici.

Cauteſta: Plura principi licent, quam que

*semper rei-
publica ex-
pediunt.*

CKIANA suis nitatur fundamentis & ab ipsa quoque AVG. CONFESS.
ari. VII. p. 43. illic LONGE ERRARE dicantur, qui iudicent, diei
dominici observationem pro sabbato tanquam necessario institutam
esse: cum tamen & dissentientium opinio suis rationibus haud
destituatur, idcirco tutissimum erit, ita se gerere christianos, vt
quæ necessaria sunt, quasi ex libertate; quæ libera, quasi ex ne-
cessitate agant. Dissimilis ratio est *feriarum & festorum*, omni-
um confessione a nuda institutione humana dependentium, et-
iam si nec in iis quoque *dispensationi* locum demus, nisi iusta ne-
cessitate & utilitate illam exigente.

*β. De cultu
IN SPE-
CIE, quo re-
ferimus ad-
ministratio-
nem sacra-
mentorum,
qua ritus &
cerimonias
spectatorum.
Dispensat
autem prin-
ceps circa
solennia ba-
ptismi. quo-
ad ritum ex-
orcismi.*

§. XVIII. Ad cultum IN SPECIE referimus *admini-
strationem sacramentorum*. Duo autem sunt iuxta protestan-
tium doctrinam Nov. Test. *sacramenta*, BAPTISMVS & S.
COENA. Ad vtrumque sacramentum homines diuina lege
adstringuntur. Neutrum ergo *sub dispensationem* cadit. Quæ
enim ipse DEVS ceu organa & media salutis iordinauit, ab
eorum receptione per imperantes humanos *dispensari* nequit.
Intelligendum autem hoc solummodo de *substantia* sacramen-
ti, qua talis, seu de sacramentis iuxta institutionem Christi in
se consideratis, non item de *ritibus & ceremoniis* in admini-
stratione eorum adhiberi solitis. Tales vero in *baptismo* v. gr.
sunt EXORCISMVS & numerus PATRINORVM. Circa
hos enim ritus, vtut legibus ecclesiasticis plerumque deter-
minatos, principij rursus *dispensandi* facultatem vindicamus.
De EXORCISMO constat; eum ritum in se indifferentem,
ideoque in multis euangelicorum ecclesiis, v. gr. in Ducatu
Würtembergico, Augusta Vindelicorum, imo in tota Sue-
uia dudum iam abrogatum esse. Quidni ergo iis in locis, vbi
ritus iste adhuc adseruatur, vel ipsi imperanti vel eius consi-
storio liceret, circa hanc ceremoniam parentibus infantum, sæ-
pe conscientiarum rationes prætexentibus, dispensare? Dolen-
dum potius, homines euangelij luce collustratos, & spiritu li-
bertatis animatos, vbi de *exorcismi* abrogatione lis orta fuerat,
non citius sapuisse, conf. *dissert.* DN. BRENEYSENI, PRÆSIDE, ill.
DN. THOMASIO habita de iure principis circa adiaphora p. 45.
Eiusdem commatis est numerus *patrinorum*. Est ille utique in
se

*2. quoad nu-
merum p.a-
trinorum.*

se indifferens, nec refert, plures ne, an pauciores patrini baptizando adstant? Communiter tamen lege & ordinatione ecclesiastica prospici solet, vt certus saltim numerus eorum admittatur. Eiusmodi ordinationes subinde per enormes, qui circa auctum patrinorum numerum inualuere, abusus prouocabantur. Ita enim iam tempore CONCILII TRIDENTINI, teste SARPIO, querelæ ciebantur, quod tantus patrinorum numerus adhiberetur. *Proferebatur, ait SARPIVS de concil. Trident. L. VIII. p. 674. nominatim, vti maximus abusus impedimentum cognationis in baptismo contractæ, quod nonnullis in locis inuitabantur viri ad viginti, aut triginta compadres, totidemque mulieres commatres, quos inter omnes ex constitutione ecclesiastica spirituali cognatio contrahitur.* Atque hinc etiam in plerisque ordinationibus ecclesiasticis in edela huic abufui allata fuit. Sic v. gr. per constitutionem an. 1680. a FRID. WILHELMO Electore, in Pomerania promulgatam, puniri iubentur, qui plures, quam tres in baptismo testes adhiberent. Vti autem facilis prohibitio, ita & facilis dispensatio.

§. XIX. Similia occurrunt in sacramento COENAE. *Actus ad eam preparatorius est* CONFESSIO PRIVATA; hæc enim vt præcedat, antequam ad sacram synaxin quis admittatur, plerisque ordinationibus ecclesiasticis statutum est. Et circa hanc quidem, tum ob ritus simul recepti communem venerationem, tum ob superstitionem vulgi, tum & ob interesse clericorum, ex nummo confessionario lucra quærentium, graues nonnunquam controuersie oriri solent. Mirandum vero, ritum in tot ecclesiis Lutheranorum v. gr. Argentoratensis, imo per vniuersam Sueciam, Daniamque iam prorsus abrogatum, tanta tamen cum superstitione alibi seruari, vt ne principum quidem dispensationibus locum concedere velint, quorum interesse per istas vulneratur. Rectius tamen iudicabunt, qui, quæ fata confessio priuata inde a primis christianismi originibus habuerint, ex DALLÆO de confessione auriculari, PFAFFIO de originibus ecclesiasticis, vel aliunde didicerunt: nobis certe dubium non est, posse imperantes circa ritus huius omissionem non modo vni alteriue istis ex causis dispensare,

Actus ad sacramenam preparatorius est confessio priuata.

babet imperans ius circa illam dispensandi.

*sare, sed & eundem prorsus ad exemplum ecclesiarum frater-
narum abrogare. Conf. STRYCK. in cit. dissert. de iure sabbathi c.
4. p. 138. Longe minorem difficultatem habebit quæstio, qua
quæritur, anne Parochianis, ex ordinationibus ecclesiasticis
communiter ad certam parochiam propriumque confessiona-
rium, quasi iure bannario, alligatis a principe permitti possit,
ut alium sibi confessionarium eligant, priori derelicto? Quam-
quam enim secundum placita iuris canonici ius excipiendi
confessiones ad proprios parochos restrictum sit vid. c. 2. X. de
pœnis. & remiss. ubi legitur: omnis utriusque sexus fidelis, post-
quam ad annos discretionis pervenerit, omnia sua peccata saltem se-
mel in anno fideliter confiteatur proprio sacerdoti; ex quo canonici
inferunt, confessionem alteri factam, quam proprio paro-
cho, nullam esse & irritam. PETR. de MARCA de benef. eccles. qu. 2.
§. 2. n. 487. Quanquam etiam similes constitutiones adhuc in-
ter protestantes vigeant, vid. ordinat. Magdeb. eccles. c. 5. §. 1. von
der Beicht, ubi diserte: daß ein jeder von seinem ordentlichen
Pfarr-Herrn des Kirchspiels, Darinnen er wohnt, beichten und ab-
solution erhalten solle; facile tamen hoc casu, quo parochus iu-
re suo cedere detrectat, impetrari poterit consensus consistorii
seu principis, qui ius bannarium relaxet, conf. DN. PRÆS. in iure pa-
rochiali sect. IV. cap. 1. §. 10. seqq.*

*Impedimen-
tum S. com-
munionis est
excommuni-
catio.*

*De peniten-
tia ecclesia-
stica, & an il-
la possit in
multam pe-
cuniariam
converti.*

§. XX. Impedimentum S. communionis seu admissio-
nis ad S. cœnam est EXCOMMUNICATIO, quæ diuidi-
tur in maiorem & minorem. De utraque tenendum, quod,
cuius est infligere, eiusdem etiam sit relaxare. Hodie utra-
que naturam poenæ criminalis induit, saltem veri generis poe-
na dicenda est. Quantum igitur alias princeps sibi iuris in
poenas in genere sumit, eas vel mitigando vel commutando,
vel & plane remittendo, tantundem etiam in has ipsas sibi vin-
dicare poterit. Simile iudicium ferendum de POENITEN-
TIA ECCLESIASTICA; quæ olim excommunicationis
sequela fuit, hodie autem scortatoribus & adulteris ut pluri-
mum iniungi solet, coram facie ecclesiæ in templo publice
peragenda. Potissima actus poenitentialis pars consistit in de-
precatione publica, quæ quidem reapse nihil aliud est, quam
pars

pars *panæ civilis* ad consuetum pœnarum finem delinquentibus inflictæ. vid. *TITIVS insit. iur. publ. L. IX. c. 16.* Exinde autem per se fluit, illam iterum arbitrio principum subesse. Quia vero vti solus imperans ritus deprecationis publicæ definit, ita etiam penes ipsum erit, istam in multam pecuniariam convertere, aut etiam prorsus remittere, v. *ZIEGLER Superintend. c. 19. §. 5. 6 seqq.* & *BRVNEMANN. iur. eccles. L. II. c. 19. §. 25. 26.* vbi dissentientes quoque adducuntur. Cæterum vt hic principi facilitatem *dispensandi* suadeamus, opus non est; cum notorium sit, nullibi sædam magis, quam in exercitio huius pœnæ proso-
polepsiam dominari, iuxta illud:

Dat veniam corvis, vexat censura columbas.

§. XXI. Quod attinet ad *S. COENAM*, forsân & hic quoque nonnulla licitarum dispensationum exempla ostendi possent v. gr. cum de pane orbiculari quæritur: an princeps dispensare possit, vt in casu, quo communicantes scrupulo conscientiæ anguntur, alius consuetus panis isti substituat? item an permittere idem possit, vt *S. Synaxis* non in templo, cui ordinarie eius fructio adstricta est, sed & citra ægritudinis casum, in priuatis quoque ædibus, nec post concionem tantum, aut sacra publica, sed etiam post alia pietatis exercitia priuatim instituenda, distribuatur? Sed nimium hæc delicata sunt, & forte illorum auribus, quibus salcem in alienam messem immittere videbimur, odiosa. Itaque manum de tábula.

§. XXII. Ad sacramenta pontificiî etiam *RES MATRIMONIALES* referunt, ipsum quippe matrimonium in sacramentorum numerum ab iis collocatur. Aliiquidem æque sanior protestantium doctrina est: si tamen praxin eorum respiciamus, non adeo procul a pontificiis abesse, saltim aliter docere, aliter agere videntur. Quamquam enim sacramenti dogma ex matrimonio exulare iubeant, illius tamen sæces ac reliquias nondum omnes expurgarunt, vti id egregie demonstravit *B. IO. SAM. STRYCK. in dissert. de reliquiis sacramenti in matrimonial.* Et forte hæc genuina etiam ratio est, cur cau-

De iure dispensandi circa panes orbiculares &c.

Transitus ad res matrimoniales, in quibus bodienum reliquia sacramenti etiam apud protestantes inueniuntur.

sc

sæ matrimoniales hodiernum inter *spirituales & ecclesiasticas* reputentur, ita, vt tractatio earum communiter ad consistoria ablegetur. (f) Quo enim alio prætextu inter res sacras & spirituales referri queant, non perspicio, siquidem, vt *supra §. II.* ostensum fuit, tota matrimoniorum causa in se res mere civilis atque secularis est. Magis cum doctrina sua pontificiorum praxis cohæret. Horum enim a multis inde sæculis hoc sacramentum stratagema fuit, vt, sacramenti notione matrimonio imposita, causas matrimoniales omnes ad forum ecclesiasticum transferrent, easque a solis clericis, excluso penitus laicorum grege, iudicari paterentur. v. STRYCK. *loc. cit. cap. 2. §. 30. seqq.* Cæterum ex dictis etiam per se patet, cur materiam de matrimonio in tractatione nostra ad hunc vsque locum reiecerimus. Neque enim commodior alia, quam post sacramenta, eius considerandæ occasio visa fuit.

Res matrimoniales sanctissimæ dispensationum materiam.

§. XXIII. Ad ipsam vero eius considerationem quando nunc accedimus, prænotamus, nos equidem minime latere, nullam vllibi ampliorem dispensationum segetem patuisse, quam in rebus matrimonii. Et fatendum sane, integrum hic volumen conscribi posse, si vel vnice fata dispensationum in causis matrimonialibus occurrentia recensere, & de singulis earum speciebus dignam instituere tractationem cuperemus. Verum enim vero vt i ipse dissertationis nostræ sub manibus adauctæ conspectus monstrat, breuitati hic iterum studendum esse: ita & eo breuioribus in hoc argumento nobis licebit esse, quo plures iam in isto euoluendo vires suas

(f) Noneo tamen animo hæc effamur, quasi obseruantiam in modernam improbaremus. Potius ita statuimus, causas matrimoniales iudiciis ecclesiasticis non male committi, sed alio ex fundamento, scilicet ex delegatione principis, quippe cui liberum est, ad quodnam iudicium istas referri velit. Iam vero aliud est, consistoriis rerum matrimonialium cognitionem prorsus abnegare, aliud, eandem abnegare saltem ex spurio fundamento. Quod si enim principes illas theologis relinquunt, non deest consilio prudentia, ceu ostendit celeberrimus dominus PFAFFIUS *de orig. eccles. p. 220. & p. 227.*

suas exercuere. Ut enim de pontificiis, qui integris vastisque voluminibus suam de sacramento matrimonii doctrinam exposuere, nil dicamus, quis nescit, quot etiam nostratum opellam suam huc contulerint? adeo, ut quiqui fere de *dispensationibus* scripsere, præter dispensationes matrimoniales, prolixè & cum magno eruditionis apparatu discussas, nil sibi tractandum sumserint. Videantur modo, quos citat LIPENIVS in *Bibliotheca iuris*. Quæ cum ita habeant, breuiter saltim, & quasi per stricuras in materia hac procedemus, alii forte, eique commodiori occasione, vberiore eius discussionem atque ex genuinis fundamentis suis deductionem referuaturi.

§. XXIV. Occurrunt autem in consideratione rerum matrimonialium I. SPONSALIA. II. NVPTIÆ seu MATRIMONIVM ipsum. Quæ circa sponsalia præcipere imperantes solent, fere huc redeunt. (1) ne fiant clandestina. (2) ne iniustis parentibus contrahantur. (3) ne, si vidua aut viduus illa celebrare velit, ante tempus finiti luctus iterentur. (4) ne mutuo consensu pro lubitu & propria auctoritate iterum dissoluantur. Hæc quidem præcepta eo sæpe robore induuntur, ut quæ in fraudem istorum præfracte ineuntur sponsalia, ipso iure nulla atque irrita habeantur. Nec iniuste. In principis enim potestate est omnibus negotiis externis & cum ciuitate connexis suam formam, suum ordinem, suosque limites præfigere. Vanæ autem principum vires essent, nisi & facta, in maliciosam legum defraudationem suscepta, iterum annullare atque irrita efficere possent. Interim quot hic præcepta, tot iterum noua dispensationum argumenta. Itaque dispensat princeps I. *cohibendo effectum legis, quo irrita fuissent sponsalia clam contracta*. Licet enim decori bonique ordinis ratio exigat, ut sponsalia non clam, sed publice, præsentibus honestis testibus, peragantur, ideoque leges clandestina prohibentes non iustæ tantum, sed & suo modo necessariæ dici possint; poterit tamen princeps a rigore suo aliquid remittere, & vel ob fauorem matrimonii subsecuturi, vel ob alias rationes, ne sponsalia corrumpant, dispensare. II. *Consensum a parentibus iniuste denegatum supplendo*. Variant doctores, an consensus pa-

Agendum autem hic (1) de sponsalibus.

Species dispensationum circa sponsalia diuersa.

rentum ad liberorum desponsationes etiam diuino iure requiratur? Quicquid vero huius sit, tenentur utique parentes dissensus sui causas exponere, quas si princeps non satis æquas ac sufficientes deprehendat, poterit omnino, ceu communis patriæ pater, suo ipse consensu interuenire, & quod ex parte parentum naturalium deficit, supplere. V. BRUNNEMANNVS *l. E. l. II. cap. 16. §. 5.* III. *Tempus præscripti luctus abbreviando.* Ne coniuges viduati mox iterum ad noua sponsalia prouolent, honestas exigit. Inprimis vero in mulieribus viduatis necesse est, ut ob incertitudinem prolis, quam forte adhuc ex priori marito concepere, intra præstitutum anni spatium se contineant. Poterunt tamen rationes & causæ interuenire v. gr. diutina defuncti ab vxore absentia, item longior morbi vehementia, ob quas, cessante grauiditatis periculo etiam rigor legis cessare, & circa luctus terminum licite dispensari queat. IV. *Sponsaliorum ex mutuo dissensu dissolutionem ratam habendo.* Scilicet inter alias ordinationes matrimoniales etiam hæc reperitur, ne semel desponsatis integrum amplius sit, a fide data, etiam mutuo ac libero dissensu, resiliere. Et si fatendum, quod res est, vera huius prohibitionis origo, prout in iure canonico, utque etiam in ordinationibus eccles. occurrit, ex erronea & confusa sponsaliorum doctrina fluxit, maxime ex prauè intellecta distinctione sponsaliorum de *præsentis* & *future*, de cuius *incongrua praxi in terris protestantium* integram dissertationem DN. PRÆSES edidit. Ex illa enim sponsalia in primis *pura* h. e. verbis de præsentis concepta (ita enim doctores plurimi hanc distinctionem consueuerunt applicare) instar matrimonii iam *initiatum*, adeoque indissolubilia habentur. Quamquam vero, ut vir Magnificus *l. c.* solide ostendit, erronea hæc doctrina sit, alio tamen ex fundamento, ob honestatem, puta, publicam, atque ob periculum ex eiusmodi licentia oriundum, recte transactiones istæ prohibentur, ita tamen, ut istiusmodi prohibitiones semper, salua principis dispensandi facultate, intelligantur.

(2) De nuptiis seu matrimonio ipso.

§. XXV. Post sponsalia NVPTIÆ seu MATRIMONIUM IPSVM considerandum venit, & illud qualem vel ut contra-

contrahendum, vel ut iam contractum. Dicemus autem primo de ritibus ecclesiasticis, quibus matrimonia apud nos inaugurantur. Secundo de *impedimentis* quæ ex legum dispositione in matrimoniis obstant *contrahendis*. Rituum, quibus matrimonia inter protestantes inaugurantur, quique principum decretis atque ordinationibus determinantur, potiores sunt: (1) *publica desponsatorum proclamatio* (2) *benedictio sacerdotalis*. Quoniam autem isti ritus ac solennitates, quantæ quantæ sunt, a principum dispositione pendent: hi etiam in illis dispensare possunt I. *trinam proclamationem vel ad unam, vel ad binam restringendo, vel etiam plenarium eius neglectum permittendo*. Licet enim honestatis ac decori ratio requirat, ut sponsalia ciuitati publice intimentur, ne vagabandi, aut aliunde impediti, temere copulentur; sæpe tamen rationes ac motiua supererunt, quæ omnem dispensandi difficultatem tollunt. STRYCK in notis ad BRUNNEMANN. I. E. lib. cit. c. XVI. §. 6. II. *Benedictionis sacerdotalis omissionem concedendo*. Dura hæc videri assertio posset iis, quos opinio de singulari benedictionis huius sanctitate præoccupauit. Aliter tamen sentient, quibus penitior huius solennitatis natura rite perspecta est. Actum ageremus & fide necessitate euagaremur, si originem & fati gius inde a prima origine mundi vsque ad æram christianam, & ab hac per omnia christianismi sæcula vsque ad hanc ætatem nostram euoluere vellemus. Egregie enim id ipsum iam præstitere viri celeberrimi. B. STRYCK in laud. dissert. de reliquiis sacramenti &c. & Magnif. DN. PRÆSES in dissert. de I. P. euangel. circa solennia matrim. tum & excell. DN. SAHME, Professi Regiomont. in dissert. de matrimonio legitimo absque benedict. sacerdot. Summa dicendorum huc redit, quod *ιστορία*, fatente HILDEBRANDO, celebri theologo, de nupt. vet. Christi. neque de iure diuino posita neque de iure gent. neque de iure ciu. matrimonio essentialis, sed tantum ritus ac solennitas sit, libero imperantium arbitrio subiecta, veteribus christianis sub hac forma (g) diu

Circa huius solennia num dispensare possit princeps a. qua proclamationem publicam.

C. qua benedictionem sacerdotalem.

O 2

igno-

(g) Dico *sub hac forma* diu ignorata. Noui enim hunc ritum per vetustum

ignorata, supposititiis saltim EVARISTI, CALLISTI, FABIANI, paparum, decretis a GRATIANO colorata, per LEONEM imp. demum sub finem seculi IX. expressa lege introducta, adeoque etiam mutationi ac dispensationi principum haud quaquam eximenda. Magna tamen hic iterum cautela opus est. Sicuti enim principes in quibuscunque legibus & institutis antiquis immutandis caute procedere, & ex regulis prudentiæ optime iudicare debent, an consultum sit, abrogando aut dispensando aliquid immutare? Ita præcipue etiam circa dispensationem huius ritus, qui tam altas hactenus radices egit, qui & merito, tum ob vetustatem suam, tum etiam ob laudabilem scopum sacra nobis venerationis vestigia imprescit, regulæ *consilii* & *iuris* sollicitè distingui debent. Nolumus igitur, ut in locis, quibus laudabili instituto, publica que lege hæc solemnitas adhuc recepta est, cuiquam præter *necessitatem* dispenseretur, adeo, ut sub hac cautela etiam ipsos principes in propriis matrimoniorum causis comprehensos ac inclusos velimus, idque eo magis, quo graviores adsunt rationes, quibus illi, ut ne publicæ huic solennitati se subducant, induci debent.

*Circa matrimo-
nia contra-
benda oc-
currunt va-*

§. XXVI. Impedimenta, quæ matrimoniis *contrabendis* obstant, ex variis fontibus ac respectibus oriuntur. Vel enim principes, ad quos solos pertinet, impedimenta matrimonii diri-

vetustum esse & forte a Iudæis ad christianos derivatum. Quod autem *sub hac forma* benedictio præstita fuerit, qua hodie a solis ministris ecclesiæ præstatur, probari nequit. Potius contrarium asserit SELDENVS Lib. II. de uxore Hebræa c. 28. *sub initia*, inquit, *christianismi*, quotquot Iudæos imitarentur, sacros ministros, ut nuptiis necessarios, non adhibuisse, certum est. Nec male. De benedictione enim, quam TERTULLIANVS de *testim. anim.* c. 2. p. 65. *summum inter christianos discipline atque conversationis sacramentum* vocat, notum est, eam in primitiva ecclesia visitatissimam fuisse, nec tam a sacerdote, quam toto populo peragenda, ut inde non vane augeretur DN. PRAESES *cir. differt. §. V.* benedictionem hanc olim actum toti ecclesiæ communem fuisse.

dirimentia (b) constituere, talia constituunt intuitu *ætatis* vel intuitu *decori*, vel intuitu *religionis*, vel denique intuitu *propinquitatis*. Quot vero impedimenta, tot noua dispensationum exempla. Namque dispensat princeps I. *defectum legitimæ ætatis condonando*. Scilicet lege prospectum est, ne nimis præcoces ciuium coniunctiones fiant. Infra legitimam ætatem tamen matrimonium dispensationem admittit, quamuis in hoc ineundo non tam ad annos, quam ad prudentiam regendi & alendi familiam, respiciendum videatur. II. *Matrimonia, boni ordinis ac decori conseruandi ergo alias prohibita, permittendo*. Huc refero matrimonia ad *morganaticam*, seu *ex lege Salica* inuenda. V. LINCK. *de matrim. ex leg. Sal. contract.* Hæc enim inter nobiles sine principis dispensatione iniri non posse ostendit B. STRYCK. *de dissens. spons. sect. V. §. 72.* Pertinent huc etiam omnia alia matrimonia ex rationibus status, seu publicæ utilitatis interdicta, qualia describit LAVNOIRS *d. tract. P. I. cap. 9. & II. p. 49.* III. *diuersæ religionis socios in eundem torum admittendo*. Dudum inter pontificios inualuit, vt coniugia cum hæreticis vetarentur. Talia enim non solum iure ecclesiastico, sed & lege naturali illicita vocat PONCE *de sacram. matrim. in appendice*, vbi de matrimonio hæretici cum catholico prolixè. Eam ob rem multis adhuc in locis, præsertim extra Germaniam, pontificis dispensatio requiritur. Interim, quantum ad dispensandi facultatem, hæc nullam prorsus difficultatem habent.

§. XXVII. Dispensat princeps IV. *vincula cognationum ac affinitatum relaxando*. Est autem cognatio duplex, vel *ciuilis* & *improprie*, vel *naturalis* & *proprie* sic dicta. *Ciuilis*, quæ & mere *legalis* dicitur, ex *adoptione* oritur. Quamquam
 O 3 vero
 Grauißima
 questio est de
 vinculis co-
 gnationum
 ac affinita-
 tum.

(c) Contraria his est pontificiorum doctrina inter impedimenta matrimonii impedientia & dirimentia distinguendum, atque statuentium, principis secularis nullam plane in istis constituendis potestatem esse V. PONCE *cit. opere L. V. & VII.* Verum egregie illi satis fecit ac respondit LAVNOIRS *tr. cit.* per integrum librum primum,

*Est autem
cognatio alia
civilis seu le-
galis.*

vero hæc inquam plurimis locis hodie non admodum attendatur, v. STRYCK ad BRUNNEMANN. I. E. L. II. c. 16. p. 613. Sunt tamen nonnulla, in quibus matrimonia adoptiuorum adhuc grauius prohibita leguntur. Ita in ducatu Würtemberg. *per ordin. matrim. cap. 3.* serio interdictum legitur: *keiner soll sein adoptirt und an Kindes statt angenommene Kind ihm selbst, oder seinem Sohn, oder Tochter, anders denn die Rechte zulassen, bey schwerer Ungnade und Straffe verhehligen.* His vero non obstantibus, integram tamen his casibus principi dispensandi facultatem remanere, quibus nulla opera cognoscit. Ad cognationes *improprie* dictas ex iure canonico etiam referri solet *spiritualis* atque *penitentialis*, quæ vero in foris protestantium hodie plane non amplius attenduntur.

*Alia nam-
ralis.*

§. XXVIII. NATURALIS ac proprie sic dicta *cognatio* per vinculum sanguinis contrahitur, ita scilicet, vt fundamentum suum omne in quodam stipite communi, sed non nimis remoto, quærat. *Affinitas* autem nascitur ex coniunctione diversarum cognationum per nuptias. Vtrumque & *cognationis* & *affinitatis* vinculum magnum matrimoniis obicem ponit. Probe autem distinguendæ sunt prohibitiones, quæ sunt ex *iure diuino* ab iis, quæ deum accessere per *iur humanum*. Et vt de his prius aliquid dicamus, constat; variare mores, & pro diuersitate locorum diuersas etiam apparere prohibitiones, aliis latiore, aliis angustiore semper prohibitionibus diuinis circumponentibus v. HORREVS *comment. ad I. b. t.* Quicquid autem sit de prohibitionem graduum, siue protensior illa, siue restrictior existat, certe, cum de iure humano, & de gradibus sola lege civili vetitis, sermo est, quilibet per se capit, eos omnes dispensationi civili subiaccere. Generalis ergo regula, quantum ad impedimenta *propinquitatis*, hæc est: *Omnes gradus iure humano vetitos etiam potestate humana esse dispensabiles*, modo caueant imperantes, ne solis diuitibus ob auri copiam fiat iustum, quod in pauperculis taxatur ceu iniustum.

Regula generalis de gradibus iur. civ. prohibitis.

*Omnis ergo
difficultas re-*

§. XXIX. Adeoque omnis in hoc argumento difficultas pertinet ad gradus *iure diuino* *Leuit. XVIII. & XX.* interdictos.

De

De his vero vexata atque intricata quæstio est, num & illi sub dispensationem cadant? Totius controuersie momentum ad quas hæc quæstiones redit: (1.) *An & Christiani hodie lege ista Mosaica teneantur?* (2.) *liquidem ista teneantur, num eius prohibitiones saltim de personis inibi expressis, an vero etiam de similibus gradibus sint capiendæ?* Communiter ad primam responderi solet *affirmando*. Et recte: quanquam enim hæc lex Mosaica non sit *lex naturalis*, id quod *ἀναγώνιον*, nec fuerit etiam *positiua vniuersalis*, totum genus respiciens humanum, sed solis Iudæis lata, ceu exinde pater, quod illi nec ante Mosem Patriarchæ in connubiis suis se conformarint, neque etiam post Mosem ipsi *prophetyi iustitiæ*, quos vocabant, inter Iudæos ad istam adstringerentur, docente SELDENO *de iur. nat. & gent. iuxta discipl. Hebr. L. V. c. 18.* ex aliis tamen fundamentis hæc lex non ad Iudæos modo, sed & hodie ad nos Christianos pertinere intelligitur. Et primo quidem exploratum est, Deum nolle, vt homines libidinibus inquirerentur, sed eas, quoad licet, eiiciant, & sibi ipsis limites ponant, multo magis ergo nolle, vt Christiani, quibus DEVS perfectionem morum, consequenter etiam castitatis, pro meta posuit, in istis exercendis plus licentiæ nacti fuerint, quam olim habuerant Iudæi. Deinde omnes istæ leges, quarum non peculiæ res vel cum *politia Iudaica*, vel cum *cultu Leuitico* connexio erat, quæue adeo ad omnes æque respublicas applicari possunt, merito in tanta apud nos veneratione esse debent, vt cum a sapientissimo legislatore profectæ fuerint, iisdem etiam nos obligatos esse censeamus. Porro cum certum sit, magnum discrimen esse inter *leges pure rituales*, & *leges quæ ad mores & agenda spectant*, nostræ autem posteriores generis sint; vtique eo magis credendum est, eas adhuc dum obligare, quo manifestius, Christum non venisse, vt eiusmodi leges, quæ nec ex figura reipublicæ Iudæicæ, nec ex cultu leuitico descendunt, sed vnice ad mores & agenda h. e. ad sanctissimum virtutis exercitium spectant, aboleret. Atque hinc etiam est, quod primi statim Christiani secundum leges istas vitam instituerent, præsertim cum persuasio, eaque non vana, illos

dit ad gradum iure diuino
Leuit. 18. & 20. in interdicos.
Vbi queritur (1) an lex Mosaica etiam hodie num obliget?

occu-

occupasset, christianismum non esse nouam religionem, sed potius *iudaismum reformatum*, sicuti etiam ab initio christiani nomine *iudeorum* veniebant. Ex his vero nunc facile concludi potest, christianos hodiernum a vinculo harum legum matrimonialium non solutos esse, & consequenter dispensationem in gradibus *Leuit. XVIII.* expressis non admitti posse.

(2) *An Leuit. 18. persona tantum, an vero etiam gradus similes sint interditi?*

§. XXX. Alia concludendi ratio circa *questionem* obinet *secundam*. In varia autem hic abeunt doctores, & tantus eorum deprehenditur dissensus, vt si de casu speciali controuertatur, responsa subinde responsis, consilia consiliis, præiudicia præiudiciis opponi possint. Scilicet si DEDEKENNVM, si consilia VITEBERGENSIA, si BERGERVM in *supplementis ad electa processus matrimon.* si BEIERVM in *dissertatione de dispensatione circa matrimonium intra gradus consanguinitatis & affinitatis prohibitos*, si STRYCKIUM in *notis* ad BRUNNEMANNVM, si alios euoluamus, aduersemus, vnum theologum subinde ab altero, vnum Ictum ab altero, vnā Facultatem ab altera, adeoque vnā etiam sententiam ab altera dissidere. Duæ autem questionēs hic probe iterum discerni debent. Vna matrimonium iam contractum, altera contrahendum spectat. Quæritur enim (1.) *an ab imperante in eiusmodi gradibus dispensari possit, vt matrimonium contrahatur?* (2.) *an matrimonium iam contractum & vtraque copula consummatum ita tolerari queat, vt non sit rescindendum?* de posteriori quæstione deinceps; de priori adhuc pauca.

Exempla dispensationum, contraiusmodi gradus familiarum, ex responsis & consiliis collecta.

§. XXXI. Equidem plurimorum sententia eo tendit, vt circa matrimonium *contrahendum* in eiusmodi gradibus dispensari posse negent. Nec forte diffidendum, sæpe tutius tales dispensationes a principibus denegari, quam concedi. Interim non desunt viri præstantissimi, quibus contrarium aridet, non quod directe contra casus, lege diuina expresse prohibitos, dispensari queat, sed quod in *casu dubio* nuptiæ concedi possint, præsertim si rationabiles causæ adfint, quas ipsi vel ex utilitate & necessitate, vel ex congruitate & honestate, vel etiam ex personarum dignitate æstimare solent. Consi-

lia

lia & responsa huc pertinentia concessit B. STRYCKIVS in notis ad BRVNNEMANNVM. Dabimus illa brevissimis excerpta. Ita ex. gr. dispensatum legimus. (1.) Cum defunctæ uxoris sororis nepte per responsum Facultatis Viadrinæ de a. 1680. (2.) Cum aui fratris uxore per sententiam tribunalis Wismariensis apud MEIVM part. VIII. decis. 399. (3.) Cum filia sororis consanguineæ per responsum Facultatis Helmstadiensis de a. 1681. postea a Ictis Chiloniensibus & Rintelensibus approbatum. (4.) Cum vitrici vidua per responsum Facult. Viadrinæ de a. 1673. (5.) Cum uxoris sororis filia per responsum Facult. eiusdem de a. 1675. quem casum etiam tanquam dispensabilem prolixissimo consilio deduxit Facult. Theol. Regiomont. (6.) Denique dispensatum legimus in matrimoniis compriuinorum, non obstante fratre communi. Iam vero totidem consilia in contrarium quoque afferri possent. Sed remittimus lectorem ad auctores modo allegatos.

§. XXII. Videntur autem rationes eorum, qui licentiam dispensandi in hisce casibus propugnant, non contemnendæ. Potissimas illarum collegit & neruose iam proposuit DN. PRÆSES in positionibus de gradibus matrimonial. libello de ACTIONIBVS subiunctis. Nimirum prohibitiones graduum tanquam indispensabiles ultra personas a DEO ipso expressas non producendæ videntur, (1.) quia prohibitio graduum noua plane lex apud Iudeos fuit & quidem positiva, cum ante hanc legem libertas nullo modo restricta esset. Quatenus ergo expresse restricta non est, eatenus merito pro ea præsumendum. (2.) Cogitandum quoque est hanc legem nouam Iudeis latam esse, populo satis duro & pertinaci, cui omnia clare erant præscribenda, quod etiam MOSES in aliis positivis iuribus euidenter fecit. Quod si itaque intentio DEI fuisset, non personas, sed gradus respicere, sine dubio clarius expresisset. Accedit hisce (3.) Magistrorum Hebræorum sententia. Et licet hi in aliis capitibus legem valde deprauauerint, tamen nunquam in N.T. legimus, eos propterea a Christo fuisse reprehensos. Fluunt quoque (4.) ex contraria sententia multæ difficultates. Nam Leuit. XVIII. 18. prohibitum est matrimonium secundum quid cum uxoris sorore, sed in vers. 16. absolute prohibetur cum mariti fratre, in eodem gradu existente. Accedit (5.) noua repetitio harum prohibi-

Rationes eorum, qui prohibitiones Leuiticas de personis tantum, non de gradibus intellectas volunt.

*His ad-
iici-
untur non-
nulla alia.*

tionum *Leuit. XX. ubi tamen eadem persone tantum enumerantur, quod indicium præbet, ad hanc prohibitionem esse restrictam.*

§. XXXIII. Hactenus *Vir Magnificus*. Addi posset rationibus adductis *a.* quod dispar ratio sit graduum a DEO *expressorum & non expressorum*. Ita v. gr. non sequitur: Quia matrimonium *Leuit. XVIII. cum patruis vidua* prohibitum est. Et etiam cum *uxoris defuncti sororis filia*. Licet enim eadem graduum a communi stipite distantia sit, non eadem tamen prohibendi ratio, siquidem patruis viduam vt matrem venerari decet, qui vero respectus in matrimonio cum uxoris sororia cessat. Ibi enim desineret veneratio, si patruis vidua dominio maritali subiiceretur. Hic autem quæ materteræ marito debebatur, non desinit veneratio, sed per nouum vinculum potius firmatur. Atqui dices: si matris respectus obstat, quo minus cum patruis vidua iungaris. E. & in altero casu patris respectus ob stare debet, quo minus cum materteræ viduo copuleris. Verum non idem hic respectus *patris*, quod ibi *matris*, operatur. Vt enim dixi, nulla hic reuerentiæ, nulla officiorum confusio. A *patre* autem *naturalis* ad *materteræ maritum*, licet *patris* quoque vices repræsentantem, non valet consequentia. Quod enim patri naturali cum filia naturali coniugia interdicta sint, id *ex pudoris & sanguinis ratione* est, quæ ipsa in casu præsentis cessat. Patiter non eadem prohibendi ratio in matrimonio cum *amita* vel *matertera*, & matrimonio cum *filia fratris aut sororis* militat. Ibi enim iterum *amitæ & materteræ* reuerentia debetur; hic vero semel debita reuerentia erga patrum & auunculum non tollitur, sed continuatur. Difficilior forte casus est, cum de uxoris defunctæ sorore quæstio agitur. Tali enim matrimonio obstat expressa prohibitio de ducenda fratris vidua. Neque vero priori via re expediri potest, siquidem eadem ratio vnus viri ad duas sorores, quæ vnus sororis ad duos fratres esse videtur. Sed forsan alia tamen ratio suppetit, vnde decidendi diuersitas elucescat. Scilicet *β.* ideo matrimonium cum fratris vidua interdictum erat, quia inter iudeos ab vnoquoque fratrum *peculiaris domus ædificanda* erat. Iam vero con-

confusio *genealogiarum* & *domuum* facta esset, si integrum stetit-
set viro, fratris viduam, quæ sobolem fratri iam pepererat, & ex
qua domus isti iam ædificata erat, in vxorem ducere. Hæc
ipsa ratio autem in *altero casu*, non reperitur. Neque enim
turbantur *genealogiæ*, nec *domibus ædificandis* quicquam de-
cedit, si idem frater duas sorores ducat, cum quidem *famīna-
rum* non eadem ratio habita fuerit in conseruanda & plan-
tanda familia, quæ *marum*, id quod ex *Leuitatu* vterius con-
firmari potest, ceu nouo argumento, quod fratris vidua ideo
tantum duci non potuerit, quia sc. in casu sobolis iam susce-
pta nefas fuerat *domum* & familiam fratris iam *ædificatam*, e-
iusdem sanguinis mixtura turbare, quemadmodum e contra-
rio, sobole non existente, frater peculiari lege *Deut. XXV.* ad
ædificandam fratris domum obstringebatur. Ex dictis autem
elucescit, quid iam *γ.* roboris insit primariæ dissentientium ra-
tioni, quando ex regulis hermeneuticis ingeminant, quod *vbi
eadem legum ratio, ibi eadem etiam sit legum dispositio*, prohibi-
tiones *Leuiticas* ex pari prohibitionis ratione ad pares quoque
gradus protendendas esse, hinc concludentes. Scilicet negat-
ur in argumento *minor*. Ostendit etiam DN. PRÆSES in
positionibus citatis, quomodo & reliquis objectionibus occur-
ri posset. Fatendum tamen, delicatius atque intricatius hoc
argumentum esse, quam vt quisquam decidendi auctorita-
tem in isto sententiarum biuio sibi contra alios arrogare
aust.

§. XXXIV. Transimus ad matrimonium contractum.
Dux autem quæstiones hic conglomerantur, quarum qui-
dem alteram iam *supra* §. XXV. alteram mox antea §. XXX.
attigimus. Nimirum noua hic dispensationis species emer-
git, cum de matrimoniis iam *contractis*, sed eo ipso, quod con-
tra legem inita fuere, *in se irritis vanis atque nullis* disceptatur:
anne illis quoque principis gratia subuenire & circa poenam
nullitatis, in quam incurrerunt, dispensare possit? Sed facilis
huius controuersie solutio est, modo *leges* distinguamus, ex
quibus *nullitas* matrimoniis inflicta. Prout enim istæ vel *di-
uine*, vel *humane* esse queunt; ita etiam dispensatio vel in-

*Pergitur, a
matrimonio
contrahendo
ad contra-
ctum.*

*Vbi noua di-
spensatio-
num species
circa nulli-
tates matri-
monii emer-
gunt.*

dulgeri, vel negari debet. Quantum vero ad *leges humanas* attinet, supponimus ante omnia, tantam esse legis civilis vim, tantum valorem atque efficaciam, ut poenam nullitatis in omnibus matrimoniis, contra ipsius tenorem atque dispositionem initis, producant. Ut exemplis res clarior euadat, afferamus ex pluribus nonnulla: ita matrimonium, etiamsi iam contractum & copula carnali consummatum, in se nullum atque irritum est, (1) si sit clandestinum i. e. inuitis parentibus. (2) sine dispensatione in gradibus per ius commune aut provinciale prohibitis. (3) sine principis consensu inter nobiles mediatos admorganaticam. Si (4) inter personas sit contractum, quibus princeps vel in poenam vel ob rationes status a matrimonio expresse interdixit. Cum enim eiusmodi matrimonia omnia in fraudem legum & cum proteretica iuris negligentia incantur; recte ex principis mandato rescinduntur & tanquam illegitima pro nullis declarantur. Nec obstat *copula sacerdotalis*, ubi hæc iam accessit. Hæc sola enim matrimonium non constituit, sed potius ut pars accessoria sequitur suum principale. Itaque si hoc vitiosum, etiam illa vitiosa erit. Ex actibus autem vitiosis nihil sani atque validi succrescit. Neque obstat etiam fauor matrimonii. Maior enim est fauor legum, & sanctior hic principis, quam matrimonii auctoritas. Denique nec prolis ratio habenda. Huic enim alia ratione a principe succurri potest. Quibus ita suppositis, nunc quaestio *principalis* redit, an aliunde tamen medela huc afferri, atque morbi hi lethales alio forte emplastro sanari possint? Ad hanc ergo respondemus, utique suppere adhuc medicinam, qua vitium actuum in se irritorum tolli, & matrimoniis agonizantibus sua vita reddi possit. Illa autem vnice est *gratiosa principis dispensatio*, utpote qua sola nullitas actuum deleri, vitium auferri & matrimonia, ex demerito contrahentium rescindenda, iterum sanari & quasi retro firmari queunt. Quorigitur species antea enumeratae, tot actus quoque dispensatorii, a principe exercendi. Et tum quidem fauor prolis atque matrimonii attendi meretur, cum iste motuum dispensandi præbet. Vti enim penes imperantem stetit,

tit, vt ex impedimentis matrimonio positis hoc ipsum vitio-
sum fieret: ita & penes eundem erit, medelam vitio asserre, &
ex gratia confirmare, quod ex iustitia potuisset irritare. Vera
autem & proprie sic dicta hæc *dispensatio* est, quæ poenam nul-
litalis ex gratia imperantis aufert. Hactenus de medela nulli-
tatum in genere.

§. XXXV. Restat, vt nunc in specie etiam de matrimo-
niis, contra leges diuinas initis, dispiciamus. Rem breuiter ex-
pediemus. Sunt illa matrimonia vel contra *expressos* & a Deo
Leuit. XVIII. determinatos, vel contra *similes & pares* tantum, non
tamen *expressos*, gradus inita. Si *prius*: vtique rescindenda e-
runt: neque vlla dispensationum medicina suppetit. Sin *po-
sterius*, momentum quæstionis ad conscientiam & persuasio-
nem redit, quam quis de istis gradibus, non expressis quidem,
pari tamen proximitatis specie militantibus, imbutus est. Si
enim persuasum tibi fuerit, eos iure diuino non comprehendī,
non dubitabis etiam admittere licentiam dispensandi. Sin con-
trarium animo sedeat, nec dispensationem aut tolerantiam sua-
dere poteris. Quæ enim iure diuino vetita, illa factō humano
non fiunt licita; & si prima vice incestum committit, qui v.gr.
cum fratris filia, vxoris sorore, &c. concubuit, is sine dubio et-
iam, quoties iterat concubitus, toties iterat incestum.

*An talis di-
spensatio ob-
tineat in ma-
trimoniis
contractis
quidem, sed
ipsa lege di-
uina nullus?*

§. XXXVI. Mirum ergo, Viros, etiam eruditos, in argu-
menti huius diiudicatione adeo hallucinatos esse, vt asserere non
dubitarint, talia matrimonia, postquam semel contracta fuerint,
non facile iterum rescindenda, sed patienter potius toleranda
esse. Profecto non leuiter mihi errare videntur, quiqui ita
ratiocinantur. Quasi vero, quod ab initio scelus erat, noua
accessione sceleris, illegitima sc. coniunctione atque fraudu-
lenter acquisita benedictione, foeditatem suam amisisset. Po-
tius quod semel scelestum, semper scelestum est; nec feren-
dum, vt copula sacerdotis fiat copula iniquitatis. Cæterum
alia philosophia est eorum, quibus altera opinio arridet, perso-
nas, non gradus interdictos esse, statuendum, adeoque etiam a-
liter de iis erit pronuntiandum.

*Notatur
hallucinatio
quorundam
cruditorum.*

§. XXXVII. Respondendum nunc etiam foret ad aliquas *Solutione ob-
obie-*

*iectionum,
neglecta, tan-
guntur ad-
huc dua illu-
stres questio-
nes.*

obiectiones, contra superius dicta afferri solitas. Sed spatii angustia eas conflictui disputationis reservare iubet. Denique etiam illustres nonnullæ quæstiones de effectu dispensationum evoluendæ essent, inprimis hæ sequentes: I. *an dispensationes a principibus imperii factæ etiam vltorum territoria quicquam operentur?* II. *An dispensationes papæ, subditis protestantium indultæ, in horum quoque terris aliquem effectum nanciscantur ac volorem?* Sed deficiente spatio, iam & calamus deficit. Deinde merentur utique hæ quæstiones ob illustre, quod continent, argumentum, peculiarem aliquam discussionem, forte a Magnif. DN. PRAESIDE data occasione, expectandam. Interim exercitii ergo nunc tribus, quod aiunt, verbis & tanquam in summa ad vtramque respondemus, & ad primam quidem, distinguendo inter dispensationes a *Cæsare*, & dispensationes a *statibus* impetratas. *Cæsareæ* dispensationes omnino per totum imperium valent, vltra illud vero non extenduntur. Ast dispensationes *statuum* territorii limitibus, quemadmodum *Cæsareæ* imperii, includuntur. Saltem de dispensationibus *ciuilibus* id confectum est. Circa dispensationes autem *ecclesiasticas* v. gr. matrimoniales, dubium oriri posset, quod ex pacificatione publica, ab omnibus æque statibus approbata atque confirmata, ius sacrorum statibus euangelicis omnibus ac singulis ex æquo atque independenter competat, quodque adeo dispensationes ab vno statuum factæ etiam in alterius territorio valere debeant. Verum hic post obseruantiam locorum pacta & conuenta iater status specialia tutissimum decidendi medium præbent. Ad secundam vero respondemus eam *simpliciter negando*. Siue enim de effectu *temporali* sermo sit, hunc dispensationi papali omnem denegamus, atque etiam supra iam denegauimus *sect. II. cap. 1. §. 13.* siue de *spirituali*, v. gr. in rebus ad beneficia ecclesiastica, itemque ad matrimonia pertinentibus, etiam hic effectus papæ, quantum ad territoria protestantium, prorsus abiudicandus erit. Fundamentum assertionis nostræ immotum atque inconcussum hoc est, quod vi *instrum. pac. Cæsareo-Succ. art. V. §. 48. omnis iurisdictio pontificis & episcoporum plenarie & perpetuo suspensa* sit. Quod vero perpetua suspensione abolitur & destructum, id omni etiam operatione destitutum est. Cætera per se clara. Itaque vel tandem aliquando vela contrahenda, & imponendus dispensationi nostræ suus

F I N I S.